





R

CVXXX





DISPUTATIONES
CHYMICO-MEDICÆ:

Pleræq;

SUB PRÆSIDIO

JOH. HARTMANNI,
MED. D. ET CHYMI-
TRIÆ IN ACADEMIA MAR-
purgensi Professoris Or-
dinarii,

AB

ALIQOT MEDICINÆ CANDIDATIS ET
Studiofis, ibidem publicæ censuræ
expositæ.



MARPURGI,
PAULUS EGENOLPHUS, TYPO-
graphus Academicus excudit: ANNO
MDCXI.



ELENCHUS

Disputationum Medico-Chymicarum.

- I. Miscellanea varia : Inauguralis : M. Joh. Hartmanni, Mathematicum Professoris.
- II. Hermetica ; de rerum naturalium principiis : M. Henrici Petrazi Smalcaldensis.
- III. Miscellanea : M. Samuelis Gentsersbergeri Bipontini.
- IIII. Themata Jatro- Chymica varia : Inauguralia : M. Samuelis Gentsersbergeri Bipontini.
- V. Miscellæ Medico- Chymicæ : Inaugurales : Joh. Jacobi Guggeri Basileensis.
- VI. De Natura Catarrhorum : Henrici Crollii Wetterani.
- VII. Dissertatio Chymico- technica, totius operationis Chymicæ methodum practicam clarè ab oculis ponens ; cum vasorum instrumentorumq. Chymicorum in æs incisorum Tabula.
- VIII. Contradictionum in Medicina Dogmatica & Hermetica apparentium conciliatio : Inauguralis : M. Henrici Petrazi, Medicinæ Professoris.

Medicinæ Professoris

DZZis



1942

55(*)55



Ob. 7. II. 27 58



DISPUTATIONUM MEDICO-CHYMICARUM

PRIMA;

INAUGURALIS

M. JOHANNIS HARTMANNI, PROFES-
foris Mathematici publici.

THESIS I.

Medicina universa ad actionem comparata est, ad contemplationem minimè:
De rebus itaq; naturalibus subtiliter disputare, declamare, rixari, non est
medicari.

HYPOMNEMATA.

I.



MEDICINA est ars: generat enim quippiam.
Phil. 6. moral. c. 4. Ejusq; finis est opus. Scal. ex-
erc. 1. f. 3. Gal. 1. de constit. artis. II. Estq; ars
benè medendi: tota consistit in ætædicatione.
Hipp. de flat. Sanitatem conservat, morbos
depellit. Aeti. III. Medicinæ itaq; vocabu-
lum propriè refertur ad partem curativam,
Gal. lib. num. ratio tuend. sanit. ad art. medic.

speclet. IV. Ille est reverà Medicus, qui τὸν καὶ νοσῶντος διαγινώσκῃ Plat. 1.
de Rep. V. Tanti est exercitus, quanti est Imperator, ait Florus: ita
tanti sunt omnia instrumenta medica, omnes herbæ, metalla,
succī, Magisteria, Elixiria, &c. quanti est Medicus: Hæc enim,
omnia non auxilia, sed tantum auxiliorum materiæ sunt. VI.
Tunc autem auxilia fiunt, quando suam formam seu naturam induunt,
hoc est, quando in tempore, ac ut decet, Medici ea applicant. Gal. lib. ... de

alim. facul. & 6. Epid. com. 5. Aphor. 1. VII. ἡ δὲ ἰατρικὴ ἐν τῶν οὐ γὰρ ἐμπει-
 τῶν γινώσκουσα. Arist. 10. Eth. Et, Declamationes ambitiosorum opera, ocioso-
 rum cibi sunt. Scal. exer. 307. f. 20. VIII. Nihil itaq; proficient spe-
 culationes, etsi ipsius Mercurii contemplationibus non cesse-
 rint. IX. Atq; hoc sumptum est ex Philosophorum Scholis.
 1. In arte salubrium facile est nosse mel & vinū, & Helleborum; itemq;
 unctionem & sectionem: at nosse quomodo hæc ad sanitatem adhibenda
 sint, & cui, & quomodo, ita difficile est ut Medicum esse. Arist. 5. Ethic.
 2. Si quis noverit ea admoveere corpori, quæ calefaciunt, & quæ refrige-
 rant, & quæ alvum subducunt, &c. deinde pro Medico se talis gerat, in-
 terrogandus erit, num præterea sciat, καὶ τίς τῶν δεινῶν, καὶ ὅποῦ ἐκαστὸν τῶν ποιῶν,
 καὶ μὲν οὐκ ὁπότε, quibus, quando, quatenus hæc singula sint adhibenda:
 quod si neget se hoc intelligere, certè is insanire, nec pro homine habend-
 us esse videbitur. Plat. in Phædro. X. ὅτι γὰρ ἀλόγων ἐστὶν ἡ ζωὴ καὶ τὰ βαρυν-
 οῦσιν ἀπ' αὐτοῦ: Hi nimirum sunt qui Acroases faciunt, garrulitate sua
 imponentes. Hipp. πρὸς Διόσκ. XI. Unde non mirum est, quod Ari-
 stoteles de sui temporis Sophistis dixit, αἱ ἀνεπαρκεῖς καὶ τὰ ἰδὴ ἀνυπόστα-
 ται; idem de hodierna Medicina revera prædicari posse.

II.

Venena in corpus humanum agere certum est: sed qua vi, qua deniq; ratione a-
 gant, penè, ne dicam prorsus incertum: ut ut sit, natura venenorum ἀμολ-
 ογὰ ἐκ τοῦ ἐλαδίου humanarum excoctores dedocere vix potuit, quomodo
 vaferitimo ingenio venena etiam intervallo temporis enecantia non tem-
 perarent.

HYPOMNEMATA.

I. **V**ENENA, quæ venena, aut neutiquam, aut dubiè sensibus
 occurrunt: eorum enim natura est obscurissima. Scal. ex. 33.
 sect. 2. II. In intellectu verò medico nihil est quod non prius fuerit in
 sensu. Arist. III. Experientia igitur usuq; pernicies veneno-
 rum cognita fuerit, nullius tamen rationem, unde hæc vis de-
 pendeat, absolutam reddere unquam potis fueris, quantumvis
 omnem

omnem hostilitatem adversitatemq; , vel qualitatibus primis, secundis & tertiis, vel toti substantiæ, vel formæ specificæ annumeraveris. IV. *Sicut itaq; in plerisq; , ut vulpes elusa à Ciconia, lambimus vitreum vas, ita hîc pultem non attingimus. Scal. exer. 307 f. 21.* V. Venenorum itaq; propriè nulla est scientia; nisi *ἐν τῇ φύσει* in salutarî illo occultæ proprietatis asylo, *Scal. exer. 218. f. 8.* collocandæ sint. VI. Caterum satis erat olim Neroni, coëgisse Locustam veneficam, ut coram se in cubiculo, quàm posset velocissimum & præsentaneum venenum coqueret *Suet in Neron. vita.* At funesta gentium protervia fidem facit hodie à temperatis venenis differri mortes posse, suo tempore invasuras, ubi illæ minus expectatæ fuerint. VII. *Omnis actio sequitur potentiam agentis, & convenientem subiecti dispositionem. Philosophi passim.* Iis itaq; vel simul vel scorsim immutatis, immutatur etiam ipsa actio. Immutatur autem, quia ejus principia immutantur: *Potentia enim est principium operarum & affectionum, Arist. 7. Metaph. Scal. exerc. 307. f. 16.* Et, *receptivum non recipit per modum imprimentis, sed per modum receptivitatis. Scal. ex Scholasticis exer. 16. f. 2.* VIII. *Ex actione porro immutata oritur resistentia. Piccolb. lib. 5. de prim. mat. c. 18.* Ea vel est ab agente, vel à patiente, non quâ agens aut patiens, sed quâ immutatum: idq; vel *κωλύει*, vel *ἀντὶ* : illud includit resistentiam perfectam, hoc imperfectam: Perfecta impedit omninò, ne passio ab agente in patiens introduci possit: imperfecta quadantenus resistit; Pro diverso nimirum seu inæquali causæ efficientis, à qua resistentia pendet, virtute seu dispositione. IX. Exeamus jam ex hac scena in campum, ut propositæ veritatis lucem in aprico contemplemur. X. Venena naturæ sunt inimica; eaq; quàm pessimè agunt, tam maxime noxia sunt. XI. Eorum vis aut penitus tollitur, aut suspenditur saltem, ut celeritati tarditas & præcipiti letho languor succedat. XII. Utrumq; causas suas habet: 1. vel ab imminuta potentia veneni solius artis Alexi-

pharmaca opponentis beneficio. *Mythridates Bithiniae & Pontis rex ab usu Mythridatii venenis omnibus superior fuit. Gal. lib. 2. de Antid. Paul. lib. 3. c. 28. Plutarch in Pompe. vita.*

Perfecit poto Mythridates sapè veneno,

Toxica ne possent sava nocere sibi. Martial.

2. Vel à subjecto corpore ad recipiendum minus apto, tam natura quàm consuetudine. *Cicuta Sturnis, & utriq; anui, alteri (de qua Gal. simpl. med. facult. lib. 3. c. 18.) alteri (de qua ex S. Empirico Mercurialis lib. 1. de venen. c. 5.) ejus xxx. 3. sine ulla noxa absorbenti, non fuit dardani. Cambaje reguli filio, Scal. ex. 175. & puella Indica Alexandro M. missa, Santes Ardoyn. ex Arist. lib. 1. de venen. c. 8. veneno enutritis illud profuit. XIII. Resistant ergò venenistum Alexipharmaca, tum juxta naturam etiam consuetudo, eorumq; vehementiam vel elidunt prorsus, vel retardant. *A rabido cane commorsus non confestim, sed interdum bene longo tempore post in rabiem agitantur. Mathiol. ad Diosc. lib. 6. c. 36. Apud Scythas reperiuntur radices, quarum alie celerius, alie tardius interimunt: ita ut nonnullos tabe quadam paulatim consumant. Theoph. de histor. plant. 9. c. 15. XIV. Quod natura itaque facit in producenda venenorum perniciè, id æmulatur ars: hæc igitur quemadmodum venenis interdum calcar adhibet, ut celerius operentur: Sic Amfiam cum Sesamo comestum celeriter & sine dolore interimit. Scal. ex. 175. ita potest aliquando frænum addere ut tardius. Valleriola lib. 3. locor. comm. c. 18. M. Attilio Regulo Carthaginenses venenum miscuerant, quod mortem in diem proferret, hoc est, ut viveret quidem, quoad fieret captivorum permutatio, post autem grassante sensim veneno extabesceret. Agell. lib. 6. c. 4. Atq; utinam hodie minus cognitum esset quomodo venena, etiam in multum tempus dilata interneccione, temperanda essent, minus minusq; periclitarentur Magnates! XV. Utrum verò venena articulo temporis exquisito & certo definiri possint, difficultatis plena est as-**

sertio:

tertio : Hoc constat ex Hermolao Barbaro , viro incomparabilis doctrina , qui nihil non cognitionis sui seculi ad antiquitatem referre conatus est. Scal. ex. 157. Aconiti radicem preparari posse, ut biennio solat, anno, mensibus sex, tribus, duobus, uno.

III.

Profapia morborum finita est: Novi itaq; hodie minimè generantur.

HYPOMNEMATA.

- I. **A**ccidentia suis in causis tecta diu latent, suscipiuntq; furtim incrementa, ut sensus fallant: sicut & lapidis pertusio, quæ à gutta fit, & adium ruina. Scal. ex. 181. f. 19. II. Sicigitur & morbi, quos ut repentinus insultus invchere videtur, ita non sine apparatus antegressione à priscis observata subeunt pedetentim, donec absolvantur. III. Non sunt in natura potentia species nova, præter has quæ nunc extant. Scal. exerc. 249. f. 1. Neq; nova entia videntur temerè in natura censum invchenda, sine manifesta necessitate. Scal. exer. 61. IV. Raritas aut ignoratio facit admirationem. Scal. ex. 157. f. 3. V. Minus & magis in morbis novitatem & differentiam non pariunt: Hac enim illa non suscipit. Aristot. 8. Met. c. 10. Et, Accidens non reddit aliud, sed essentia alia reddit aliud. Zabarella. lib. 2. poster. c. 12. contex. 77. VI. Incrementum itaq; & collectio magnitudinem & multitudinem potest apponere, sed subjectum de suo genere non emovere. Plut. in Symp. VII. πειρὶ τῶν ἀφανισμάτων, & χαλεποτάτων νοσημάτων δὲ μᾶλλον, ἢ πύρρην κείνῃται. Hipp. de flat. VIII. Morborum enim omnium unus & idem modus, una species, & causa eadem. Hipp. ibid. IX. Morbus absq; causa nullus gigni potest: Nihil enim est efficiens sui ipsius. Aristot. lib. de motu animal. c. 5. Et, In rebus naturalibus nihil est sine efficiente. Scal. ex. 307. f. 27. X. Neq; vis est ulla, quæ ex nihilo contra leges naturæ aliquid possit producere: Nihil enim agit supra vires proprias. Zabarella. de calor. cæl. c. ult. XI. Ex iis autem morbi enascuntur, è quibus vivimus. Hipp. de insomnia.

somn. XII. Neg. sunt peculiariora morborum semina, sed illorum vitia respectu nostri, nostraq; in iis delicta naturam perturbant: Perturbationes autem discrimina habent sempiterna, quae novis saepenumero efferruntur nominibus. Diogen. ap. Plut. Sympos. 8. q. 9. XIII. Nomina autem sunt ab arbitrio inventoris. Scal. ex. 293. & 266. Zab. 4. de Meth. c. 21. ὅνομα δὲ τῶν σωματικῶν κατὰ συνήθειαν. Aristot. 1. περὶ ἐπιστῆμ. 2. XIV. Affectiones sunt natura, quae διμμερῶς omnia in morbis operatur. Gal. in arte.

IV.

Summum est Axioma, à summo Dictatore Hippocrate in scenam Therapeuti-
cam introductum: τὰ ἐν ἀλλή τῶν ἐναντίων ἰσχυρά. lib. de flat. & 1. Aphorism.
22. Verum illud haud statuitur ut necessarium. Non igitur quod statuat, sed
quod non statuat, simul statuitur & hoc: Sapius similia similibus, quam
contraria contrariis curari.

HYPOMNEMATA.

I. **N**ecessarias Propositiones Arist. vocat eas, quae sunt de omni, per
se, & universales. Zab. 3. de Meth. c. 4. Necessarium itaq;
est quod aliter se habere non potest, seu, quod necesse aliter potest.
Scal. de caus. l. l. c. 166. II. Nihil horum potest dici de eo quod est re-
ceptum in Medicorum Scholis: Contrariorum contraria sunt re-
media. Ammon. in introduct. Porphy. Non enim ibidem est essentia-
lis, seu perpetua ac insolubilis prae dicati cum subiecto connexio. Zab. 4.
d. l. & lib. 1. de propof. necess. c. 1. Secus quam Gal. πᾶν διόγνωμα καὶ δόλη εἶναι
debere contendit. de opt. Secta, & ad Thrasyb. III. Artis medicae fi-
nis unus, sanitatis nempe consecutio, modi consecutionis sunt plures. lib.
de opt. Secta, & lib. ad Thrasyb. IV. νουὶν φύσις ἰντερί. Hipp. 6. Epid.
sect. 5. Aphorism. 1. Aretae lib. 1. c. de cura morbo diut. Celsus lib. 3. c. 1. Gal.
lib. 3. de cris. & 9. de plac. Hipp. & Plat. & lib. ad Thrasyb. c. 30. & 31. V.
τὴν φύσιν αἰὶν ἀντίθετον ἰντερί. ut saepe repetit ex Hipp. Galen. VI. Natu-
ram itaque adjuvare est mederi, qua repugnante irrita sunt omnia.

Hipp.

*Hipp. de lege. Nec servari quis potest, nisi natura morbum superaverit; neq. perire, nisi natura victa sit, morbusq. ea superior evadat. Gal. de tot. morb. tempor. c. 5. VII. Medicamentum igitur respectu finis sui, ei quod in homine est secundum naturam, existit simile: illud enim promovet, ampliat, conservat: sic & temperiem servat, meatus aperit, & unitatem quam oportet, tuetur: Ut interim non neget, actionem naturæ in id, quod præter ipsam est, agentis, esse contrariam: ab illa enim hoc corrumpitur, abigitur perditur. VIII. Intercedit itaq., & ubi maximè contraria contrariorum remedia dicuntur esse, similitudo quæpiam viget: quam negare est vim inferre naturæ: cuius potentia latè patet. Scal. ex. 15. IX. Pergo ulterius: Morbi oriuntur ex dissidio Principiorum. Hipp. de loc. in hom. X. Principia sunt tria illa consequentia, SAL, SULPHUR, & MERCURIUS: Ea sunt consequentia, non Logica, sed in re, inq.; natura cuiusvis rei compositæ posita. XI. Id quod experientia omnium rerum Magistra, huius seculi λογιστικὴ mirificè comprobavit. XII. Ea igitur quoniā omnium rerum compositarum principia sunt, etiā humani corporis, & remediorum omnium fuerint. XIII. At remedia ex majore mundo in *μικροκόσμον* comportanda sunt: sunt enim instrumenta Medica. Gal. de art. constit. c. 14. Hippocrates τα δῖόντα vocat de arte: XIV. Cognitis verò Principiis morborum, facile est invenire remedium. Gal. meth. med. lib. 1. c. 7. XV. Sic igitur Sal externus Sali interno: Sulphur externum Sulphuri interno; & Mercurius externus Mercurio interno *συμπέχοντα*, singula singulis in eodem genere medentur. XVI. Simile enim libenter it ad simile, tanquam pars ad totum, aut tanquam pars ad cognatam partem unionis appetens. Scal. ex. 105. f. 2. XVII. Huius loci est Syllogismus Physiognomicus, quem Averrhoes eleganter Syllogismum Anatomicum vocat: de quo Arist. Prior. 2. c. 28. XVIII. Ejus enim, vi Anatomia illa viva, seu conspiratio rerum naturalium in pri-*

mis extracta mirificè evincit curationē potius Similibus quàm Contrariis deberi. XIX. Syllogismi Physiognomici *κατὰ πικρὰ καὶ γλυκὰ* paucis cognitam, sed immensè utilem, placet breviter adumere. XX. Corpus humanum afficitur morbis: *ὅτι γὰρ ἀνθρώπου τὰς ἀνθρώπων τὸ το καλῆς νῦν*. Hipp. de flat. XXI. Morbi singuli habent sua signa: signa autem cognitioni inserviunt, *ἡντὶν τὰς ἀνθρώπων τὸ το καλῆς νῦν*. Hippocrati de arte. XII. Signa eadem reperiuntur etiam in remediis, quā nempe illa à sapientissima natura *πολλὰ καὶ ὅλα* ita signata sunt. XIII. Sicut itaq; unum unius morbi, ita unum unius remedii signum proprium & reciprocum est. XIV. Sic igitur ex natura eorum, quæ sunt *πρὸς τὸν*, licet dicere: Hic Morbus est huius remedii. Et: Hoc remedium est huius morbi. XV. Verbi gratiā: Obstructio Pulmonis est Tussilaginis. Et: Tussilago est obstructionis Pulmonis. XVI. Thema itaq; est: Tussilago est remedium obstructi Pulmonis: Ratio: quia gerit ejusdem signa. *Οὐδὲν αὐτὸν ἔχει, ὅτι καὶ αὐτὸν ἔχει, Gal. 6. Aphor. 16.* XVII. Syllogismus Physiognomicus est ejusmodi: *Quodcunq; vegetabile gerit signa obstructi Pulmonis ejus est remedium: Tussilago est talis.* Ergo. XVIII. Hic Propositionis antecedens & consequens sunt *ἀντιστοιχία*: ea enim æquè late patent: *secus unū unius signum non esset. Arist. d. 28. c. 2. Priorum.* XIX. Hinc Canon I. In Syllogismo Physiognomico signum cum morbo & remedio vicissim retrò commeant. XX. At Assumptionis partes non reciprocantur. Ea enim non æqualem inter se latitudinem habent. XXI. Hinc Canon II. In Syllogismo Physiognomico signum reperitur in tota specie tum morbi tum remedii, sed non sola. Neq; enim omne quodcunq; signum obstructi pulmonis gerit, est Tussilago. XXII. Est quidem signum obstructionis pulmonis in tota specie huius morbi: est idem signum, in tota specie Tussilaginis: sed signum hoc non est in sola specie

huius

hujus morbi, neq; in sola specie Tussilaginis : reperitur enim-
 tum in aliis morbis, tum in aliis remediis individuīs. v. g. quibus-
 dam mineralibus, in quorum tamen specie sola pariter non re-
 peritur. XXXIII. Ex signis igitur remediorum naturas co-
 gnosci posse luce non eget meridiana. XXXIV. Atq; sic tan-
 dem eveniet, quod Fernellius ex Euripide serō exoptavit, ut res ipse
 cum hominibus colloquantur, & se quales sint explicent, procul aman-
 datis artificiosis sermonibus de abd. rer. caus. lib. 2. c. 18. XXXV. Tan-
 tum abest, ut felicitas destituat Medicum externis illis signis A-
 natomen internam consociantem, handq; vulgariter demon-
 strantem, causas morborum è realibus & in rerum natura exi-
 stentibus principiis, viribus & potestate ingēnita, Hipp. *ἰσχυρὰ*
ἀπὸ φύσεως appellat, ad sua effecta producenda pollentibus, dependere.
 XXXVI. Quia itaq; illa referta sunt essentiis, tincturis & pro-
 prietatibus (quarum una cognitio res ipsas exercet. Fernel. de abd. rer.
 caus. d. l. 2. c. 18.) similiter jubent in morborum causas penitus,
 sicuti in silenos Alcibiadis introspecientes *ὁρῶμεν*: In iis nem-
 pe ad sui ipsorum seminumq; domesticas proprietates, con-
 fluentiarum & conspirationū causas genuinas dexterrimè con-
 fugiendum esse. XXXVII. Nihil enim est in Principiato, quin
 vel actū vel potestate fuerit in suis principiis. Scalig. exerc. 307. sect. 20.
 XXXVIII. Morbi igitur è quibus oriuntur, iisdem etiam cu-
 rantur : Oriuntur autem è dissidentium Principiorum semi-
 numq; essentiis, tincturis & proprietatibus. Ergo. XXXIX.
 Harum itaq; proprietatum natura extat similis : Exactè dico si-
 milem, non eandem: *Similitudo enim non affert identitatem.* Scalig.
 ex 307. s. 16. XL. Et quia illæ *παρὸντος* aptæ sunt ad ablationem,
 abundantium, & ad appositionem deficientium, quæ *ἀπὸ τῆς φύσεως*
ἰσχυρὰ Medica est Hippocrati de flat. quid vetat *ἀναγκασιότατος* confiteri;
 Etiam similia similibus curari? XLI. At verò *ὑγίαινοντες* *παρὸντος*,
 & fastidire id, cujus necessarius sincerusq; usus vulgò ignora-

tur, nimis quàm curti natantisq; iudicii est. XLII. Sed ne his tantum angustis similitudinem Therapevticam circumscribere vellet videar, præter evidentes historias totus apparatus Medicamentorum Purgantium in subsidium veniat. XLIII. Et enim ea ^{1.} sive ὁμοιότητι τῶν ὀλέων ὁρίσας humores attrahant; *que Galeni & caterorum fuit sententia*: ^{2.} sive facultatem expultricem stimulent; *quod recentiorum est dogma*: ^{3.} sive propter substantię similitudinem humores in corpore, vel quantitate vel qualitate augeant, unde alterius accessionis natura pertæsa expulsio- nem moliatur; *quod est nuper non improvidè natum αἰτιμα*: ^{4.} sive Salinis suis virtutibus, Mercurialibus, Antimonialibus, Arsenicalibusq; spiritibus stipatis, excutiendi officio defungantur: *quæ Chymicorū ē natura fontibus eruta sententia est*: sive qualitercunq; inquam, evacuent, similitudo sibi potissimas partes, & quidem numerosius arrogat. XLIV. Sic igitur v.gr. Rhabarbarum & Scammonium ὁμοιότητι & lege biliolas febres curant, &c. XLV. Hippocrates 5. Aporis. 21. Juvenem ὡσπερ ἐκ τῆς ἀσθῆτος τῆς τετανοῦ laborantem multa aqua frigida per fustum sanat: quod idem præcipit in Opisthono. lib. 3. de morb. XLVI. Sic eadem vomitus vomitum curat: & Purgatio ad fluxum ventris appositum remedium dicitur. lib. de loc. in hom. XLVII. Sic Galenum, φλεγματικὸν gutturis simili medicamento excafaciente & siccante curari posse, historica experientia edocuit. lib. 10. de simpl. medicam. facultat. XLVIII. Sic eadem ut Hippocratis decretum 6. Aphoris. 31. experimento comprobaret, Ophthalmiam vini meracioris usu curavit. 6. comm. aphoris. 31. XLIX. Id quod postea Aëtius Tetrab. 2. serm. 3. c. 7. Ægineta lib. 3. de re med. c. 2. Et Philoteus in comm. ad d. Aphorismum asseruerunt. L. Exempla similitudinis non do plura, quia eorum plura quàm muscarum cum caletur maximè, ut cum Comico concludam. LI. Unicum modò mirari subit, cur commentatores in d. Aphoris. τῶν ἐναντίων, ex eodem tanquam ex Maxima, & immediato Principio, ut vocant, digni-

dignitatem totiusq; Medicinæ fundamentū arceſſant: niſi Principē Gal. in conſtantiæ inſimulare velint, Stationē contrariorū pluſculum deferentem, & ad Oppoſita ſaltem provocantem. *Meth. med. 11. c. 12.* LII. Unde nimirum poſtea τῶν ἐναντίων tyrannide aliquantulum mitigata, Doctiores in Oppoſitorum caſtra commigrarunt; pro oppoſitione qualicunq;, quantumvis parum diſtet, militantes. LIII. Ut minùs ἀφιλόσοφον fuerit Argentio, propter perlevem oppoſitionem in Diverſis acquieviſſe: Cum Oppoſita interdum Diverſorum formam induere, eaq; nonnunquam Similibus obblandiri ſoleant. LIV. Sed de his ſatis: *Nec enim in re difficili, quando alii nodum ſolvere neſciunt, jocularum acie eum ſcindendum eſſe exiſtimabam. Ex Scal. ex. 173. ſ. 1.*

V.

Hæmagogum cæteris Medicamentis evacuantibus per omnia correfpondens, ſi prudentiſſima natura negavit, ſaltem rem medicam non deſtituit, quomodo interdum, poſthabitâ Phlebotomiâ, ſanguinem corporis partem lancinantem, κατὰ τὸ πρῶτον & τόπον educeret.

HYPOMNEMATA.

- I. **N**atura ſcientia omni Medico neceſſaria. *Hipp. de vet. med.* II. *Ex enim eſt corporum ſapientiſſima. Id. de arte.* III. Cum itaq; Hæmagogum primò & per ſe reperiri non poſſit, *Gal. de purgant. facult. naturam* ideòne accuſabimus vel fatuitatis vel ſterilitatis? abſit. IV. *Natura enim nihil facit temerè. Scal. ex. 77. ſ. 3. Ideòq; ſemper facit quod optimum eſt. Scal. ex. 249. ſ. 2.* V. Sanguinem verò per alvum evacuare eſt jugulare hominem: Et, *Medicamenta quæ per venas inteſtinorum & ventris ſanguinem deſcendunt, venenis annumeranda ſunt. Gal. de ſimp. purg. facult. c. 4.* VI. Hiſtoria igitur quam *Gal. d. c. 4. d. 1. de herbula ſanguinem primùm, tum vitam profundente ab Herbario quodam inventa, recenſet,* inter fabuloſæ antiquitatis parti-

culas potius reponenda videtur: nec defunt rationes cur ita faciendum censeam. VII. An verò Iris copiosè sumpta sanguinem ducat, quod *Ruffus Ephesius lib. de Medicam. purgant. non ante multos annos edito, affirmare ausus est, id ego illi à quo Galenus assentiri nequeo.* VIII. Constat tamen, neq; recens tantum, sed & olim constitit, sanguinem corporis partem molestiâ afficientem, medicamentis simplicibus educi posse. IX. Sic ex doctrina *Archigenis apud Gal. 4. de compos. med. secund. loc. c. 8. Hyssopi Coma aqua simplici cocta, & nodulo tepide oculo ὑπόσπασμα perpesso adhibita, tam manifeste fugit sanguinem, ut lintecolum ipsum sanguinolentum videatur.* X. È fide digna *Epistola P. de Osma ad Nicol. Monardum anno 1568. ex Peru scripta, accepimus, Peruvianum quendam in Pasto Indos & Hispanos certo morbo laborantes (Senibus etiam hoc auxilii genere usis, robustiori corporis habitu recuperato, quasi rejuvenescentibus) juncturis membrorum, vel etiam aliis partibus morboſis succo herbæ cujusdam illitis, ac postmodum pannis confertim coopertis, sanasse; ab iis enim brevi elapso tempore sanguinem purum exundantem Indus detergebat, identitè inunctione repetita: Et verò herbam Indum nec prece nec pretio indicare unquam voluisse.* XI. Sic *Moschus sincerus naribus admotus sanguinem illico elicere dicitur, Scal. ex. 21.* XII. Sic forsàn non ignotum est nemini, in pratis, & hortulis nostris herbulam, alioquin vulgarem, succrescere, cujus paucillum naribus insufflatum hæmorrhagiam excitet, pro lubitu eam moderante prudentia Medica.

VI.

Venas & arterias in toto humano corpore mutuas sibi operas tradere certum est: sicut enim venæ arteriis sanguinem, hæ illis Spiritum subministrant. Est tamen haud inconcinnum ita inter eas partiri vices subsidiarias, ut omnem arte-

arteriam comitetur vena, sed non omnem venam arteria.

HYPOMNEMATA.

I. **C**ertum est τὸ συνάραςμα δύνασθαι αἰμαίνεσθαι τοῖς ἄλλοις καὶ ὅλον τὸ σῶμα. Gal.
6. usu part. 10. & 17. II. Ut vasis ipsis sit conspiratio quadam &
matarum conjunctio. 5. usu part. 2. III. Venæ sanguinem deferunt
ad totum corpus. Arist. 3. part. 4. Gal. 1. usu part. 16 & de differen. morb. 7.
Arteriæ facultatem vitalem & sanguinem spirituosum ferunt. 8. plac. 8.
IV. Sanguis itaq; spiritus est materia, & spiritus vita quasi sunt
& anima ipsius sanguinis. V. Idcirco aliquoties usu venit, ut vena
una duntaxat sauciata, non modo naturalis sanguis universus, sed una
vitalis quoq; effluat, ipso vulnerato penitus pereunte. C. Bauhin. Anato.
lib. 4. c. 24. VI. Galenus ostensurus vasorum uniones asserit venis ma-
joribus scētis, si totus sanguis effluere permittatur, consecutione & arte-
rias evacuari: aperto enim cadavere sepiissime cum venis etiam arteriæ
sanguine omni destitutæ repertæ fuerunt. Bauhin. ibid. VII. Cæterum
in omnes partes sanguine nutriendas à provida natura necessa-
rii ductus & canales dispositi sunt, per quos nisi sanguis fera-
tur uno in loco cōtrecens ulterius nō promoveretur: Est enim
ille crassior, quàm objectas sibi corporis partes duriores & den-
siores penetraverit. VIII. Spirituum substantia subtilior est
magisq; aërea, ideoq; magis penetrabilis, neutiquam suis de-
stituta vasis, ubi per partes densiores cursum alioquin impe-
dientes illi permeandum fuerit, sed facilè aliàs suo officio de-
functura, ac sine vasis in partes exteriores carnosas & superfi-
ciarias insinuanda, ubi minùs nempe ipsi à transitu periculum
fuerit. IX. Corpus enim humanum est σῶμα πῦρ καὶ ἀέρην ἔχον, Hippo-
crati & Galeno. X. Necessariò itaq; venæ ad omnes partes per-
tinent, arteriæ non item. XI. Arteria igitur semper sibi comi-
tem habet venam, sed non vicissim omnem venam comitabi-
tur arteria. XII. Idipsum est quod Gal. ait: ubi vas arteriosum vi-
deris, ibi necesse est venam etiam esse: paucis tamen venis in corpore,

quæ

quæ ad cutim pertinent sine arteriis divisis: id quod accidit in manibus & cruribus, & iisdem externis atq. anterioribus potissimum, quod partes hæ positionem habeant minus præcipuam, quam internæ. 16. usu part. 12. XIII. Sed esto: Galenus aliquot arterias sine sociis venis enumerat, in fine lib. de dissect. ven. & arter. XIV. Eisdem verò partes quorū arteriæ protenduntur sanguine nutriendas esse quis negat? XV. Anatomicorum igitur novaculam unguemq. accuratum paulum declinans, iis etiam partibus venas saltem commodato dare non erubesco, quantumvis longius ab ipsis venis destiterint, quàm Galenica ἀνείθερα fortassis postularit.

VII.

Ἀντίστροφος, quæ in magnis vulnerum hæmorrhagiis fit per venæ sectionem ex parte vulnere opposita, naturæ inimica & noxia est: Non est igitur causa planè nulla, cur eam Falix Wirzcius, tanquam παγεζύσιον minus necessariam utilè verepudiarit: lib. 1. c. 5. Chirurgiæ restituta.

HYPOMNEMATA.

I. Πᾶν γὰρ τὸ πολὺ τῇ φύσει πλεονέκει: Et, τὸ ὅτι ὁλίγον, ἀσφδὺς. Hipp. 2. Aphor. 51. Et, nimium quod est, offendit vehementius, quàm id quod videtur parum. Cicer. de Orat. II. Exhaustitur cum sanguine vitalis spiritus. Gal. lib. de revuls. Sanguis enim spirituosus est; inq. cothelaustus naturæ reconditus jacet; Et, in eo anima, hoc est, vita est. Valles. de S. Philos. c. 5. III. Τὸ αἷμα δὲ πρὸς τὰ γυναικεία ἰσχυρὸν. Paul. lib. 1. c. 100. Illi verò sunt ἄρχα τεσσάρων. Hip. lib. de alim. IV. Immodicè ergò missum sanguinem, ut vitæ periculum non subsequatur, tamen 1. virium resolutio: 2. habitus corporis deterior: 3. temperamentum frigidius redditum: 4. decoloratio totius corporis: 5. Lapsus in morbos diuturnos & exitiales, certissimè concomitantur. Gal. 9. meth. med. c. 10. V. A sanguinis igitur detractatione abstinendum, ubi bonus sanguis exiguus est. Gal. 4. de sanit. tuend. VI. Scopus mittendi sanguinis

guinis in magnis hæmorrhagiis vulnerū præcipuus & *unicus est, ut impetum ruentis sanguinis cohibeamus. Tagaut. institut. Chirurg. lib. 2. cap. 4. tit. de sanguinis detract. in vulnerib.* VII. Sed noxia optimi sanguinis iactura, quàm multis sit subiecta periculis res ipsa loquitur: Cohibitio igitur ruentis tempestivioribus remediis felicius obtemperaret, sine injuria & dispendio tam pretiosi thesauri. VIII. Tutissima minimeq; fallax ejus reprimendi via, præter canones communiter observatos, continetur hæc *Erzenghaus.* IX. Vulneribus sanguinis sistendi rationes difficulter admittentibus, primùm aspergitor pulvis Emplasticus, superadditis pulvillis, qui Græcis *Mōra* dicuntur, eodem pulvere aspersis: qui sic habet. X. *R. Viētrioli exicc. ʒj. pilor. lepor. minutiss. incis. Olibani, Myrrhæ, Tragacanthi an ʒss. Musci Fagini, ad pond. omn. Aloes ʒj. sanguin. ovilli rectè preparati, ranarum aquital. rectè preparati an. ʒij. Misce. F. Pulvis.* XI. Deinde applicator Emplastrum alutâ vel vesicâ exceptum, & triduo non solvendum: quod sic habet. XII. *R. resina larignæ & sc. Terebinth. comm. ʒij. Masticis ʒj. Succini citrini ʒij. Croci Martis igne reverberii concinnati ʒjss. M. F. Emplastrum.* XIII. Quod si ab arteria simul dissecta majus periculum imminet: cōtinuò enim copiosum sanguinis profluvium supervenit, vulnusq; glutinari vel difficulter, vel prorsus non potest. *Gal. s. Metho. med. funiculo serico (ut ibid. Gal. vult.)* primùm constringenda est arteria, postea cavum ulcus pulvere Viētrioli ad flavedinem exiccati replendum, ac decenti ligatura Emplastro Diasulphuris (quod *R. Balsami sulphuris ʒij. cera ʒss. Colophonia ʒij. Myrrhæ ad pondus omn. M.*) in plusculos dies cooperiendum. XIV. Tandem ut omnis putredo arceatur, membrum affectum linteolis madidis ex calido lixivio infusionis Lapidis salutis, quem vocant, aliquando fovendum. XV. Lapis salutis fit *ex Alum. Myrrhæ an. ʒij. Viētrioli albi, Anathron, Cerussa an. ʒij. Thuris ʒj. Boli Armeni, aruginis. an. ʒiiij. simul tritis, & Posca q.s. bulliendo in lapidem coagulatis.*



ΠΡΟΣΘΗΚΗ.

CHYMICO-THERAPEVTICA

Doloris Colici.

THESIS PRIMA.

Curationem doloris Colici, à causis qualibuscunq; profecti, inprimis desiderat morbi vehementia: siquidem cum introivit, & portis se intulit modum à captivis non accipit.

2. In eo enim Principiorum proprietates sunt potentes, acuta, subito penetrantes, vaporosa aciditate continuas partes inficiente.

3. Nimirum illæ radices & mineras suas in intestino pleniore pro centro possident, corporeâ & consentaneâ continuitate loci circumventæ.

4. Exinde aliquando spirituosos vapores tanquam peripherias ad certam distantiam, secundum mensuram potestatis suarum radicum ejaculantes, sæpius vicinas partes, potissimumq; eas in quibus confluentiam inveniunt, affligunt.

5. Sic enim regiones renum & vesicæ mucilaginis Tartareis infectas, impressiones spirituum ex minera Colicæ prodeuntium ad Paroxysmum Nephriticum irritant.

6. Ex iisdem nempe impuritatibus, gradibus duntaxat separationum & exaltationum differentibus, Colicæ & Nephritides proficiscuntur.

7. Hinc mirificè dolores utrinq; vigentes consentiunt, peritissimis Medicis nonnunquam circa eorundem dignotionem hallucinantibus: ceu de seipso *Galen, lib. 2. c. 5. & lib. 6. c. de locis affect.* profitetur.

8. Pari ratione in ventriculi Oeconomiam Colicorum impressiones impetum facientes nauseam, vomitum, ructus, aliq; symptomata excitant.

9. Præ-

9. Præterea in severioribus Colicis, ubi tincturarum potestas eminentior est, spiritibus vitalibus graviter infectis cordis & artetarum motus debilitantur: ubi sane palpitatio- num creberrimi insultus horrendas animi syncopas metuere jubent.

10. Ac quod omnium molestissimum est, posteaquam sæviores Colicæ succedente tempore resolutiones spirituofas iisdem facultatibus tincturarum præditas emisierint, in *passiv* seu contracturam artuum abeunt.

11. Hæc itaq; tot tantarumq; impressionum monstra cum radices Colicas vel sigillatim vel confectim concomitari soleant, Medicis ferias haud concedunt, neq; Justitium indi- cunt: quin illi auxiliari ne differant, cum semel percutiti nulla postea suffragia prosint.

12. Celeritatem igitur ubi medicamentorum jucundi- tate & securitate temperant, nã illi seopum suum recte asse- cuti videntur.

13. Quam sanè Aselepiadam cynosuram quia quibus- vis in morbis *ne ac insensibilis* in primis observandam præcipit, non reformidabo hanc semitam desiderantibus certissimam Her- mathenam figere, ubi nunquam impingere possint.

14. Mineras seu radices Colicas plerumq; fovet alvi diu- rurna obstructio: Ea igitur ubi prævaluerit, antequam reliqua fiant solvenda.

15. Solvitur Enemate ex rebus ingenita principiorum proprietate *molli* emollientibus, in hunc vel similem modum præscripto: Turis pisorum ℥vj. Extracti Esule ℥i. Bulliam *simili* colaturæ adde olei sem. lini ℥iij. Salis gemmæ ℥j. Salis comm. ℥i. M. In- jectatur moderate calido.

16. Ejectis ventris impuritatibus expedita ejus laxitati resistantibus, si supersit dolor Colicus (solet enim ubi hæc prima

operatione is planè non sopitus fuerit, saltem mitior evadere) ab aliquot horarum intervallo, vel statim, non impediante nimirum alvi duritie, hæc potiuncula absorbetor.

17. R. *Spiritus vini optimè correcti* ʒi. *Spiritus Nitri* ʒi. *aquæ fontanæ tepentis* ʒiij : ægro stragulis benè cooperto sudores aliquandiu provocantor.

18. Eveniet videlicet universum penè corpus Medicamento perreptante, sudoremq; copiosum foràs ejiciente, confestim morbus solvatur, & dolor evanescat.

19. Hac amicabili igitur *separatim* proprietates Principiorum Colicorum acutissimæ resolvuntur & expelluntur.

20. Ut jam nulla opus sit demonstratione luculentiori, quamobrem Spiritus sitientes, liquores altiores similes ex eadem familia, æquè maturos, exaltatos, & ad extremitates ductos, ut *Hipp. loquitur*, desiderent.

21. Sic igitur dolores Colici ex spiritibus sitientibus, ac congeneres similesq; liquores requirentibus progeniti fannantur.

22. Posteaquam enim illi eo ipso, quod cupiditatis æstro avidissimè perquisivèrè, potiti fuerint, mitigata ferocia cōfectisq; suis decursibus, per sudores, nōnunquam per urinas aliasq; insensiles transpirationes resolvuntur : cæteris impressionibus, ab ipsis in vicinarum partium Oeconomiam factis, subinde vel sponte suâ elanguentibus, vel convenientibus instrumentis eliminandis.

23. Id quod facilius, pleniusq; fiet, si post exactam tam atrocium hostium immanitatem, reliquæ impedimentorum pariter exturbatæ fuerint : ad quas finaliter expellendas vix dici potest quantum conferat extractum Hellebori nigri veri, artificiosè elaboratum.

24. Cæterùm solent severiores Colicæ diuturnitate temporis,

poris, vel etiam sæpius repetitis circulationibus gravissimæ, aut omninò nullis vel parum commodis medicamentis solutæ, in extremitates corporis coloniam ducere, quam Contracturam ex Colica vocant.

25. Hæc *μειράκις* olim non infrequens fuit Britonibus: hodie pluribus familiaris est in Franconia, Buchonia, Austria, Rhetia & Alsatia.

26. De modo, quomodo nempe fiat, dissidentium opinionum nolo esse *παράδοξος*: hîc tantum ubi de ejus *διεγερσία* non inidonea forsan adjecero, brevissima Methodo *παράδοξος* ex Colica ita curari posse, edico.

27. Vehementioribus evacuationibus hîc longè valere jussis, cum primis utile est extractum Senioris nigræ veræ, vel extractum Esulæ juxta dosi exhibitum.

28. Satis enim ipsum fuerit ad saburram in ventriculo & intestinis hospitantem, eliminandum, & subsequenter curam tutiorem reddendum.

29. Ea adhibitis cæteris ad *διεγερσίαν* necessariis, interna est, & externa.

30. Internè quotidie in conveniente liquore, jejuno stomacho *spiritus Tartari gutta xx. vel xxx.* exhibentor: ac ab eo medicamento tertianis quandoq; sudoribus provocatis, sæpius eodem die rotulæ sequentes devorantor.

31. Rx. *Aquar. lilie convall. florum Lavend. an. ʒ iij. Sacchari albiss. ʒ v. coquantur invicem ad perfectionem exactam; deinde remota ab igne, & diutius pistillo agitati addantur olei succini rectificati ʒ j. Essentie salviae ʒ ij. F. s. a. Rotulæ.*

32. Externe membra *παρεμύνα* primum asperiore linteo fricantor, deinde spiritu Tartari asperguntor, tandem Balsamo Galbani Terebinthinato inunguntor: eaq; singulis diebus ter repetuntor.

33. *Si* A qualibet imlutione indices Symphyti majoris in aq. fontana ad pultriculam decoctæ, linteoque in formam Cataplasm. superinducta inunctis membris calidè applicator: cetera Naturæ committuntor.

34. *Mirum* certè quantum fama & felicitatis ab hac cura expectandum sit Medico, si singula iudicii dexterritate præueni-
sus, sese neutiquam extra hos carceres exerceri passus fuerit.

35. *Spiritus Tartari*: *℞.* Tartari albi lbj. iij. destilla igne libero per cornutam foris loricatam phlegma & oleum faciens, confertur pro-
deuntibus spiritibus albis densis: ablato oleo, spiritum aliquoties Col-
chotare renovato per alembicum destilla, ut deponat: tandem cum spiritu vini aliquandem circuitatum, ac tuncissimæ eodem
compari beneficio destillationis liberatum, efficacissimum Tartareis op-
ilationibus interiorum exteriorumq; viscerum demulcendis reme-
dium reserva.

36. *Balsamus Galbani Terebinthinati*. *℞.* Galbani lbj. i.
adice olei Terebinthini clari lbj. exceptum utrumq; cucurbita vitæ
lento calore mæcera per unam atq; alteram septimanam: postea destilla
per Alembicum. Liquori destillato adice olei Lavendule ℥i. & destilla-
tionem repete: Elicies Balsamum generosum: quem si deo spiritu vini
adhibitis circulationibus correxeris, penetrantissimum effeceris: alio-
quin etiam Colicis doloribus, cum Oleo Saponis Veneti foris umbilico
illitum satis tutum futurum.

AUCTARIA.

12. *Poëta* nullam injuriam fecit Medicinæ, quando eam
artibus mutis annumeravit.

13. *Quod est ap. Reges de veterinaria cap. 8 lib. 2.*
est rite servatis omnibus à nimis remediis ad majora pro-
gredi.

14. *Quam* Aristoteli ingratitude maculam nonnulli
inu-

insurunt, quia Hippocratis, cui tamen multa surripuisse, Galeno dicitur, nunquam mentideris, ab eamodò is liber evadit, & integrati restititur, ex *de Repub.* *Epiphiana*, puerorum matrem, neq; Hippocrates, neq; Galenus, neq; fortas Ayiceana, cui hodie id tribuitur, nunquam appellantur. *Sanguis* natus deposita rubedine: Eum itaq; album dicere, non est idem, quod *Anaxagoras* de nive planè produxit, eam esse atram.

Mercurius artificiosè præcipitatus. Lui Venerea & Pesti unice modetur.

Morbo vernaculo, revera vernaculum remedium extat: Sic argutè Hispanus quidam Gallici morbi curationem ex ipsius loci natali ab ipsa usq; America petendam esse conjectatus, Guajaci usum in nostrum Orbem introduxit.

Morbus Colicus & fuit & innotuit antiquitus: alterius enim nominis potestati subiectus erat.

II.

DISPUTATIO HERMETICA

DE PRINCIPIIS RERUM NATURALIUM REALI-

bus: in qua aperitur & monstratur via vera ad vitalem Philoso-

phiam, adversus errores, & *Materialium*,

& *Elementariorum Ambulatorum.*

RESPONDENTE

HENRICO PETRÆO SMALCALDENSE HESSO.

Philos. Mag. & Medic. Studio.

ΠΡΟΛΟΓΟΣ

TURBE est inventis frugibus glandes devorare velle: tur-

pius ingenii libertatem servitute amisisse, & ex intellectu

omnium

omnium dictatore alienæ libidinis mancipium fecisse: turpissimum derelictâ regiâ viâ lineâ rectâ ad centrum veritatis, & vitales provincias perducente per salebrosâ, & plus quàm labyrinthea opinionum res qua cæcorum, ac mulorum instar ad dubitationum peripheriam evagari, & in densa errorum vepreta quasi præcipitio ferri. Sed, Angustum est iter augustas Sapientiæ ad arces, ad Vitam, & Verum non data lata via est. Maſti igitur, qui hujus tam felicitis itineris comites esse desideratis, spretis & præteritis vulgarium de scholâ hominum rationibus, seu potius errationibus, & delirationibus, Deo Duce, Fortunâ Comite in Universitate Monarchici, & summi Professoris circumambulatoriè studeamus, & cœlestis veritatis cynosurâ, ac vitalis viæ hermathenâ ducti & docti ad ipsum Palladis templum curriculo contendamus. Speramus enim opportunitate loci perspectâ, sæpius iterato cursu tandem aliquando nos ad aureum Reginæ solium penetrare, dulcissimo Deæ aspectu, ac mellitissimo osculo frui, ipsiusq; permissu sopito Dracone pervigili aurea mala in floridis Hesperidum hortis decerpta reportare posse. Sed prius quàm itineri nos demus, sacramento interposito caveamus, ne illibatam à seculorum exordio Naturæ virginitatem temerè profanemus, aut sacrum canibus, porcis margaritas projiciamus, aut nobile nectar stercorebus infundamus: quamvis pœnæ Actæonis nobis non sint admodum vrendæ.

Occupet extremum scabies: mihi turpe relinqui est. Horat.

HYPOCRATON.

At quis afflatus æthereus tam subito mentem percellit, & ad sublimia raptat? quæ fulminea ista vox? procul hinc, procul ite profani: frustra Naturam adit, qui Pana non attraxerit: fures & latrones posticum ingressi de principiis sine Principio, de Deo

Deo sine Deo loquentes. Prostrati igitur corporibus, sublimatis, & exaltatis animis in aditu preces, & *ἀεὶ* huic aræ imponamus, & in limine salutemus cum qui solus *ἐστίν*, qui dat esse, nosse, velle, posse, ut respondeat nobis ex adytis: *ἡμεῖς αὐτῷ*, imò Nosce Omnia.

Principium à IHOVAH, IHOVAH sunt omnia plena.

Principium *ἀρχή* finis infinitus, primus motor immobilis, *αὐτοδυν* est sacro sancta Trin- unitas, Unus Verus Bonus Deus, Pater, Filius, Spiritus Sanctus: à cuius Unitate: per cuius Veritatem, Intellectum, Sapientiam, Ideam, *λόγον* in cuius Bonitate, Voluntate, Amore: ad cuius Bonitatem, Veritatem, Unitatem sunt omnia, & ipse omnia in Omnibus, & nihil ex omnibus. Ipsi sit laus, honor, & gloria in secula seculorum, Amen.

ΑΓΙΑΣΤΗΡΙΟΝ SANCTUM SANCTORUM.

Nunc igitur posteaquam divinæ Lucis radius Cimmerias mentium tenebras discussit, & oculorum nebulas, ac catartas absterfit, passis portis ingrediamur; & ne corporum spectra, & pictura, quæ primò sese offerunt aspectui, quod plerisq; accidit, animos effascinent, in ipsum sacrarium per scalam Jacobi ascendamus, & intentâ ingenii acie, arrectis auribus, & illuminatis oculis opertanea sacra percipiamus. Exoravimus enim cum Sibyllâ Hermeta, qui divinâ virgulâ sublatâ pendigine seclusa commonstret, hieroglyphica mysteria revelet, enarret, atq; enucleet. Hem, quid audio? audire mihi videor efficacissimam *Οmnipotentis vocem* omnes angulos totius rotundæ *ἐκ τῆς* Spiritus Dei machinæ personantē: animadvertere videor vestigium quoddam *Εὐαὶ* Elohim incubantis aquis, totamq; molem agitantis: videre videor internum ac invisibilem illum solem: quæ lucis opima vis: quæ fax, & purissima lampas oculos præstringit? qui flos naturæ: quis balsamus odore fragrantiss. nares ferit?

qui calor insolitus totum corpus momento pervadit, & suaviter recreat? quid materia illa perlata, & crySTALLINA sibi vult? quid manna illa cœlestis? quid linea illa viridis ubiq; radians, & gyrans universum? ô benedicta viriditas! ô jucundum spectaculum! ô deliciarum domus puriss! ô regium immortalitatis palatium! ô *ἐδὲν ὁσώνυ*, & tabernaculum cum hominibus! ô sancta Ecclesia Catholica! ô quieta, ô beata Respublica! O Domine, Dominus noster, quam admirabile est nomen tuum! Quis expleri, & satiari, quis dona tam divitis naturæ effari queat? mirari, non rimari licet. Tu verò, mi Hermes, agetum dic nobis, quorsum tot altaria, tot icones, & monumenta, tot exedrae in cyclico hoc amphitheatro extructæ, tot nomina, & emblemata aureis hinc inde literis consignata sunt? Primùm autem ediffere, quid mirabile illud punctū in medio designat, à quo omnia emanare, & ad quod tanquam ad centrum omnia collineare videntur? Est hæc *prima materia* Philosophorum, quam Creator in comprehensibilis sapientiæ admirando decreto in rudem olim massam imposuit: communis illa mater, fons vitæ inexhaustus: actionum omnium naturalium, generationum, mixtionum, transplantationum origo: quæ universam corporis anatomiam occupans pro diversitate tincturarum, impressionum, & confluentiarum diversas operationes producit: morborum omnium pepsinos, crises, & sanationes moderatur: ac digestis temporibus consumtis elementis ipsa ad novorum individuorum procreationem permanet. Hanc intelligit per universales Ideas, quas eximiâ mentis agitatione in Tim. prosequitur divinus Plato. Ubi verò abstrusa illa Peripati deecantatiss. materia delitescit? putabam me versipellem aliquem Protheum, libidinofam Thaida, aut informe aliquod monstrum visurum: creditur enim *ἀμορφος, ἀενδης, ἀπειρος*, sensum omnem subterfugiens, etiam iudicii partem, solâ analogiâ, atq; id ne vix

quidem perceptibilis: perhibetur esse tenuissimæ, penesq; nullius entitatis (fortasse nullius veritatis) pura puta potentia, primum generationis subiectum, infinitum, & æternum. Ridiculum verò Eubulidis somnium narras, suave delirium, futes & inutiles subtilitates. Peregrinum ignem inferunt, qui hunc fœtorem in hoc sacello adolent. Exesto ignavissimum malè feriatum hominis cerebri, aut Cerberi figmentum, ens rationis irrationale, in Utopiam, & Gehennam relegatur. Mosis materia hanc planè extra naturæ limites proscribit: nostra verò est verum, & essentielle subiectum, formas omnes actu possidens, elargiens, & conservans, non abstractum quid. Verum, ne cum larvis luctari videamur, aliò convertamus oculos.

Quid volubilis illa sphaera portendit? hæc est Sphaera Pythagoræ per omnes mundi partes æquabiliter diffusa, cujus centrum est ubiq; peripheria verò nusquam: repræsentat autem interiorem illam Formam, quæ in se continet omnes causas propriæ speciei, quibus suum sibi fabricat corpus, colores, sapores, qualitates, magnitudines, situs, conformationes, consensus, durationes, omnesq; signaturas tam intus quàm foris inherentes officiis consentaneas admirabili Scientiâ adjungit.

En, quis Leo vindis nobis occurrit, cujus oculi inaccessæ virtutis igne scintillant? est hoc ipsum tincturæ donum, nobile germen, faciens res cunctas germinare: hoc est incombustibile sulphur, ignis sapientiæ, ignis naturæ vivus, quem pulcerrimè describit venerandus senex Hipp. in l. de dietâ, ubi inquit: Ignis omnia universim movere potest, aqua omnia per tota nutrire. Hæc verò duo sufficientia sunt cum aliis omnibus, tum sibi ipsis, seorsim verò utrumq; nec sibi ipsi, nec aliis. Enndem ibidem triplices in hominis procreatione circuitus facere, &c. alimenterum attractiones, mixtiones, partium dispensationes, consentaneorum conspirationes, dissentaneorum expulsionem, &c.

moderari: minora minoribus, majora majoribus (licet *ἰσχυρότερον*) adaptare, &c. luculenter docet. Hæc est *παράδειγμα* Orphei, prædestinatio Parac. τὸ ἐμύριον τῆς φύσεως. Theoph. Hoc lumen, & nomen naturæ, hic spiritus æthereus in corpore plus quam glorificato existens: Ignis, & Azoth sufficiunt. Quid varia illa Deorum simulaera, & insignia, Jovis aquila, Junonis pavo, Neptuni tridens, vituli, ac pisces? quid suspensa illa mumia indicat? Est hæc mumia illa balsamina, data corpori pro sale, ne putrescat: hæc est arcana vis *animæ*, corporis organici *ἐνέργεια*: hic vigor mentis diversis Deorum nominibus insignitus, & in corpore non elementorum turbidis qualitatibus inquinato, sed puro, ac divino habitans: hæc sunt tincturæ radicales, & Cherionia, *δυναμεις* Hipp. ζῶντι Naz. vitales qualitates per totam viventis anatomiam sparsæ, omnibusq; membris benignitate suâ præsentibus, quæ tamen in principalioribus concentrantur, & ununtur, exindeq; ceu divite penu, reliquis vitam affundunt. Quid prædurus ille lapis, cui solis circulus auro splendescens incumbit, designat? Internum solem, *calorem nativum*, longè nobilioris profapiæ, quàm elementa, proportionem stellis respondentem ostendit, qui ex perenni circulatione spiritus vivifici sanguinis nostri fovetur. Hoc est *humidum illud primigenium*, oleaginosum illud, & æereum, insito spiritu totius formæ custode, & propugnatore, nec non vitæ calore perfusum. Hoc omnia vivunt, & vigent, mineralia, vegetabilia, animalia: illa quidem occultè corporum compedibus astricta, & hermaphroditicam Balsami naturam obtinuerunt: hæc verò spiritualiter, ac manifestè, in quibus actu plurima explicata sunt instrumenta, ideoq; solidam, achomogeniam balsami naturam non admiserunt. Hoc est vitale illud sulphur, cujus extinctio mors est, hic est totius naturæ thesaurus incomparabilis, quo omnes omnium morborum curationes absolvi possunt. Hæc est tota substantia Gal.

& sub-

& substantia virtutū. Quem tandem immensa illa & vacua, uti *Elementa* apparent, spatia usum præstant? Vocantur hæc *elementa pura*, in-
pura.
 visibilia, incorporea, quæ tanquam loca, matrices, & domicilia
 vitali, validaq; potestate munita semina generationi destinata
 in abyssi suis, & orco Orph. sovent, digestisq; temporibus fu-
 scitant, ad maturitatem promovent, ac emeritis diversoria, ac
 receptacula concedunt immutabili quiete beata, idq; vi Verbi
 explicante unitam multitudinem, & imperscrutabili separa-
 tione singula locis, temporibusq; congruis adaptante.

SANCTUM ΜΕΣΑΤΑΟΝ.

Rediimus ad januam visorii, quam intravimus, transitum *Res interme-*
 porrò faciamus in mediam *ἑταίρα* contignationem, & paria-
 nimi attentione, quæ hîc peraguntur sacra, perpendamus. Cur
 verò pyramidis figuram exquisitè refert? hîc quâ in angulum *Figura py-*
 peracutum coit cœlestium indivisibilitatem cono suo æmula-
 tur: illic inferiùs basi suâ corporibus dimensionî, ac divisioni
 subiectis cohæret. Quæ, qualis, & quanta miraculosa isthæc lux, *Lux cœlestis*
 per patentissimas fenestras ubertim, & confertim infusa? scias
 hanc esse potentissimam illam lucem primo creationis die à
 Patre Luminum è tenebris productam, quæ omnia vegetat,
 fœcundat, vivificat. Hic est calor, & ignis ille cœlestis, quem su-
 perficiarii philosophi quartum, aut quintum elementum, aut
 quintam essentiam constituunt. Eccur autem singulis vitris
 inscripta, & quaquaversum volitantia conspicio caducea alata?
 Denotant hæc *Mercurium physicoche*: spiritum mundi secretum, *Spiritus æ-*
 & æthereum Herme: quo agitûr omnis in orbe spiritus, spiri-
 tum corporeum, & corpus spirituale omnia permeans. Hic ab *therens*.
 omnibus stellis, & Planetis, quorum signa hinc inde depicta *Influxus cœ-*
 cernis, maximè verò à Sole nascentium patre, & gubernatore
 macrocosmi effluit, & à Luna ceu matre susceptus in subluna-

ria hæc immittitur, qui omnibus sese applicans movet ea, prout moveri apta nata sunt. Sunt enim inferiora sicut superiora, & superiora sicut inferiora, Herm. Formæ inferiores à superioribus foventur, & superiores inferiorum benignitate non destituuntur. Scal. subtilium subtilissimus. Philosophi antiqui in hoc choro *medium* statuunt, quod est quasi non corpus, sed quasi jam anima, sive quasi non anima, & quasi jam corpus copulans duo extrema, animam & corpus mundi. Hoc est cœli & terræ stabile conjugium, confluxus, conspiratio, consensus, maritatio, æterniq; hymenæi. Huc principii loco privatus lumine veritatis *privationem* suam substituit, & obtrusit Aristoteles, quam speciosi isti, si diis placer, philos. sectatores vivis sc. coloribus perpoliunt, ἀμωρεῖας ἀφαιρούμενος, ἀμωρεῖας, ἀναμωρεῖας, ἀμωρεῖας, &c. Hæc portenta verborum & rerum hæc in æde locum non habent: eclipses ejusmodi, ac defectus in mentis cæcorum istorum tenebrarum invenias, in naturâ minimè. Missam faciamus insipientem sapientiam, ἀμωρεῖαν, & σέψαν sterilem, & νεκροποιον.

Semina.

Sed antequam abeamus, & ad alia pergamus, quæso, quid innumera hæc *astra* ubiq; coruscantia significant, expedit? persuasum habebam hæc in supremo tantum cœlo circumrotari. Est hoc cœlum inferius, in quo æquè ac sublimia astra infixæ esse statæ motuum periodi, & mirifica agendi potestas luculentè demonstrant, suntq; nihil aliud, quàm supra dicta *semina*, quæ in elementorum promptuariis, ceu patriâ sede habitantia essentia, vitæq; in æstimabili copiâ fruuntur, ubi nec sitiunt, nec esuriunt, nec alius vim inferunt. Progredientia verò à fonte unitatis in hanc mundanam scenam, & veluti peregrè proficiscentia ex elementis sibi similia & domestica corporum principia fabricant, & elementa, ut externa vestimenta, asciscunt: quorū infelici commercio plurimum perpetiuntur, partium distantias & extensiones admittunt, locorum insuetis angustis includun-

tur,

tur, & temporum tam tardas revolutiones demirantur: Sunt itaq; affralia corpora utriusq; naturæ vincula visibilia invisibilibus connectentia, à quibus omnes impressiones, receptiones, repulsiones: omnes illecebræ sensibus insidiaturæ, omnia ornamenta corporibus obducta in mechanico processu generationum proveniunt. Prout autem corpora ipsis obveniunt, ita individua perfectione, & fecunditate differentia producant, quæ in peregrinis matricibus deponunt (omnia enim ad humanam provinciam inclinant) & gratâ actionum vicissitudine se mutuo reficiunt.

ATR I U M.

Porro, ne prolixis periodis involuti extra oleas, quod dicitur, vagemur, & eccentrici evadamus, retrogrediamur, & in transitu, quæ in primâ, imâ, & obscuriore delubri parte stabulantur, perlustremus, & ponderemus. Hoc primum eloquaris velim, quâ fiat, quod quadratam hæc extima habitatio formam obtineat? Quia tota elementaris est hæc regio, crassâ, fixa, & agrè mobilis loco, sicut basis, & fundamentum ædificii. Quid porro tot cruces, & lineæ intersectæ portendunt? omnia in hoc nosodochio magno subiecta sunt cruci, mutationibus, corruptionibus: nihil hic stabile, aut firmum: perspicis tamen, si rectè perpendis, interstitium, & maceriem principia vitalia & sanabilia ab elementis semimortuis, & desperatis dirimens. Sunt autem Principia vitalia, activa, & formativa corpora, feminum rationes, ac soboles, horumq; instructa, & dotata proprietatibus, quarum vigore constantes post se tincturas relinquunt: suntq; temperamentorum, & craseon, separationum, concoctionum, aliarumq; actionum causæ propinquæ, absconditos agendi modos, & fontes aperiunt, & occultarum proprietatû, quæ vulgò inscitia asylum sunt, explicationem suppeditant.

Sed

Mercurius.

Sed quid tandem? denuò *Mercurius* nobis obviam fit: quid illi hîc negotii est in alieno choro, & foro? opinabar illum ad fores penitiores tanquam apparitorem, & internuncium Divæ excubias agere: sed quocunq; oculos verto, in conspectum sese dat. Etiam hîc Dii sunt, at minorum gentium, & Planetæ multum à pietate & præstantiâ parentum degenerantes. Contem-
plare Mercurium, Solis ille quidem, & Lunæ stemmate, & cognatione magnificè sese effert, affixam nihilominus crucem, malignâ semper circumfert. Hoc autem nominis suo principio tribuunt Chym. veri naturæ venatores, indicantes per id liquorem illum acidum, rarum, permeabilem, aëream, ætheream, ac spirituosam substantiam, formæ proximum instrumentum, vitæ pabulum. Hoc reliqua duo actionum frequentia ad siccitatem, & senium in horas festinantia assiduâ irrigatione refocillat, & fluidâ, labiliq; substantiâ mixtionem faciliorem reddit. In hoc colores potissimum conspicui sunt.

Sulphur.

Rursum pyramis, sed cruci imposita apparet, quid illa? medium spagyricum princ. quod est *sulphur*, declarat; id licet apice sursum se erigens, & jactans ignis affinitate superbiat, crucis tamen appendice elementorum admisionem prodit. Hoc est humidum illud oleaginosum, viscidum, caloris naturalis pabulum, mercurii & salis gluten. Odorum præcipua origo censetur. Procedamus ad quadratum illud schema, quod nunc oculis obversatur. Hoc 3. principii, puta *Salis* rationem & conditionem describit, quod, ut character ejus arguit, maximâ cognatione elementa, cum primis terram attingit. Estq; corpus illud firmum, fixum, substantificum, priora duo in unum compingens, congelans, & cuncta solida reddens. Hujus beneficio cristalli congelatio, adamantis durities, metallorum robur, auri soliditas, ossium, arborum, & herbarum consistentiæ absolvuntur, ubi frigiditates nimis frigent. In salibus omnis generis fa-

pores

poresprehenduntur. Galenici salia humores vocant, domum pro Domino accusantes.

Fallor, an retrorsum imus? an omnia invertuntur? pyramides basibus sursum erectis vertici insistere qui possunt? *Elementum Aqua.* hæc innuunt primum rerum elementum, humidum, insipidum phlegma, omni sulphure & mercurio destitutum, nullo odore, vitalivè alià virtute præditum. Quid deniq; tot terrei tumuli, tot crania coacervata, & in ambitu sparsa portendunt? sepulcretum, & polyandrium hoc cœnobii esse arbitror? Indicant *Elementum Terra.* hæc terram illam absurdam, maledictam, arenosam, seu cinerem omni sale per aquarum lixiviam exutum, caput mortuum: quod est alterum elementum siccum, grave, immobile, opacum, iners.

Sunt ergo *Elementa* corpora crassa, à feminibus remotissima, idcirco mortua, carentia arcanis, nihil nisi relosaceas, & *quid.* passivas qualitates possidentia, vilia, & servilia pecora, perenni fluxu generationibus inservientia, quas ob res merito infimum subsellium occupant.

Attamen his toti inhærescunt profundi isti philosophi, *Elementa* rebus mortuis vitæ functiones ascribunt, corticem, & filiquas pro nucleo, vestem pro matronâ, aërem pro Iunone, ancillas pro Dominâ cum Penelopes procis cœco impetu arripiunt, & amplexantur. Ex quibus liquidò constat, quanto intervallo vera vitalis philosophia rudem, corpoream, & elementariam post se relinquat.

P O R T I C U S.

Sed ne curiositate Deorum offensionem & odium incurramus, Ductoremq; ac socios defessos diutius detineamus, pedem referamus, hac tamen lege, ne obliviscamur.

Ei igitur, qui est α, & ω, pro accenso phosphoro gratias

E agi-

agimus immortales, rogantes, ut impoſterum regat, & confirmet nos in veritate ſuâ, & à viis lubricis immundi mundi, ne vacillent, labascent, aut offendant pedes noſtri, abducant. Porro Hermeti noſtro vitulum labiorum maſtemus, lac & mel ſincerī pectoris offeramus, linguam præconiis ſempiternis conſecremus.

EPILOGUS.

Vidiſtis nunc, ô ſyndromi lectiſſimi, regium Deæ templum: vidiſtis megiftanas, ſacerdotes, virgines à cubiculo, à ſecretis, ſtipatores, operarios: vidiſtis ſerinia, veſtimenta, & tegumenta, quibus obnubitur mortalium cœtus ingreſſura, ut tueatur ſe à profanorum, & ſtultorum conſpectu. Quanta-
cunq; hæc ſtriſtim quidem per tranſennam, at non ſine ineffabili voluptate vidiſtis. Reginam verò ipſam, ipſum conclave ſecretiſſimum, ejusq; Balneum, & nudam ſine veſte Dianam nondum vidiſtis, quæ ſi nuda à vobis cerneretur, quin incredibiles ſui amores excitaret, nullus dubitarem. At enim pudiciſſima virago haud facile conſpiciendam ſe præbet, neq; indu-
menta deponit, ſi non ſolerti ſeparationum artificio detrahan-
tur. Proinde non niſi exercitatis Artificum ſenſibus repræſentatur. Nobis autem, qui arcanorum myſteria adumbratis ſententiis, & myſticis vocibus, & ſignis diligenti negligentia Leſbiâ regulâ adhibita involvimus, ne quis temerè novitatis, arrogantia, aut invidia notam inurat. Antecellorum laudabilibus veſtigiis primâ hac vice inſiſtendum erat, qui inſtituta viventis Philoſ. ſub fabuloſis involucris occultârunt, & diſcipulis juratis præcepta obſcuritatū pleniff. proprio ſudore enucleanda quaſi per manus tradiderunt. Cum autem fatale tempus, quo veritas
ejus filia emergat, ac illuceſcat, accompletum videatur, dabi-
mus dehinc & nos noſtro loco, & Marte operam ſedulò, tūm

in

in hujus disputationis cursu, turba subsequeñtibus, & θαυνομέναις
 contradiccionibus σοφὸν φάρμακον habeamus, gladio Delphico
 perplexos nodos dissecemus, & rupto Pythagorico silentio E-
 leusina sacra pro captu capacibus palam faciamus, Oedipo ad-
 ducto, qui Sphyngis anigmata dissolvat, candidis & inconta-
 minatis ingeniis desiderium expleat, satisfaciat, & brevis tem-
 poris usuram patienter concessam grandi scenore compenset.

III.

DISPUTATIO JATROCHYMICA TERTIA.

RESPONDENTE

AC. SAMUELE GENTERSBERGERO

Bisontino Westriaco.

THEMATA PHYSIOLOGICA.

1. LIEN nequaquam melancholiæ (quæ à Galeno 2. de fa-
 cult. nat. cap. 9. 2. de temp. cap. 3. & 14. Meth. c. 9. gravi &
 terreæ faci vini assimilatur, & lib. de atra bile cap. 6. in vino faci
 & αμόρην in oleo ανάλογον esse docetur) receptaculum à natura
 destinatus est: quam ipse attrahat, & ad sui nutritionem elabo-
 ret: id autem quod alimonix ineptum est, in ventriculum abstru-
 dat: ut sua aciditate astrictoria ventriculi actiones roboret
 & ὀρεξιν excitet.

2. Lien melancholicus succius, quem hepar fastidiens re-
 vomit, nutrimēto nō est: sed tenuior sanguinis portio. Id quod
 ex Galeno 4. de usu part. contra Galenum demonstrari potest.

3. In sectionibus nullus lienis sinus, nulla capacitas de-
 prehēditur ad excipiendum tam crassam, lutosam, glutinosam
 e massa humorum melancholiam. Venæ quinetiam rami sple-
 nici adeo graciles sunt, ut Hipp lib. de carnib. illas potius fibras;

quàm venas indigitet. Cum tamen receptaculum capacius & meatus melancholicum succum eò deferentes ampliores pro humoris proportionē jure merito esse debeant. Natura enim ordine & proportionē quicquid meditatatur efficit. Arist. 8. Phys. context. 15.

4. Phocylides monet, μή πίνειν, τήχιστα, τὸν ἀποκείμεν πόντον. Humor itaq; melancholicus cum ne quidem ab oculatissimis Anatomicis vel in liene vel circa castrum illius conspectus unquam sit, contrarium statuentibus assentiri nos haud decet.

5. Cum actionum viscerum λειτουργία organis attractioni servientibus, necessario excretioni destinatis contraria in magnitudine requirat: Lienem neq; in ventriculum feces melancholicas amandare putamus, quippe in quem nulla notabilis & tam crassa materia atq; ad inotum ineptæ deportandæ via congruens desinat.

6. Præter generalem lienis usum (quem Aristotel. 3. de part. animal. cap. 7. docet) lienem ἀμαλποσίον & juvare dicimus; humores nimium tenuiores ex ventriculo sorbendo, coquendo, avertendo, ne ubertate & frigiditate sua venarum actionem interturbent, hæc Arist. verba loco supra citato, τὸς ἐκ μέσσης τῆς πύλης ἐκ τῆς κατὰ τὴν σπλῆνόςιν fluxionem superfluum ex ventriculo interpretantes. Quæ ab Hipp. libi. 4. de morb. Inculentissimis confirmantur verbis, in hunc modum scribente. Nunc verò dicam de aqua, quomodo & cur copiosior fiat in corpore, & quomodo splen trahat in seipsum. Adfero autem ubi homo bibit amplius, & corpus & splenem aquam in se ipsa trahere ex ventriculo, &c.

7. Lien in multis hepatis vicem supplet. hinc ab Arist. lib. 3. de part. animal. ca. 7. jecur adulteratum vocatur. Et à Plat. in Timæ. ἢ πάλῳ ἐκ μαζῶν.

8. Arteriarum in numeris & capacibus ramis per lienis

corpus disseminatarum manus est: non vitalem duntaxat calorem à cordis specu adferre: sed tenuem etiam sanguinem, humoremq; ferociorem, non autem crassam melancholiam ex liene haurire, ne in venas restagnans & frigiditate sua vitaretur remoretur: tum verò ut fervens halituosusq; cordis sanguis in arterias dispersus fero temperetur. Hoc arteriæ lienis ad vicinam aortam exportant: quod deinde ab emulgentibus arteriis ad renes deducitur.

9. Quamvis Hipp. lib. de carnib. arteriam spiritum condere ac conservare autumet: & Arist. lib. 1. histor. animal. cap. 16. arteriam tracheam soli spiritui accipiendo reddendoq; destinatam, nihil vel siccum vel humidum pati scribat: Id tamen minime est, sed juxta Gal. lib. 3. de fac. nat. cap. 14. accipienda sunt: astipulante Aulo Gellio, lib. 18. cap. 10. his verbis: Arteriæ sunt conceptaculum spiritus naturalis (Medicis vitalis) misti confusiq; cum sanguine, in quo plus spiritus est, minus verò sanguinis.

10. Ab his non abluunt Paracelsitæ, dicentes: Firmamenti seu superioris globi astra vel vitales spiritus cordis & arteriarum elemento fruuntur puro ac spirituali, ab astris inferiorum elementorum, ventriculo nempe, hepate, liene, œsophago, intestinis, mesaraicis venis, vesica fellis & urinæ, venis, ante preparato: Et quod benigna nutritione ad maturitatem pervenientia, fecunda fructuum resolutione vices rependant, mutuaq; officiorum communicatione societatem humanæ Reip. custodiant.

11. Nullus humor actu siccus aut frigidus in corpore vivente: sed omnis humidus ac calidus.

12. Calorem illum per se nulli humorum, sed ratione spirituum tribuo.

13. Perpetua memoria dignissima est solertia Hippocra-

tis, qui primus ex igne, aëre, aqua, terra, omnes res naturales compositas esse invenit. Ex quorum analogia, doctrina de quatuor humoribus, tanquam sanguineorum animalium principis seu elementis ab eodem exstructa est: omniumq; rerum actiones & virtutes ex illis derivatæ: nec non sanitatis & morborum, eorundemq; curationes ex illis affabrè petita sunt.

14. Quibus modò enarratis licet fides minimè deroganda sit: rei tamen evidentia edocti Hermes Trismegistus, Geber, Basilii, Valentinus Monachus, & nostra ætate *Paracelsus*, philosophus *Paradoxus* & *Mysteriarcha*, totaq; chymicorum schola ex *Sale*, *Sulphure*, *Mercurio*, omnia corpora naturalia constructa esse unanimi consensu statuerunt.

15. Quæ elementorum differentia chymicis operationibus conspicuè fiunt, nec quidquam est quod in talia principia respuat divisionem: quibus tamen quatuor Elementa, tanquam priora quædam principia suffulta sunt.

P A T H O L O G I C A.

I. **M**Orbi in natura semina habent & principia, & generationes, &q; transplantationes ratas absolvunt.

Febrim quædam ab humore tenuiore, qualem lienem attrahere supra docuimus, scaturire dicimus.

T H E R A P E U T I C A.

Therapeuticum axioma Hipp. lib. de flatib. & lib. de morbo sacro, Gal. de arte medendi cap. 84. & lib. de meth. med. 8. & II. aliisq; locis quamplurimis, est: Contraria Contrariorum esse remedia. Id quod & rationi consonum, & à rei veritate haud alienum esse arbitror. Non tamen (ut falsò quidam opinantur) huic chymicorum hypothesis contrariatur, Similia Similibus quæ curanda præcipit, ut lien liene, hepar hepate, cor

COR-

corde: &c. Id quod magnis istis duobus medicinæ oculis Galeno & Hippoc. non improbat: quorum ille *ii. de med. fac. morsum scorpionis scorpione curari*, docuit. Hic verò de morbo sacro: Morbos plerosq; ex iis curari ex quibus nascantur. Medicamenta quin etiam Gal. lib. 8. de comp. med. s. l. probantur, quæ totius substantiæ consortio omnibus intemperiebus tanquam media extremis contraria sunt. Addunt hic alii Galeni locum ex 13. meth. c. 16. lienem & jecur similia medicamenta & alimenta postulare: quem tamen misere à lacuna corruptum haud favere arbitramur.

2. Superflua lienis per inferiorem duntaxat ventrem Gal. 13. meth. med. cap. 17. evacuanda præcipit, utpotè quòd nulla per renes, quæ evacuationem illac indicare possit, via pateat. Qua in re non solum arterias emulgentes suo privat inungere: verum etiam Hipp. lib. de aff. *scorpius* repugnat, biliosis, quicunq; splenem magnum habeant, inter alia vesicam subducendam monenti: medicamentisq; diureticis, quæ splenem molire scripta sunt. Non longo intervallo subnequit sequentia, Ex pharmacis quæ splenis gratia adhibentur, alia per vesicam purgant, & ipsum molliorem faciunt, &c. Et lib. 2. de morb. in ictero nigro, qui ab obstructione lienis oritur, diuretica suadet, qualia sunt asphodeli radices cum foliis apii in vino coctas & propinatas, & asphodeli semen, Hipp. de intern. aff.

3. Febris quartana in principio leniter tractanda est, ejusq; causa conjuncta per diuretica feliciter aufertur.

PHARMACEUTICA.

1. **A**ntimonium num possit in corpus humanum pro medicamento assumi, quæsitum est à multis. Et si autem veneni suspicione non careat, ex catalogo tamen eorum medicamentorum, quæ in corpus assumuntur, non nisi gravi plurimorum

rum ejusdem cum Antimonio facultatis pharmacorum, exilio eliminari potest.

2. Si quædam mordicantem vim habentia calcinata, seu igne cremata minùs mordicant: quidni idem cum Antimonio fieri existimabimus?

3. Non excludimus Tartarum, vitriolum, sulphur & metalla ex medicamentorum numero, quæ ore accipiuntur. Si quidem ab illis quoq; se non abstinuit antiquitas: Eaq; igne elaborata promptius operationem absolvere existimamus.

4. Quælibet medicamenta excrementa corpori inutilia, ac nonnunquam dampnosa continent. Quare quæ talia sunt præparatione & separatione opus habent. Hæc à Chymicis rectè obitur.

5. Multa ignis commercio fiunt meliora, ac latentem medicamentorum naturam propalant, Gal. lib. de Theriac. ad pis. cap. 32.

6. Acrimoniam in combustis ignis per se nequaquam omnem efficit, uti Galeno 9. de simp. med. fac. videtur.

CHIRURGICA.

I. Sanguinis missionem, quæ fit per Revulsionem ex parte vulneri opposita in hæmorrhagia imperire improbat Felix Wirtzius lib. 1. cap. 5. suæ chirurgiæ.

2. Quod si enim eadem (quod tamen largitur) sanguinem impetu quodam ac quasi œstro percitum in aliquam partem irruentem compescere ac revellere potest, quid ni quoq; per vulnus effluentem retinebit?

3. Verùm rursus nos occupat Wirtzius, quid tum fieri velimus, ubi totum est pro vulnere corpus, ut Poëta inquit, & quam tum venam tunderemus, ubi utrinq; & in singulis artubus vulnus sit acceptum? cui respondemus, nullam. Est enim vulnus vulneri oppositum *ἀνίσταται*.

THE-

IV.

THEMATA IATROCHEMICA DISPUTA-

tionis Inauguralis:

RESPONDENTE

*M. SAMUELE GENTTERSBERGERO,**Bipontino Westrac.*

THEMATA PHYSIOLOGICA.

1. **S**CITUM atq; ex gremio naturæ desumptum est illud Philosophi placitum: In quod quid resolvitur proximè, ex eo quodq; immediate constructum.

2. Cum igitur *est tñ dñs qm tñ omñtas qm tñs* quatuor in conspectum veniant: Primum spiritosa seu vaporosa substantia: Mercurius. Secundò oleaginosa, seu corpus quoddam sulphureum: sulphur dictum: quæ duo si non talibus quibus convenit vasis reserventur, sæpius in auram evanescent. Tertium Sal, quantumvis crassius, virtutem tamen non obscuram habet. Quartum est terreum Elementum, caput mortuum dictum: non tria, sed quatuor corporum naturalium principia hypostatica, vi hypotheseos prædictæ contra Chymicorum decreta statuenda esse videntur.

3. At Chymici non solum circa medicamentorum præparationem occupati: verum etiam eorum, cæterorūmq; corporum naturalium causas, partes & affectiones inquirendas, nec non juxta ejusmodi & talem cognitionem corpori humano medelam instituendam, animadvertentes: tria artificiosa indagine, quibus actionum causæ & *duræ* Hippocraticæ per se proximè assignari possent, quæq; suo accessu corpus non tantum trimotrone sed activum & virtuale efficerent, reper-

F

runt:

runt: Et proinde in tria quodlibet corpus naturale resolutione, quæ est partium essentialium, non contingentium proximè dispesci non temerè statuerunt.

4. Duplex est insuper corporum naturalium consideratio, pro duplici eorum vel ante vel post regenerationem Chymicam *sic*. Hæc tantum in tria resolvuntur, uti sunt Magisteria & Elixiria Chymicorum: illa verò præter tria activa, quæ Chymicis (Aristotelis ductu, formam & naturam potius principii nomine dignantis, quod sint activa) principia appellantur: quartum etiam admixtum habent, quod tamen toti non essentialiter, sed contingentè per naturæ errorem adest, secum gerens non vitæ, sed mortis anatomiam, ut Chymici loquuntur.

5. Principia illa hypostatica non æquali pondere & mensura in qualibet specie coeunt: sed pro specierum diversitate variata mixtione inæqualiter miscentur: ita ut in alia non plus sit salis, in alia plus substantiæ oleaginosa: in alia insuper plus Mercurii seu substantiæ spiritosa: sive vaporosa. Quam mixtionis varietatē præclare Lucretius lib. 2. in hunc modum poemate expressit:

Debent nimirum non omnibus omnia prorsum

Esse pari filo. Et lib. 4. & 1.

Semina multimodis in rebus mista tenentur,

Constituunt eadem fruges, arbuta, apimantes,

Verum aliis aliq. modo commissa.

6. Quodlibet principiorum (salis, sulphuris, & Mercurii) ratione suæ essentia triplex est, animale, vegetabile, minerale. Ratione verò adjunctorum duplex, purum vel impurum.

7. Salium alia sunt volatilia, alia fixa.

8. Non pauci artificialem specierum transmutationem, quam nobilissima & illibata castitatis virgo Chymia inter alia docet, vi ratiuncula istius, quod ars tanquam accidens substan-

tiam

tiam generare non possit, impossibilem rati: Chymiani inde falsitatis immerito insinularunt: non distinguentes, quòd artes aliæ materiis subiectis dominantur, ut est statuaria, fabrilis, figulina: aliæ post administrationem debitam potiores partes naturæ relinquant, ut agricultura, & juxta Hippocrat. de leg. Medicina: aliæ utriusq; & artis & naturæ beneficio negotium peragant, uti sunt vitriarii, aurifabri, separatores metallorum & mineralium.

9. Venæ, arteriæ, carnes, &c. corpora similiaria propriè non sunt.

10. Fœtui in utero matris existenti menstruus sanguis alimento non est.

11. Spiritum hominis nativum gluten animæ & corporis cum Alexandro Aphrodisio, Hermete Trismegisto, aliisq; compluribus statuere non erubesco.

12. Calorem naturalem in homine duplicem cum doctissimo Ferneliolib. 4. Pathol. cap. 1. de feb. ponimus. ^{1.} Infitum in solidarum partium humido primigenio inhærescentem, cujus origo cœlestis est. ^{2.} Elementarium moderatum, & ex omnium Elementorum mixture temperatum. Ille omnium actionū naturalium opifex primarius: hic adjuvans est primarii.

PATHOLOGICA.

1. SI rectè statutum est humanum corpus sicut reliqua mista ex sale, sulphure, & Mercurio componi: nunc quoq; rectè statuetur, ipsa ubi à naturali statu recesserunt, morbos procreare, astro nimirum suo in malum vergentibus, Chymicorum loquendi consuetudine; Astrum sulphuris, inflammationem; Salis, resolutionem: Mercurii sublimationem vocantium.

2. Hisce accinit Hippocrates lib. de vet. Med. in hunc modum: Atq; hæc, (nempe quæ 1. & 3. thesi recensentur) mista

quidem ac contemperata inter se, neq; sensu deprehenduntur, neq; hominem lædunt. Ubi verò quid horum à reliquis separatum fuerit, atq; ipsum per se solum extiterit, & sensu deprehenditur, & hominem lædit.

3. Hisce positis quatuor humores Hipp. & Galeni minime rejiciuntur: sed in histria sunt Chymicorum, ita ut potiores indicationes curativæ ab iis petantur. Cui sententiæ Hipp. lib. de vet. Med. hisce astipulatur verbis: Neq; siccum, neq; humidum, neq; calidum, neq; frigidum, neq; aliud quidquam ex his putaverunt yeteres hominem lædere. Neq; homini horum aliquo opus esse opinati sunt, sed quod in unoquoq; forte & humana natura potentius est, ut ab illa separari nequeat, hoc ipsum id esse, quod læderet, existimaverunt. Idemq; auferre quæ siverunt. Fortissimum autem est, inter dulcia dulcissimum; inter amara, amarissimum; inter acida, acidissimum, quæ Chymicis nil aliud sunt, quàm salium differentia.

4. Dysenteriam cum Mercuriali lib. 3. de aff. inf. vent. cap. 28. fluxum alvi cum exulceratione & dolore intestinorum definimus.

5. Hanc propriè dictam, & à notha seu spuria distinctam, divido in simpliciter talem & Epidemicam. Hæc verò est vel pestilentialis & maligna, vel leviter tantum contagiosa; quarum illa multis exitio est: hæc licet plurimos invadat, paucos tamen è medio tollit.

6. Est insuper alia ex accidentium distinctione, sine febre, alia cum febre; vel stipata symptomatibus levissimis, aut planè atrocibus & sævissimis. Ratione temporis & magnitudinis distinguitur in fientem & absolutam. In fiente primum adiposa & pingua: Gal. 4. aph. 26. adiposa intestinorum corpora (quibus interna sui parte contra injurias intestina munita sunt, & præcipuè inferiora) dejiciuntur. In facta & absoluta, ra-

menta

menta & carunculae, unā cum sanguine, pure & fecibus prodeunt. Duabus namq; tunicis à natura donata intestina sunt, prima tenuiori, altera crassiori & carnosa. Gal. lib. de anat. administr. & 4. de usu part. 16. Harum si interior abraditur, ad instar epidermidis partes descendunt: si exterior, carunculae.

7. Differentiam à situ petitam, qua alia omnibus intestinis simul: alia quibuldam tantum infensa esse putatur, inutilem & falsam esse judico.

8. Quod Coel. Aurel. & practici ferè omnes inter pathognomonica recensent signa dysenteriae: dolor si infestat hypochondria & partes supra umbilicum gracilium intestinorum ulcus denotare: sin dolor hypogastrici infestus sit partibus, crassiora intestina ulcere teneri: suadente sic anatome, infidum censemus signum.

THE R A P E N T I C A

1. C Lysteribus pro abstergendo & consolidando intestinorum ulcere pinguis & oleosa rectè immisceri non videntur.

2. Quæritur hic, quo anni tempore usus absynthitæ corpori humano sit magis salutaris? Nos rationis ductu æstivo tempore plus commodi sanitati tuendæ importare censemus. Quo enim ventriculus in elaborandis cibus ignavior, & pituita congerendæ promptior est: eo imbecilliorẽ ejus calorem quis non suspicabitur? Esse autem ventriculum æstate cibus conficiendis minus idoneum, docet Hipp. aph. 18. sect. 1. Quare exinde nobis imbecillior ventriculi calor cum innotescat: Absynthitæ usum æstate commodiorem magisq; salutarem esse affirmamus, moti facultate ejus absterforia juxta & roborandi ventriculum, quā pollet, virtute.

PHARMACEUTICA.

1. **I**mpossibile est ut Riolani censura Peripatetica D. Josephi Quercetani juxta & omnium Chymicorum paradoxa corruant, qualia sunt medicamentorum essentias, formas, &c. *κατὰ τὸ ἀπὸ γυν* separabiles esse à sua materia, itemq; bonum à malo, perfectum ab imperfecto. Ut enim Peripatetici, formæ nomine activum principium designant solum, non autem materiam: Sic Chymici tria sua principia hoc nomine formæ ejusq; attributorum, qualia sunt, essentia, actus, perfectio, ratio, bonum, digna judicantes, quod ea sola sint activa, ipsis tribuerūt: Sicut nomen materiæ ejusq; attributa, qualia sunt femina, turpitudine, potentia, imperfectio, malum, capiti (ut loquuntur) mortuo, seu magmati.

2. Quod quædam acria calcinata, sive igne cremata magis vel minus acria redduntur: Non caloris beneficio, sed salium volatilium fuga, uti sunt Sal armoniacum, Rosimarini, urticæ, urinæ, &c. Vel fixorum perseverantia, quæ ignis violentiam perpeffa in fundo manent, illam intensiorem vel remissionem propriè fieri affirmo.

3. In medicamentorum compositionibus non tantum spectandæ sunt qualitates miscendorum manifestæ: sed potissimum antipathia & sympathia eorum, quæ non à temperamento elementari pendent, sed totius substantia, cui alexipharmacum ex ficibus & alkakengi concinnatum ad pestilentielle virus è corporis centro ad circumferentiam seu superficiem evocandum fidem facit. Quæ scorsim ab omni veneni susceptione aliena, mutua mixtione in veneni naturam faceffunt.

CHEIRURGICA.

CAl lib. de sang. miss. venam brachii sectam cohibere fluxum menstruorum ait: Pari pacto putandum hac eadem sanguinis

guinis missione coereeri fluxum alvi, præsertim sanguinolentum.

V.

THESES MEDICO-CHYMICÆ MISCELLÆ

Inaugurales:

RESPONDENTE

JOANNE JACOBO GUGGERO, BASILIENSI.

MISCELLARUM MEDICO-CHYMICARUM
prima.

MEDICINÆ partes præcipue sunt *ὅτι καὶ διεγερτικὴ*: Finis enim ipsius Medicinæ, in actione potius quàm contemplatione consistit.

ΕΞΗΓΗΣΙΣ.
I. Medicina secundum Hippocr. lib. de flat. definitur quòd sit *ἀφαιρέσις καὶ ἀπάλειψις*, vel ut uno verbo dicimus, *ἀφαιρέσις καὶ ἀπάλειψις*. II. Et *ἀφαιρέσις* quidem deficientium, *ἀπάλειψις* verò eorum, quæ in corpore humano redundant, est, teste Gal. II. Meth. cap. 13. III. Finis ipsius Medicinæ, ad quem collineare solet, est Sanitas; quæ conservanda aut amissa recuperanda. IV. Præsentem autem sanitatem optimorum ciborum & potuum adjectione, subtractione verò supervacaneorum servabimus. V. Cum enim vivens corpus, ex sententia Philosophorum, perpetua nutritione opus habeat, cum essentia partium perpetuò absumatur, quatenus calor noster natus omni tempore vire suam exerit, in absumptione ipsius humidi, ideò quoq; semper adjectione alimentorum opus habet, quo nutritio perficiatur. VI. Amissam verò sanitatem eorundem subtractione, ciborum nimirum redundantium, appositione verò deficientium

recu-

recuperabimus. VII. Medicina porro usurpatur vel generaliter, vel specialiter: generaliter pro omnibus iis quæ ad totam constitutionem ipsius artis requiruntur. VIII. Et illud quidem secundum particularia ipsius Medici officia: quæ sunt, sanos conservare, convalescentes reficere, senes fovere, causas morborum præcavere, ægros à morbis liberare sive curare, symptomata mitigare. IX. Medicus autem tanquam naturæ minister, ut hæc sua munera exequatur, necesse habet prius cognoscere, naturam, causas, differentias & signa omnium eorum, quæ secundum & præter naturam humano corpori insunt, nimirum universa Physiologiæ, Pathologiæ & Semeiotices præcepta. Dunca. in arte Medica. X. Specialiter verò Medicina sumitur tantum pro parte curativa. Gal. lib. num. rat. tuend. sanit. ad Medic. spectet. XI. Et ideo non ineptè ab Avicenn. Feh. I. doct. I. c. I. in Theoriam & Praxin dividitur. XII. Instrumenta Medici, quibus finem suum assequitur, sunt Medicamenta: quæ desumuntur ab Animalibus, Vegetabilibus & Mineralibus. XIII. Hæc autem medicamenta, instrumenta & auxilia ipsius Medici fiunt, quando formam seu naturam suam induunt, id est, quando legitime præparata, in debito & convenienti tempore, & ut decet applicantur. Gal. lib. 2. de aliment. facul. XIV. Is enim verè genuinus & perfectus Medicus erit, qui, medicamenta debite cognita, non ratione, sed proprio Marte, præparare, à veneno & facibus suis separare seu repurgare, & ad puram simplicitatem reducere didicit, atq; imperito non committere coco. XV. Mixta enim sunt bona malis, neq; saccharum sacculenta impuritate, nec mel venenata amaritudine destituitur: Pura enim ab impuris separanda esse monet Hippoc.

Spiritus Animalis in Cerebro, tanquam regia domo, residet, ex portio-

portione vitalis spiritus, qui per nervos in corpus funditur, ut actiones Animales cieat, procreatus.

I. De loco & generatione spiritus animalis magna est controversia: quot enim homines, tot sententiæ: Columbus vir aliquin doctissimus, Animales spiritus singulari suo invento, in anterioribus cerebri ventriculis generari contendit. Rationem addens: quia inquit, horum ventriculorum origo est, supra os sphenoides, ethmoides versus, aer autem per nares attractus, in frontis, cunealisq; cavitate aliquandiu conservatur: alteratus dein ad hos binos ventriculos, per foramina ethmoides ascendit: at in his ventriculis, ob assiduum tum cerebri, tum hujus reticularis plexus motum, miscetur, cum vitalibus spiritibus aer: itaq; addit, spiritus animales evadunt ex eo, quo diximus modo preparato, & ex vitalibus spiritibus. III. Montaldus verò, in cerebro ipso, & à natura & facultate propria ipsius cerebri, procreari existimat, & quidem facultatum custodiendarum gratiâ: quarum quidem primum aptissimum & sibi appropriatum est instrumentum, ad omnes actiones suas exercendas. IV. Reperitur ergo (secundum Montaldi sententiam) & in substantia propria ipsiusmet cerebri disseminatus, & in ventriculis ejusdem: siquidem facultates custodit, utilitatesq; præbet, tum in cerebro, tum extra cerebrum. V. In cerebro, quia disseminatus per propriam substantiam, ibi perficitur, ubi permixtus unâ cum calido ejusdem ingenito, organum primum & appropriatum est, & principium facultatum ipsius vitæ tum vitæ melioris gratiâ. VI. Extra cerebrum utilitatem præbet hanc, quòd ille in ventriculis elaboratus, irradiando ac permeando per nervos in totum corpus, sensus & motus voluntarii gratiâ, facultatem animalem, sensuque universum & motivam custodit. VII. Andr. Laurent. preparato

tionem ejus fieri putat in plexibus arteriolarum labyrinthis, coctionem in cerebri sinibus: distributionem tandem in universum corpus per nervos. VIII. Varolus, cui recentiores ferè omnes, ut & Casparus Bauhinus, Præceptor meus honorandus, ascribunt, autumat, spiritus per quos perficiuntur cerebri operationes optimæ, residere in substantia molle cerebri, nec cavitatibus indigere. IX. Demonstratur illud ratione sensus: dum enim unum oculum claudimus, spiritus animalis statim refluit ad alterum, ita ut ejus pupillam magis dilatet: inter unum tamen & alterum oculum, nullus revera extat pervius ductus, præter poros insensibiles in omni nervo & cerebro existentes, ut refert Gal. 10. de usu part. 5. X. Insuper ventriculi illi cerebri excrementis potius destinati sunt, quàm spiritibus. XI. Natura enim nihil facit frustra, inquit Scal. exerc. 77. f. 3. idcoq; semper facit quod optimum est, idem exerc. 249. f. 2. XII. Naturam itaq; ut oculi ipsi demonstrant; ubi enim oculi fidem faciunt, non opus est rationibus, inquit Avicen. natura, inquam, in cerebro, duas insignes cavitates tantùm elaboravit, quas ventriculos appellamus. XIII. In has autem cavitates excrementa tanquam in cloacam deponuntur, quod exinde apparet; quia in iisdem sinibus quædam sordidæ ac laxæ glandulæ, membranis contextæ copiosè locantur, quæ veluti spongiæ per vasa è cerebro & cerebello eo transmissa excrementa exugunt. XIV. Glandularum enim in corpore humano usus est excrementa colligere, ut testatur Gal. XV. Præterea excrementis potius, quàm spiritibus extructos esse hos ventriculos, patet etiam inde, quia quo materia illa inutilis, ibidem collecta, exitum habeat, in fundo harum cavitatum extant duæ rimæ, utrinq; una, per quas humidum plexibus ad ventriculos attractū percolat & exit. XVI. Ibi quoq; sub medio utriusq; est foramen ad infundibulum dictum, per quod excrementum de-

descendens, recipitur attractione alterius glandule, in medio ejus locatæ, quæ glandula pituitaria ob usum appellatur, quæq; excrementa demum in palatum defert. XVII. In tota igitur cerebri substantia potius, quàm in ventriculis hisce, spiritus animales elaborari certum est, quod & aliis rationibus demonstrari posset, sed eæ videantur in Theat. Anatom. Caspar. Bauhini, Anatomici experientissimi.

III.

Anatome Medico & Chirurgo non negligenda est: multa enim ad dignotionem & prænotationem & curationem morborum, non modo facit, sed etiam summè necessaria & utilissima existit.

ΕΞΗΤΗΣΙΣ.

I. Definitur Anatome, quòd sit artificiosa corporis humani dissectio. II. Additur à Gorrao in definit. med. per quã cuiusq; partis substantia, magnitudo, figura, situs, connexio, & usus, & quæ scitu maximè digna sunt, cognoscuntur. Gal. 9. Admin. Anat. 1. III. Est autem duplex, una *αεζλιαν*, altera verò *διαγνωστικη*, utilis utraq; & necessaria Medico perfectò, tum ad diagnosin, tum ad prognosin, tum deniq; ad curationem. IV. Inquit enim Gal. 1. de loc. aff. cap. 1. & 3. de loc. aff. cap. 10. Virtute Anatomix, nos cognoscere tum internos affectus, tum potissimum ipsos locos affectos. V. Non enim Medicus quilibet, sed Dogmaticus morbos exterminat virtute judicationum, quæ desumuntur ab essentia affectuũ, & locorum affectorum, ut idem demonstrat 1. Meth. med. c. 7. & 11. meth. med. c. 1. 2. & 3. VI. Curationem quod attinet, & quantum curationi Anatome inserviat, eleganter quoq; expressit Gal. in lib. *περὶ ὁρίων, περὶ τῶν*, inquit, *ἐν τῇ ἰατρικῇ ἀρίστον ἔχει τὸ κατὰ φύσιν*: Omnia quæ sunt in medendo scopum habent, id quod naturaliter est constitutum. VII. Et Aristot. 1. de Anima, rectum est index sui & obliqui. VIII. Qua autem ratione quæso restituet Medicus sive Chi-

rurgus ossa luxata aut fracta, nili naturalem eorum situm & structuram didicerit ex Anatome.

Si rectè statutum est, humanum corpus, sicut reliqua mista, ex Sale, Sulphure, & Mercurio, componi: tunc quoq; rectè statuatur, ipsa ubi à naturali statu recesserunt, morbos procreare, Chymicorum loquendi consuetudine.

ΕΞΗΓΗΣΙΣ.

I. Scitum & notum est illud Philosophi, in quod quidq; resolvitur proximè, ex eo quoq; immediatè constructum est. II. Item illud Dogmaticorum: Quibus rectè sese habentibus fani sumus, & quibus non rectè se habentibus ægrotamus, ex iis constamus. III. Quia autem omnes res existentes, constant ex tribus illis principiis hypostaticis seu essentialibus, Sale nimirum, Sulphure & Mercurio, etiam corpus humanum ex iisdem constabit. IV. Omnes autem res existentes, ex hisce tribus constant principiis, & in hæc quoq; resolvuntur, quod experientia, omnium rerum magistra luculentissimè confirmat. V. Homo igitur *μικροκόσμος*, cui quidquid in magno mundo continetur, analogicè quodammodo respondet, ex iisdem constructus erit. VI. Verùm hæc principia non in æquali pondere & mensura, in qualibet specie coeunt: Sed pro specierum diversitate, variata mixtione inæqualiter miscentur. VII. Et ita, ut in alia plus sit Salis, in alia plus Mercurii, in alia deniq; plus Sulphuris reperiatur. VIII. Quam mixtionis varietatem eleganter expressit Lucret. lib. 2.

*Debent nimirum non omnibus omnia prorsum
Esse pari filo. Et lib. 4. & 1.
Semina multimodis in rebus mista tenentur,
Constitunt eadem fruges, arbuta, animantes,
Verùm aliis aliq; modo commista.*

IX. A varia igitur mixtionis ratione horum principiorum, & à vario statu naturali in præternaturalem discessu, variae quoque oriuntur morborum differentiae. X. Quot enim principia, tot quoque morbi: quia autem principia sunt tria, tria quoque erunt summa morborum genera. XI. Morbi enim ex dissidio principiorum oriuntur, ut testat. Hippoc. lib. de loc. in homi. XII. Omnes ergo morbi à liquore sive Mercurio (per Mercurium enim non argentum vivum, sed liquorem seu fluidam aliquam substantiam intelligimus) provenientes, Mercuriales appellantur, & tot erunt morbi Mercuriales, quot modis Mercurius à naturali statu discedit. XIII. Tribus autem id modis fieri docet Theoph. Paracels. in Para. I. primò destillatione, secundò sublimatione, & tandem præcipitatione. XIV. Idem de Sale sentiendum: Sal verò quatuor modis peccat, resolutione, calcinatione, reverberatione & alcolizatione, qualis itaque est Salis transmutatio, talis etiam est morbus. XV. Sulphur quatuor modis exalbat & destruitur, idque secundum quatuor elementa, unde sulphurei morbi, ut sunt inflammationes, febres, &c. XVI. Quia autem nihil est in principiato, quod non vel actu, vel potestate fuerit in suis principiis, ut inquit Scal. exerc. 1307. §. 20. XVII. Morbi igitur hi ex hisce principiis orti, iisdem etiam rursus curabuntur: Morbi enim, ex quibus oriuntur, iisdem etiam curantur. XVIII. Sal ergo externus salis interno, Sulphur externum, sulphuri interno, & tandem Mercurius externus, Mercurio interno medetur. XIX. Cognitis enim principiis morborum, facile est invenire remedium, Gal. I. Meth. med. & 7.

V. quidam dicunt, nisi nisi nisi

Medicamenta, imprimis purgantia, agere in corpus nostrum certum est, quia autem ratione, quidque sit in medicamentis quod agat, non aequè certum.

Chom

G 3

Æ H.

I. Omnis, quæ de re aliqua suscipitur disputatio, à definitione debet proficisci, ut intelligatur id de quo quæritur, Cicer. in Off. II. Medicamentum igitur est omne id, quod naturam substantiamvé corporis immutare & alterare potest, Galen. I. simpl. med. facult. I. de Temp. III. Omne autem medicamentum vel est simplex, vel compositum. IV. Et simplex quidem, quod simpliciter tale est, ut est Sal, Sulphur, & Mercurius: vel quod ad compositum collatum tale esse videtur, respectu ejus quod magis compositum est. V. Compositum vero est omne id, quod ex simplicibus concinnatum est, ut videre est apud Gal. I. de simpl. med. facult. VI. Materia autem medicamentorum desumitur ex triplici illo choro omniū rerum in inferiori globo compositarum; ex Animalibus nimirum Vegetabilibus, & Mineralibus, idq; vel ex ipsis Individuis, vel Individuorum partibus. VII. Sed relictis aliorum medicamentorum generibus, ad purgantia veniendum est, de iis enim inter Medicos omninò non convenit. VIII. Quidam enim trahendo, medicamentum purgans, vires suas exercere autumant, ut est Gal. & qui ipsum sequuntur, 2. simpl. med. facult. cap. 24. & alibi. IX. Quod confirmatur auctoritate Hipp. lib. de natur. hom. da, inquit, alicui phlegmagogon, & trahet tibi pituitam; da Chologogon, & bilem evacuabit; melanagogon, & succum melancholicum expurgabit, quod non fieret, nisi trahendo hæc medicamenta id præstarent. X. Sanguinem quoq; parti alicui molestiam inferentem, & nunc & olim potuisse per alvum educi, in confesso est, quod & in superpurgatione apparet. XI. Verùm sanguinem per alvum evacuare, est potius jugulare, quàm curare hominem. XII. Contra hos insurgit Averrh. qui putat, medicamentum, non unum quempiam humorem separatim, sed omnes promiscuè, hirudinis aut cucurbitulæ modo

modo trahere, & nulla dari electivè purgantia. XIII. Cum hac tamen distinctione, ut qui tenuior & ad fluendum aptior primò expurgetur, sequatur dein paulò crassior, & ultimò crassissimus. XIV. Nonnulli verò non trahendo, sed irritando naturam, in corpus agere existimant, inter quos est Practicus ille celeberrimus Felix Platterus, Præceptor meus summopetè colendus. XV. Quod confirmat experientia & sensu: nulum enim medicamentum sive simplex, sive compositum, inquit, tibi unicum humorem separatim trahit, sed semper cum aliis humoribus permistum: quod si itaq; trahendo, non autem irritando fieret, vera esset priorum sententia. XVI. At, ut ut sit, medicamentum, inquit senex noster Hipp. lib. de Natu. hom. cum in corpus fuerit ingressum, primum sanè id, quod omnium sibi maximè natura respondet, atq; simile est, educit, dein alia quoq; trahit & expurgat. XVII. Quemadmodum enim semina varia & stirpes, ubi unam aliquam terram subierint, id quod in terra secundum ipsorum naturam est, sibi sumunt & attrahunt, sive id sit acidum sive dulce, sive amarum sive salsum, sive insipidum, sive aliud quippiam diversum. XVIII. Primum id quod ipsis naturali similitudine conjunctum est, arripiunt, tunc cetera deinceps trahunt. Talè quoq; modum inquit senex, medicamenta in corpore servant. XIX. Quæ enim ad bilem movendam adhibentur, movent quidem primò bilem, sed non solam, verum etiam aliis humoribus, quos secundò arripiunt permistam. XX. Quanquam verò attractio illa, aliàs caloris, aliàs vacui & inanitionis vi sit, quæ tamen à medicamentis purgantibus est, unica similitudinis proprietate completur, qua & stirpes succum è terra sibi idoneum, ita ut unaquæq; corporis particula, id quod in sanguine sibi familiare est & conveniens prolecat, & sibi assimilat. XXI. Similitudo autem hæc non est temperamentorum sive qualitatum, sed substan-

substantiarum, seu, ut quidam ulterius philosophantur, proprietatum in substantiis ipsis insitarum. XXII. Sola igitur substantiæ similitudo videtur esse causa, quod medicamentum hunc vel illum humorem, vel omnes promiscuè expurgat. XXIII. Attamen hæc substantia non est ipsa rei materia, à qua unumquodq; aut tenuis aut crassæ substantiæ dicere solemus, neq; hæc hujus substantiæ similitudo attrahendi causa existit. XXIV. Non enim Agaricus aut Colocynthis, quia sunt tenuis substantiæ, crassam pituitam educunt, neq; Rhabbarbarum, quia substantiæ crassæ, tenuem bilem evacuat. XXV. Sed præstantior atq; nobilior est tota illa substantia, à qua tanquam ab intimo & innato quodammodo principio & seminio defluit, & manat, quæ totius substantiæ proprietas appellatur. XXVI. Hæc, inquam, est essentia illa vivifica, cujus facultas solutis vinculis exurgens altius & promptius se promit, & vires multò quàm antea majores profert, & corporibus sanandis efficaciores. XXVII. Hæc autem essentia & proprietas in natura ita involuta est, ut evidenter perspicere non possit: ope tamē ipsius Vulcani & arte ipsa Spagyrica manifestatur. XXVIII. Per hanc enim manifestantur, vera simplicia, magnalia & arcana, virtutes & vires sanationem concernentes. XXIX. Docet enim hæc medicamenta infelicibus vestimentis obducta debita separatione ab impuritatibus & corruptibili ac fœda superficialium & externorum elementorū commixtione expedire, ut pura illa materia seu natura simplex exhibeatur corporibus. XXX. Per hanc enim artificiosam corporum resolutionem in conspectum veniunt proprietates, quæ antè compositionis virtute occultabantur. XXXI. Hæc itaq; proprietates, ex ipsarum rerum natura desumptæ, naturam etiam optimè juvare poterunt. XXXII. Naturam enim juvare est rectè mederi, qua oppugnante irrita sunt omnia, Hippo. de lege.

lege. XXXIII. Nec servari quis potest, nisi natura morbum superaverit, neq; perire, nisi natura victa sit, morbusq; ea superior evadat. Gal. de tot. morb. tempo. c. 5.

VI.

In perito ac rationali Chirurgo duo potissimum requiruntur: Primo exacta cognitio, ejus partis Therapeutices medicine tertia: quæ, quia manu medetur, ~~χειρουργία~~ quasi ~~χειρ~~ ~~εργία~~ Græcis dicitur. Secundo peritia ac solers promptitudo, seu prompta quadam dexteritas exequendi ea omnia, quæ ad affectus Chirurgie subjectos attinent.

ΕΞΗΓΗΣΙΣ.

I. Philosophus I. Phys. inquit, innata nobis est via, à communioribus ad specialiora procedere. II. Dicendum igitur quid sit Chirurgia: licet autem multi multipliciter eam definiunt, omnes tamen fundamentū à Gal. in Introduct. sumpserunt, dum dicit: III. Chirurgia est pars therapeuticæ, per incisiones & ustiones, & restorationes ossium, sanans homines. IV. Cui definitioni addit Com. 1. regim. acut. & per alias manuum operationes; & ita strictim pro instrumento therapeutico, Chirurgia usurpatur. V. Largius autem considerata, prout est scientia curandi ægrotudines, in quas cadit intentio manualis operationis (sive exclusivè aliorum duorum instrumentorum medicinæ, Pharmacis scilicet & Diætæ) talis descriptio ex dictis ferè omnium assignatur. VI. Chirurgia est scientia, docens modum & qualitatem operandi, principaliter consolidando, incidendo, & alias operationes manuum exercendo, sanans homines, quatenus est possibile. VII. Additur quatenus est possibile, secund. Galen. 14. Meth. dicentis: IIX. Curatio unum habet modum operari citra dolorem, & absq; fallacia, salvare corpus, & non perimere, boni Medici est, & non sinistri. 12. Meth. & hoc est facere quod est possibile, & non pecuniæ causa promittere impossibilia. IX. Operationes Chirur-

H

gorum

gorum sunt, solvere continuum, phlebotomando, scalpendo, jungere separatum, consolidando vulnera, & reducendo fracturas, ac dislocationes, extirpare superflua, cum curantur Apostemata, & glandulae ressecantur. Guido de Gauliaco, in Chirurgia magna. X. Relictis reliquis operationibus Chirurgicis, de vulneribus tantum sermo erit, quum maximè in iis curandis delinquant Chirurghi, Anatomes & veræ scientiæ Chirurgicæ ignari. XI. Affecto enim principali aliquo membro, ægrum vel prorsus delinquant, vel non rectè & ex arte tractant, aut vulnus lethale esse judicant. XII. De vulneribus abdominis, Peritonæi, pectoris, &c. hoc loco nihil, de cerebri pauca delibasse suffecerit. XIII. Chirurgorum axioma est: Pia matre læsa, mors imminet: quod experientiæ, rerum uni ac certæ magistræ, primum repugnat, dein rationibus. XIV. Vulnera cerebri non prorsus lethalia esse, demonstrat experientia tum antiquorum, tum recentiorum Anatomicorum & Chirurgorum. XV. Antiquorum, Gal. scribit, se vidisse Smyrnæ in Ionia juvenem sanatum, cui telum usq; ad alterum ex ventriculis cerebri penetravit. XVI. Cui assentire videtur Guido de Gauliaco loco citato, tract. 3. doct. 1. c. 1. inquit, ego vidi de parte posteriore cerebri exire parvam quandam substantiam, quod fuit cognitum, ex læsione ipsius memoriæ, quam post curam recuperavit. XVII. Ex hisce manifestè apparet, non tam piam matrem, sed & substantiam ipsam cerebri læsam fuisse, & tamen curatos fuisse, sed videamus & recentiores. XVIII. Ex recentioribus idem affirmat Andr. Laurent. in sua Anatome: inquit, quod sæpè viderit portionem aliquam de cerebri substantia detrahère, nihilominus superstite homine. XIX. Quartum addit Volcherus Coiter in tabulis suis Anatomicis. Admiratione summa, inquit, dignum existit, brutorum viventium cerebra vulnerari, & intactis nervis, eorum-

demq;

demq; principio & ventriculis mediis illæsis exemi, ut nullum vel vocis, vel respirationis, vel sensus vel motus offensionis signum in iis deprehendi. XX. Quibus accedit quintum ex observationibus elegantissimis Fabricii Hildarii, Medici & Chirurghi peritissimi, qui aliquot observationibus affirmat, quod citra detrimentum ipsius ægri, de cerebri substantia deductum fuerit ad $\frac{3}{4}$ j. aut plus. XXI. Interim hoc observandum, ne vulnus ad ventriculos cerebri ambos penetraverit, tunc cura adhuc aggredienda, & ægri non prorsus derelinquendi, sed potiùs ex Hippoc. instituto, Extremis morbis extrema adhibenda sunt remedia.

A D D I T A M E N T A.

1. **M**USCULI oculum humanum moventes, sunt tantum sex, septimus enim à Vesalio propositus, hominis non est, sed bruti animantis.

2. Tunicæ oculum succingentes revera sunt quatuor, duæ totum oculum circumdantes, duæ verò humorum.

3. Ventriculi ipsius cerebri sunt tantum duo, tam in anteriore quàm posteriore & media cerebri parte.

4. Sanguificatio non fit in ipsa parenchymate hepatis, sed in venis per substantiam hepatis disseminatis.

5. Humor Melancholicus non in hepate, sed potiùs in liene perficitur & absolvitur, quod ex ramo splenico facile apparet.

6. In venæ sectione, signa illa venæ sectionis in Calendariis à Mathematicis proposita, non semper sunt observanda.

7. Chymica medicamenta, legitime preparata, magis ad officium Medici accedunt, quod est tutò citò, & jucundè curare, quàm Dogmaticorum.

8. Hominem ultra diem septimum sine pane vivere posse, dicere non est absurdum.

H a A S S E R.

VI.

ASSERTIONES CHYMIATRICÆ,
DE NATURA CATARRHORUM, &c.

RESPONDENTE

HENRICO CROLLIO WETTERANO HASSO.

THESIS PRIMA.

K'Αταρρῶς, Latinis destillatio, est defluxus præternaturalis humoris supervacanei, à cerebro ad membra subiecta, *Fern. l. 5. de part. morbis*: interdum *καταρρῶς* vocatur. *Secundum Hermeticos*, est Tartari è lutoſo & mucilaginoſo alimento prius congeſti & coagulati, ſal reſolutum in humores, ad ſubjecta membra delabentes.

2. Omne enim quod comedimus & bibimus, habet in ſe mucilaginoſum & luteum tartarum, ſanitati humanæ noxiū, quæ tartarea impuritas, cū à ſtomachi interni hominis *καταρρῶς*, innatā, ac à Deo implantatā virtute, à puro nutrimento ſeparari non poſſit, impurum (quod aliās per ſecēſſum & alia emunctoria exire debebat) ſimul cum puro ad membra tranſit: mittitur etiam per venas meſaraïcas ad hepar, quod & ipſum languidum & debile, non rectè ſeparat mucilaginoſum & Tartareum, ſed illud in defectu bonæ ſeparationis, ex potentiā prædeſtinationis, mediante & concurrente ſpiritu Salis, coagulat in Tartarum, qui deinde reſolutus in humores, hi verò tartarei humores in vapores, omnibus oninium ſpirituum mechanico- rum membris, & determinatis particulis ſeſe inſinuant, eas penetrant, & quia Archei membrorum valdè differunt, variè moleſtant, *of vald. Crollius in præf. Baſil. Chym.*

3. Cauſæ Catarrhorum ſunt duplices: aut enim congenitæ, & internæ; aut adventitiæ, & externæ.

4. Con-

4. Congenitæ & internæ sunt iterum duplices: aut enim membrimandantis, aut recipientium.

5. Mandantis causa est Cerebrum calidum attrahens, frigidum condensans (hæc causa est, respectu membri mandantis, terminus à quo.) A cerebro enim plurimi halitus, calore & levitate sursum lati, veluti spongia excipiuntur: Quinimò à capite ipso attrahuntur, ex sententiâ Hippocr. (quod ex angusto in amplum desinat, figuramq; habeat similem cucurbitulæ) & frigidity cerebri, & naturâ insitâ condensantur & coagulantur: Non aliter ac vapores, quos alembico suppositus ignis attollit, à capitellis vertuntur in aquam, & quidem eò celerius, quò illa capaciora & frigidiora fuerint.

6. Cujus rei planè simile observare licet in Macrocosmo: solis enim tepore, vapores efferuntur in mediam aeris regionem, qui illius frigore concreti non tam propter pondus, quàm propter inclinationem & prædestinationem decidunt: terra enim vi magneticâ attrahitur, aer verò fructus suos in aquam & terram deponit: in peregrinis siquidem matricibus omnia Elementa parturiunt.

7. Hic itaq; perennis agitur generationis circulus, ut superiora Elementa, inferiorum benignitate non destituantur, inferiora verò superiorum fructibus ac resolutionibus foveantur. *Severinus in Idea Medicina Philosoph. c. XI.*

8. Et hæc est aurea Homeric catena, cujus perpetuâ circulatione coelum terræ maritatur, & inferiora Elementa cum superioribus coeunt: perpetuis enim vaporibus ex Centro terræ in aquas expulsi, & ex aquis in aërem erectis, astrorum coelestium attractione, nec non vi & appetitu Elementorum inferiorum, edendæ proles ac concipiendæ ex coelo, seminibus hinc inde concurrentibus, tandem Elementa ad suos parentes redeunt, gravida & cœlestibus formis imprægnata, ibiq; semina

sua fovent, dum tandem oportunè parturiant, & fœtus suos excludant. *Quercet. in Hermet. Medicin. defens. c. 14.*

9. Necessè enim est Macrocosmi tanquam Parentis dispositionem, Microcosmo Filio, homini scilicet (qui ex illo & secundum illum conditus est, ejusdemq; cum patre naturæ & affectionum particeps) accommodare, & Mundanam Anatomiam cum Microcosmi Anatomia debitè conferre. *Of. Crollius in præf. Bas. Chym.*

10. Recipientium membrorum causæ (terminus ad quem) sunt imbecillitas, & laxitas, & situs inferior, & ejusmodi alia: quâ autem ratione partes situ inferiores omnium primæ morbis excrementitiis corripantur patet ^{1.} ex partium connexionem & societate, ut cerebri & ventriculi per nervos, ^{2.} positum partium, unde pars validior nobiliorq; excrementa sua ad debiliorem ignobilioremq; plerunq; deponit. Accedunt etiam partis mandantis robur & vis expultrix valida, partis verò recipientis imbecillitas & resistendi impotentia: insuper multum juvat dilatatio meatuum, viarumq; oportunitas.

11. Ita si cerebrum, cujus excrementa pelvis seu quoddam infundibulum recipit, & ad crassissimam glandulam pituitariam sub ipsis meningibus ad finem infundibuli in sphenoidis sellâ positam, transmittit, quæ etiam excrementa suscipere, & per palatum aut nares repurgare debebat: Ita, inquam, si cerebrum humorum pituitosorum copiâ gravetur, eamque continere vel non possit, vel aliâs molestetur, fit ut à plenitudine fiant defluxiones. *Quercet. in consil. de Arthrid. & Calculo.*

12. Causæ adventitiæ & externæ sunt pariter duplices, membri mandantis & recipientium.

13. Mandantis causa externa, est cerebrum calefactum, id est, rarefactum, à causis calefacientibus: frige factum, ideoq; compressum à causis frigefacientibus.

14. Recipientium membrorum causæ sunt itidem laxitas & imbecillitas.

15. In Cerebro, ut & in aliis omnibus corporis humani partibus naturalium actionum administrationes conspiciuntur: suos habet ventriculos, & spiritus mechanicos, attractionum, retentionum, separationum, coagulationum, digestionum, distributionum, expulsionum authores: ubicunq; igitur tales spiritus reperiuntur vivaces & vegeti, ibi perfectæ concoctiones celebrantur, & ventriculi officia absolvi necessarium est: ubi verò non reperiuntur, contrarium evenit.

16. Spiritus siquidem sunt, qui esuriunt, sitiunt & saturantur: & quando spiritus sunt satiati, id est, quando nihil illis deest vel deficit, tum non possunt proferre vel emittere fructus morborum nuncios, sed potiùs sanitatis. Famelici autem cum sunt, agrotant, & restaurationem appetunt: Si alimenta ventriculo recepta, virtute spirituum mechanicorum, resolvuntur & miscentur, digeruntur, & ad maturitatem perducuntur, & continuâ actione spirituum in vapores halituosos convertuntur; quicquid enim ex alimento separatum fuerit, non expectatâ aliorum sorte, continuò maturatum in vapores halituosos reducetur, & societate aliorum mechanicorum in novas officinas adducetur. *Severinus in Idea Med. Philosoph. c. XI.*

17. Inquinatis igitur & infirmatis spiritibus mechanicis (cùm ab iis omnes ventriculorum actiones procedant) ventriculi, ad motiones naturales, omnesq; alterationes, separationes, resolutiones, digestiones, &c. inepti redduntur, unde fiunt morbi stomachi in stomacho, jecoris in jecore, cerebri in cerebro. Ventriculus enim utut robustus, non potest omnia excrementa ab alimentis sequestrare, quia profundius alimentis adhærent, & spiritibus mechanicis subjiciuntur: particularis igitur in omnibus membris requiritur separatio, nisi tardiora coctionum ministeria absolvi debeant.

18. De-

18. Destructo itaq; sic cœlo inferiore, superius etiam, necessariò & consequenter destruitur. Venter enim est quasi fons & origo, qui habet proprietates trium principiorum confluentes, cum spiritibus mucilaginis tartareæ, stypticæ, aluminosæ, acetosæ. Hinc consumto, vel seorsim evacuato impuro sulphure, spiritus salis Naturæ cum spiritibus salis rei conjugium init, ipsiq; radicibus positis continuâ nutritione incrementa sumunt, præsertim si errores in diatâ contingant, donec digestis temporibus absolutis, paroxysmos generationum, seu potius transplantationum comites ostendunt: & sic ipse venter fit destructor & corruptor Microcosmi.

19. Corporis enim partes sunt quasi matrices & penuria, in quibus concentrantur & uniuntur virtutes spirituum, per orbem, id est, totam Anatomiam dispersæ: Sic cerebri Anatomia, revolutio, cursus, periodus, non solis Calvariæ limitibus coercetur, sed reliquo corpori benignè per nervos communicatur, ut nec in solo pectore Anatomia spirituum cordis continetur, sed per universum corpus mirabili continuitate dispergitur, & orbem suum per universam corporis Anatomiam propagat. *Sever. in Idea Medic. Philosoph. c. XI.*

20. Causæ hic iterum considerari possunt duplices, vel generantes, vel moventes.

21. Generantes sunt procreantes, conservantes & augentes, ut aquea, cruda & serosa excrementa, ex æreis flatuosis aut ventosis, deniq; ex crassioribus ac terrestrioribus, vel foetidissimis alimentis provenientibus, quæ ejusmodi excitant halituosos vapores, qui à cerebro collecti, præcipiti quodam motu & vi quadam violentiore denuò ab eo in subiecta membra deturbantur.

22. Conspirant simul ad Catarrhos excitandos, somnus longus maximè diurnus post prandium; Lucubrations nocturnæ,

Æternæ, itemq; otium diuturnum & crapula, evacuationē enim excrementorum impediunt eorum retentionem, & aggestionem juvant: Hinc Xenophon maximè apud Persas olim vituperari consuevisse ait eos, qui vel expuebant, vel nares emungebant, quia neq; exerceri, ut par est, neq; demenso suo rectè uti viderentur. Nec minùs etiam diuturnus capitis dolor cerebrum debilitans, & aliæ complures causæ simul concurrere possunt.

23. Ad moventem causam referuntur, quæ materiam collectam ad descensum in membra inferiora promovent, ut sunt intemperies calida aëris & cerebri, flatus Austri, & nimia capitis coopertura, tam diurna, quàm nocturna: olfactus etiam rerum calidarū, & ingentes animi perturbationes, quæ omnia cerebrum valdè calefaciunt, & virtute calefactionis partim humores in eo congestos attenuant, partim meatus rarefaciunt & aperiunt, per quos humor solet defluere.

24. Fluxum etiam humoris pituitosi movet omne id, quod cerebrum valdè frigefacit, & vi frigefactionis partim occludit poros capitis, per quos vapores naturales solent expelli, partim condensat vapores in capite collectos, & in humores convertit: partim comprimit cerebrū, & humores in illo contentos exprimit: cuiusmodi sunt intemperies frigida, aëris & cerebri, flatus Boreæ maximè post Austrum, nimia pedum frigiditas, quæ per nervos, ex sympathiâ, cerebro communicatur: & id genus alia.

25. His etiam addi potest id omne, quod caput & cerebrum in ipso conclusum, vehementer movet & concutit: cuiusmodi est fortè exercitium corporis, clamor, vociferatio, & similia.

26. Sed ut Catarrhorum etiam signa attingamus, eorum alia sunt prognostica, alia demonstrativa.

I 27. Pro-

27. Prognostica alia indicant futurum, alia subjectum catarrhoobnoxium.

28. Prioris generis sunt, ^{1.} apparentia & præsignificatio causarum, à quibus catarrhus excitari solet. ^{2.} Gravitas capitis, arguens illius repletionem. ^{3.} Frequens sternutatio, qua caput & cerebrū vehementer concutitur, & humores ad fluxum invitantur.

29. Posterioris generis signa sunt hæc sequentia: ^{1.} Caput valdè rarum vel densum: illud enim facilè transitum præbet aëri frigidus ad cerebrum penetranti: hoc vaporum dissipationem & evacuationem impedit, & retentionem juvat. ^{2.} Cerebrum valdè calidum, stomachus verò & epar frigidius, siquidem ob indigestionem alimentorum multi vapores sursum ad caput vi caloris illius attrahuntur. ^{3.} Cerebrum frigidius, ventriculus verò & epar calidius, in quibus variæ mucilaginosæ impuritates atq; cruditates procreantur. Ex cruditatibus à calore imbecilliore fiunt vapores, qui in caput eVecti, ac proinde etiam ipso cerebro magis ac magis intemperato reddito, moxq; vaporibus in humorem conversis irruunt & destillant in subjectas partes.

30. Signa demonstrativa seu Apodictica, alia catarrhum præsentem, alia illius qualitatem indicant. Prioris generis sunt, sensus humoris deorsum fluentis, frequens scretus, vel tussis, læsio vel auditus, vel olfactus, vel visus, vel gustatus, vel respirationis, vel similium actionum. Posterioris generis signa, alia indicant catarrhum calidum, alia frigidum, alia acrem, amarum vel falsum.

31. Signa Catarrhi calidi sunt, partim sensus ardoris, partim robur faciei: signa Catarrhi frigidi sunt, partim sensus frigoris, partim pallor faciei. Signa Catarrhi acris, amari vel falsi sunt sensus mordacitatis, pruritus, exasperatio & excoxiatio membrorum, per quæ & ad quæ fluit.

32. Plu-

32. Plurimorum igitur & gravissimorum morborum, fontem & scaturiginem esse cerebrum, valdè catarrhis obnoxium, negari non potest.

33. Ex tartaro enim in ventriculis cerebri consistente, nascuntur tumores contra naturam, obstructions & intemperies cum materiâ, inde stultitia, fatuitas, phrenitis, mania, melancholia, memoriæ jactura, Carus, Lethargus, Catalepsis, Vertigo, Epilepsia, Apoplexia.

34. Ex immoderatâ verò eorum fluxione, & quando salia corrosiva miscentur sali resolutò, sequuntur affectus dolorifici, pro diversitate salium corrosivorum diversi.

35. Ita à fluxione in Nervos & Articulos tremor, stupor, paralyfis, convulsio, arthritidis: à fluxione in nares, coryza, polypos: in oculos epiphora, lachrymæ involuntariæ & rubedines: ad aures, gravitas auditus, surditas, tinnitus aurium: ad os & palatum, excitatur modò tumor gingivarum, modò dolor dentium, modò inflammatio linguæ, modò tumor amygdalarum, vel gurgulionis: ad tonsillas, angina: ad stomachum, modò indigestio ciborum, modò fluxus ventris, cujus variæ sunt species: ad pectus, modò rauco, modò tussis, modò anhelitus, modò corrosio pulmonis, modò suffocatio, unde catarrhi suffocativi: *Hippocrati* *ἐν τῷ πρῶτῳ βιβλίῳ ἀποιδύλλης*, 3. *Aphorism.* 12.

36. Ad cor si fiat fluxio est lethalis, & protinus suffocat.

37. Sed hic observandum, nō omne excrementum colligi intra calvam, in cerebro & interioribus ejus ventriculis: sed aliquod etiam intra pericranium, circa partes corporis externas, maximè sub cute verticis. *Fernel. l. 5. de part. morb.*

38. In his igitur externis corporis partibus excrementum colligitur, quando videlicet venarum per faciem & tempora in caput irrepentium extrema in cute verticis desinunt: quoties enim hæ vel sero, vel humore multo turgent, alimentum

reliquias & supervacua sub cutem effundunt, quæ præ crassitie atq; densitate cutis evaporare forâs vix queunt, atq; adeo omnis externæ destillationis fontes & fomites sunt. *Fern. ibid.*

39. Cognitis jam Catarrhorum causis, loco affecto, signis prognosticis & diagnosticis, eorumq; tandem variis pro varietate partium effectibus, hoc insuper sciamus, ex Hermetica doctrinâ, vapores, fumos, halitus, fuligines, &c. (quarum quotquot quotidie in corpore nostro ex quibuscumque evaporationum ac exhalationum generibus generatæ in caput elevantur, tot ac tam varia, perinde ac in Macrocosmo, Metcora in nobis excitantur) succorum ac substantiarum Mercurialium, sulphurearum & salinarum (cùm tamen à potiori & prædominante sale, Catarrhus denominetur morbus salinaris) naturam redolere ac participare: à quibus etiam prodeunt & exhalant, ut subjectæ substantiæ similem esse defluxum oporteat.

40. Ut enim in majore mundo videre est, ejusmodi vapores & exhalationes, solis calore & Astrorum influxu, nec non propriâ ac internâ terræ caliditate excitatas, materiam tam diversis ac stupendis meteoris ac corporibus imperfecte mixtis sufficere, tum in aëreâ regione, tum in ipsis terræ penetralibus: præsertim ex vaporibus mercurialibus frigidis, humidis & naturæ aqueæ, nubes & pluvias, grandines, nives, gelu & ventos generari: at ex sulphureis & calidis siccis, coruscationes, tonitrua, presteres, fulmina, & id genus alia ardentia metcora effingi: sic in mundo minore, id est, Homine, similes & iidem vapores ac exhalationes materiam multis & diversis meteoris efformandis suppeditant: ex salinaribus verò fuliginibus, præterquam seminaria & radices vitiorum in corpore nostro nihil procreatur, quum liquore omni nutriente, recreante, nec non naturæ nostræ familiari prorsus spoliata sint. *Quercet. in Tetrade graviss. cap. aff.*

41. Hæ igitur diversæ exhalationū aut evaporationum substantiæ à sanguine nostro, aliisq; succis & humoribus in corpore nostro contentis possessæ, cum extra temperamenti sui cancellos evagantur & excutunt, varia morborum genera commovent & excitant.

42. A sanguine dico, quia in eo ceu Elemento sunt omnis generis semina & salia: Sanguis in homine est lignum in majore mundo, infinitæ autem sunt species lignorum, infinitæ igitur sunt species sanguinis: & quàm varii sunt fructus arborum, tam variæ quoq; aptitudines sanguinis existunt, *ut loquitur Paracelsus in Paragrano*. Alio loco dicit sanguinem esse Elementum aquæ, quot autem fructus & procreata aquæ in macrocosmo existunt, tot etiam morbi in sanguine microcosmi reperiuntur.

43. Sed ne insilito longiores simus; hoc tantum adhuc adjiciamus: Catarrhos in membra defluentes (ut hætenus demonstratum est) calido eorum innato, sive potiùs, secundum Hermeticos, vitali & interno eorum Balsamo, omnibus ab eo in corpore collectis viribus, providentiâ insigni, sæpius ita dissipari, *ut triumphans hic balsamus, membra debilitata paulatim in naturalem statum reducat*. Elementa enim vitalia, collectis viribus, à globis suis, contraria repellunt, nihil dissentanei & alieni patiuntur; unde & *Hippocrates naturas, dixit, esse morborum medicatrices*.

44. Debilitatus verò internus Balsamus, nec potis aut sufficiens morborum impuritates, radices & semina in humanam Anatomiam, & in quodlibet membrum particulariter implantata profligare, aut auferre, externo Balsamo in macrocosmo latente, Medicina illa Analogica restaurandus est: & tartarus ille dissolvendus, reducendus & consumiendus; Coagulationis etiam Astrum compescendum, ne amplius coagulet.

45. Et cum apud occultioris naturę interpretes in confesso sit, nihil in toto universo esse, cujus non sit etiam particula in homine, ipso videlicet microcosmo (virtualiter, sive quoad proprietates & corpus internum seu spiritum, non verò quoad signaturas externas) imò omnium rerum semina in ipso latere, astrorum, meteororum, mineralium, vegetabilium & animalium: considerata diligenter hac symmetrica harmonia & anagoge physica inquirere oportet veros medicos; si laboraret, verbigratia, Cerebrum Microcosmi internum, ut illi remedia etiam mutuarentur à parente suo, seu Cerebro Microcosmico externo, ipsi planè simili & anagogicè representato, qualia è tribus remediorum officinis, & naturæ familiis, multifariam depromi possunt. *Crollius in præfat. Basil. Chym.*

46. Sic externum Macrocosmicum Cerebrum, est oleum argenti, liquor sapphiri, smaragdi, Musci, vitrioli, &c. quod confortat Microcosmicum cerebrum internum. *Croll. ibidem.*

47. Nec prætereundū, in morbis Catarrhosis magnam habendam esse rationem ventriculi & hepatis, partiumq; mandantium & recipientium.

48. At hæc Practicis relinquamus, nobis in præsentiarum sufficiat, ex sententia tam Dogmaticorum, quam Hermeticorum, naturam Catarrhorum investigasse, eosq; in cerebro membro principali collectos, in subiectas sedes defluentes plurimorum morborum scaturiginem & fontem esse docuisse.

AUCTARIA.

I. Chymia est solidæ philosophiæ fons, clavis sapientiæ, anima & medulla physices, medicinæ radix, & meta, in quam viri sapientes collimant.

2. Ideoq; Medicina & Chymia non possunt separari: quin-

quinimò dicendum, Medicos Chymicis destitutos remediis, similes esse fabrorum, qui ad secandum, hebetem securim, vel fortè medio contrafactam adhibent.


3. Natura Majestatem suam arcano aucupatur silentio, nobisq; castaneæ nucleum, non nisi cortice & aspero tegumento abditum offert: Ideoq; spagyricâ dissectanda Anatomia, ut ita proprietates, quæ antea compositionis virtute occultabantur, per artificiosam corporum resolutionem & analysin in conspectum veniant.

4. Tantum enim discrimen est inter integra & præparata, quantum inter cibos & sanguinem.

5. Studiosè tamen providendum, ut servetur propriâ & alibilis substantia in spagyrica Naturæ, ita servetur & medicamentosa in artificiali.

6. Medicus nullum morbum profigat, sed natura ipsa malum sibi ipsi adversum omne expellit; si deficientibus propriis ejus viribus, externis à Medico ministro suo illi subveniatur.

7. *QUÆSTIO: An Medicina omnis in Idololatrarum pectore, aut unius GALENI fonte adeò sit clausa, vel claudi debeat, ut eam vel ab Ethnicorum ore, vel à nullo omninò alio latice hauriendi, necessitas nobis Christianis imponatur unice? Neg.*



VII.

DISSERTATIO CHYMIOTECHNICA, IN QUÀ
totius operationis Chymicæ methodus practica clarè
ob oculos ponitur.

AUCTORE ET RESPONDENTE

JOHANNE RHENANO CASSELLANO.

THESES

THESES CHYMIOTECHNICÆ.

THESIS I.

Inquirenti mihi omni mentis conamine, quænam potissimum ars hominum generi in hac miseriarum valle à summo Atrifce data & concessa sit, quæ exercenti usui, ac aliis non dispendio esse possit, præ omnibus aliis commodè sese offert vera Chymia: In tora enim hac universitate nullum studium tot utilitatibus refertum esse video, quod hominem tot beneficiis ornet, beer, atq; illustret, quam unum illud veræ Chymicæ negotium, quod hominem sanum à morbis præservat, ægrum sanitati restituit, pauperem ab inopia sublevat, naturæ abdita eruit, animum solidâ scientiâ imbuat, nulli injuriam facit, omnibus prodest, & tandem ad ipsam Creatoris cognitionem adducit. Idcirco hujus præstantissimæ artis amore flagrantes, de illa in præsentiarum sic differemus, ut quomodo illa tractari, excoliq; debeat, omnes istam exercenti modos enumerando, enucleaturi simus.

2. Dicitur autem Chymia ἀπὸ τοῦ χύω, quod sonat fundo, liquescio, vel in liquorem aut succum reduco, unde χυμός succus, & χυμια ars succum faciens, seu res solidas in succum resolvens. Sed per Synchdochen partis difficilioris αἰὲρ ἐκχυλῶ sub solutione etiam coagulatio à Chymicis antiquis subintelligitur, unde pervulgatum illud: Solve & coagula. Suidas & Cedrenus χυμιαὶ nuncuparunt. Arabes præstantiam ejus notantes, addiderunt articulum AL, atq; illam, Alchymiam, vel, ut Cælius Rhodiginus Archimiam, quasi ἀρχὴν χυμιαί, cognominarunt. Dicitur etiam Spagiria ἀπὸ τοῦ σπᾶν ἢ ἀγείρειν, ab extrahendo & cogendo: nec non separatoria, uti & Ὑσopaica, à lavando, sequestrando ac depurando.

3. Est itaq; Chymia ars physica separandi purum ab impuro,

puro, ad conficiendum medicamenta tam corporibus humanis perſanandis, quàm metallicis ad ſummam perfectionem adducendis, accommodata.

4. In tractatione Chymicæ conſideranda ſunt tum ea, quæ operationi inſerviunt, ſeu opellam præbent, tum operatio ipſa.

5. Chymicæ operationi inſerviunt locus & cauſa adjuvans.

6. Locus Chymicæ operationi inſerviens, eſt ſubjectum materiam elaborandam continens; ut Furnus & Vas.

7. Furnus eſt locus, in quo ignis ad materiam chymicè tractandam dextrè & convenienter accommodatur. Eſtq; apertus vel reclusus.

8. Furnus apertus eſt cujus pars ſuperior eſt aperta. Ille eſt tum Probatorius, tum Ventofus.

9. Probatorius ſive docimaſticus, eſt furnus apertus, in quo metalla perfectiora purgantur, examinantur, vel, ut uſitatori rem delineem vocabulo, fulminantur. Hic furnus ut plurimum ex argilla vel laminis ferreis, rarò ex lateribus, in ſequentem modum extruitur. Sumitur lamina ferrea vel ex argilla facta, & in quadrum ita conſtruitur, ut latitudo pedis unius in duodecim partes diviſi, undecies menſurata, amplitudinem fundamenti conſtituat, ſedecies autem longitudinem conſiciat. (Malo hîc cum vulgo rudiore loqui, quàm Græcorum vel Latinorum pedis menſuras ſequi, ad vitandam omnem erroris ambiguitatem) Sed quando in longum octies, menſura ſumpta eſt, furnus ſenſim in devexitatem eſt incurvandus, ut tandem anguſtior fiat menſuris quatuor, & crater in ſummo furno ſeptem duntaxat menſurarum amplitudinem retineat. Convenit autem laminas in craſſitie ſeſqui menſuram habere, pavimentum verò & fundum literâ A. ſignatum, ex argilla factum,

tres quadrantes unius continere. His ita constructis à pavimento sursum capiendæ sunt mensuræ tres, & quatuor in latum, quæ inferius ostiolum litera B. ostensum constituunt. A cuspide huius ostioli idem paries continuetur per duas mensuras, quæ spacium inter jam dictum & proximè sequens ostium conficiunt; hoc litera C. notatum est. Inde repetendæ sunt mensuræ tres cum dimidia sursum, quatuor verò in latum, ex quibus ostiolum D. imponendis, eximendisq; nec non dirigendis rebus accommodatum, fit. Ab hoc progrediendum, atq; postunius mensuræ metam in medio parvum aliquod foramen, auricularem digitum vix continens (litera E.) perforandum est, carbonibus ferro movendis inserviens. Insuper tres quadrantes unius mensuræ sub ostioli finibus sunt statuendi dextrorsum atq; sinistrorsum, ubi duo foramina literis F. F. significata, mediocrem digitum lata conficiuntur. In hæc foramina, quibus respondere debent alia duo in pariete ad verso ferreæ trabes, quæ in pariete anteriore quatuor digitos latos procedunt, imponuntur. Porro utriq; ostiolo ad ignem moderandum fores seu obices adaptandi sunt cum ansâ ut possint abstrahi & reponi: quorum superior foramen oblongum, ut clauso ostiolo nihilominus visui nihil detrahatur, contineat: inferior verò foramine rotundo & majori, ut ignis aërem foveantem attrahat, stipatus sit. Supra trabes lamina terrea à lateribus tribus excavata, ubi cinis transeat, in quarto autem integra, & rectâ parietem anteriorem tangens, ponitur. Huic pavimento ergasterii & regulæ fornicatæ, quod à lateribus & dorso duabus cum dimidia mensuris abesse debet, superstruitur. Præterea foramen aliquod rotundum propè ostiolum superius excavatur, ad aërem ministrandum, & G. quo etiam obicis inferioris fenestra notata est, insignitur. Omnibus ad hunc modum exstructis, furno adhuc molli foris sulci fossæq; ad bractæas ferreas, furnum firman-

tes,

tes, recipiendas in eo effingantur. Tandem in loco aprico furnus arefactus à figulo probè coquatur. Hic accommodatissimus est docimasticum furnum exstruendi modus, tum quia non facilè cineribus obstruitur, omniq; propterea docimastico negotio sufficiens est, tum quia ob ignis dirigendi dexteritatem omnes alios longè antecellit.

10. Furnus ventosus seu anemia, numero 2. ascriptus sequitur, & est furnus apertus, in quo beneficio venti ignis vim augmentis mineralia liquantur & funduntur. Huic, si fortè mineralia difficilioris fusionis fuerint, ut ventus sufficientem calorem fovere non possit, aut artifex celerius aliquid fundere velit, commodè follis annectitur, qui ignem augeat, fusionemq; celeriore reddat. Sed ventosus furnus cum suo folle in hunc modum exstruitur: Erigantur muri quatuor lateribus constructi jacentibus, intervallo ab invicem pedali distantes, cubitalis altitudinis, ad conisteriū sive cinerarium conficiendum, quod litera A. indicat. In alterutro conisterii pariete ostiolum B. fiat, per quod ignis aërem attrahere, cinisq; eximi possit. Porro supra conisterium ferramenta ad craticulam C. carbones & vas impositum D. sustinentem collocantur. Digitum latum sub crate parvum aliquod foramen litera E. signatum fiat, per quod follis rostrum transeat, mittendum est. Furnus deinceps à crate in devexitatem pedalis fiat ad focum F. constituendum. Hic tandem satis exsiccatum cum pulvere carbonum & luto aqua diluto inungitur, ac demum follis G. apponitur. Potest etiam hic furnus exigente necessitate calcinationi inservire.

11. Huc usq; de furnis apertis: Tecti sunt, quorum superficies tecta est.

12. Furnus tectus est simplex vel compositus.

13. Furnus simplex est, qui simpliciter & absolute sine alterius adminiculo constat: estq; calcinatorius vel dissolutorius.

14. Furnus calcinatorius, est qui rebus calcinandis inservit, ut cæmentatorius & reverberatorius.

15. Furnus cæmentatorius, numero 3. signatus, est in quo ignis ad res cæmentandas dextrè accommodatur. Varii in hujus operationis negotio possunt adhiberi furni, ille tamen, quem modò describemus, tum ob ignis continuitatem, tum ob ejusdem convenientem graduum administrationem, præ omnibus aliis nobis arridet, & sequente modo erigitur: Fiat murus ex lateribus in quadrum, qui intrinsecus cubitalis sit lateraliter, & sursum ad sectionem primam usq; pedalis, ad conisterium litera A notatum, constituendum. Porro ad secundam sectionem adhuc pedalis fiat, ad ergasteriū conficiendum, quod litera B. ostendit. Inde ad turrim furnus inclinari debet, C. ad altitudinem unius pedis. Porro ab hujus furni cuspide turris D. tripedalis in altum evehenda est, cujus interior pars sit pedalis capacitatis. Atq; ita exstructi hujus furni proceritas erit sex pedum, vel trium cubitorum. Duo autem ostiola in pariete anteriore sunt relinquenda: unum E. in conisterio, continens tertiam cubiti partem in latum, & sextam in longum, cineribus eximendis, aëriq; attrahendo aptum; alterū F. in foco sesquialterum quadrantem cubiti habens. Intra hæc ostiola craticula ferrea ponitur, & supra illam terrea aliqua lamina, cui tegula fornicata vel pyxis cæmentatoria super imponi possit, collocatur. Tegulam hanc fornicatam vel pyxidem cæmentatoriam carbones è turri recta prolabentes tegunt, & igniunt. Præterea quatuor foramina, in quolibet nempe pariete unum G. G. ventilabra dicta, in devexitate sunt constituenda, ut carbones unco ferreo moveri per illa queant. Habeat & turris foramen H. in supremo ad auricularis digiti amplitudinem. Hoc foramen nunquam ferè clauditur, sed, ut ignis foventem aërem ad se attrahat, apertum relinquitur. Reliqua ostiola & foramina suis ob-

obturamentis probè clauduntur, ut furnus secundum operis exigentiam ignem accensum, viginti quatuor horarum spacio continuum ritè fovere possit.

16. Ejusmodi fuit furnus cæmentatorius. Reverberatorius, numero 4. est, in quo imposita materia à reverberante flamma calcinatur. Hic sequenti modo extruitur. Erigatur murus lateritius in forma oblongiori, altitudine unius pedis, pro conisterio A. In ejus pariete alterutro locus vacuus ad quatuor digitos latos, ostiolo, per quod cineres eximi possint, relinquatur sub litera B. Huic muro impone cratē transversè, quam litera C. demonstrat, & super illam murus D. adhuc pedalis fiat pro foco, qui suprà prædictum ostiolum etiam alterum, E. signatum, per quod ligna immittuntur, habeat. His ita compositis solarium F. supra murum ex lateribus conficitur, quod posteriorem murum ad tres digitos latos non contingat, uti per istud foramen G. flamma permeare possit, & à sequente camera retenta in materiam reverberare cogatur. Porro, relicto in pariete anteriori ostio mediocri H. supra illud solarium, ubi materia reverberanda imponi eximiq; possit, reliquam furni partem, quæ altera reliquorum paulò humilior sit, concameratione firma I. occludimus, atq; tam posteriorem, quàm anteriorem furnum, relicto in facie digitis latis duobus supra prædictum superius ostium quatuor juxta se positis ventilabris, litera K. signatis, quibus ignis dextrè & convenienter dirigi, ejusq; calor augeri minuiq; pro arbitrio & exigente negotio, possit, muris lateritiis firmatum obturamus. Omnibus hunc in modum extructis, cuilibet ostiolo suum conveniens obturamentum formamus, illiq; imponimus, furnumq; usui inservire jubemus.

17. Hucusq; de furno calcinatorio. Dissolutorius est furnus simplex, cujus ope, subtile à crasso trajiciendo, res dissolvuntur. Estq; Ascensorius, aut Descensorius.

18. Furnus ascensorius est, quando ascendendo dissolvimus. Is siccus est, vel humidus.

19. Furnus siccus est, ubi vas materiam continens nulli aquæ imponitur, sed præter humorem externum dissolutionem promovet; quod fit in vesica & catino arenario.

20. Furnus vesicæ est, qui rei in vesica dissolvendæ inservit. Is numero 6. appositus ejusmodi est: Quatuor muri in quadrum pedalis altitudinis (ut tamen latitudo pro vesicæ capacitate variari possit) pro conisterio, quod litera A. designat, erigendi sunt. Sed ab uno latere in fundo duo fragmenta sufficiant ad angulos ita posita, quod in medio illorum spacium inane cinerario ad sex digitos lato & alto B. notato, constituatur, & super illud reliquum ejusdem partis cæteris est cœquandum. Super hoc structum bacilli ferrei in modum craticulæ sunt collocandi. Ita conisterium exstructum erit. Super hoc pares pro foco conficiendo struendi sunt muri, altitudine sesquipediales, relicto ostiolo in medio furno litera C. signato, per quod carbonēs administrari possunt. Super hunc murum baculum ferreum, qui impositam vesicam, ne delabatur, retineat, ponimus. Hisce ita exstructis murus ad altitudinem vesicæ pro ergastulo conficiendo continuatur. Observandum tamen est, furnum tantæ capacitatis extruendum esse, ut inter illum & vesicam duorum digitorum spacium ad minimum intercedat, quo calor vesicam debite circumdare possit. Imposita deniq; vesica D. furnace tegitur prominente nihilominus vesicæ orificio, quatuor item ventilabris E. relictis. Tandē cuilibet foramini suum obturamentum formatur, eiq; imponitur.

21. Sic fuit furnus vesicæ: catini furnace num. 7. quo catini adminiculo res dissolvimus, eodem modo quo superior sese habet, nec quicquam ad structuram quod attinet, ab illo diversus est, nisi quod loco vesicæ catinū, vel aliud vas materiam dissol-

dissolvendam continens, imponimus, & furnum obsecramus. Si autem præter catinum igne aperto aliquid per inclinationem aut latus dissolvere velimus, furnus aliquo in latere quatuor vel (pro re nata) sex digitis latis ad convenientem capacitatem vacuum locum habeat, necesse est, per quem vas promineat. Hic furnus maximi usus est in omnibus fermè dissolutionibus, sive per cineres, sive per arenam, sive per ferrum fiant, sive tandem per ignem nudum perficiantur.

22. Balnei furnus sequitur numero 8. signatus, ubi in aheno calidam continenti dissolvimus. Hic furnus eodem modo, quo superiores furni exstruebantur, erigitur, & loco vesicæ vel catini ahenum, ad id fabricatum, aneum ipsi imponitur. Ast in roris balneo aheno aliud quoddam vas ex cupro cufum, sequentiq; modo formatum super imponitur. Fit vas rotundum duum aut trium pedum altitudinis, cujus imum literæ A. intra aheni sinum recipiatur, & commissuræ adeò quadrent, ut aptè concludi & constipari possint, ne tantillum auræ vel vaporis exspiret. Ex hujus vasis aliquo latere canalis vel epistomium prominet, qui labiis inferioribus ahenum petit, ut, exigente id necessitate, per illum recens aqua suffundi possit. Proximè ab aheno hoc vas circum circa plicam aliquam habet, cui lamina perforata B. quasi septum transversum, imposita vasa continens, accommodatur. Sæpenterò etiam accidit, ut plura digerenda simul veniant, quàm unum ejusmodi vas capere possit, quocirca ad penuriam hanc supplendam alterum primo, vel etiam tertium, tempore necessitatis, & exigente digerendorum copiâ, secundo imponi potest. In summo vasis operculum cupreum, C. convenienter juncturas claudens, ne vapor inde exhalare queat, adaptamus. Quando autem per balneum roris abstrahere aliquid animus est, vasis hujus non egemus, sed cucurbita aheno profundiori imponitur, hac tamen

men cautione adhibita, ne aqua ad vitrum pertingat. Oportet enim ut tantum vapor illud circumdet & calefaciat. Tandem operculo balneo inservienti, ut vapor exhalare nequeat, observatur.

23. Furni ascensorii hactenus sunt expositi: descensorius sequitur, cujus adminiculo humorem deorsum propellendo, rem dissolvimus. Eriguntur autem muri, ut apparet ex figura 9. ad conisterium literâ A. quod vas aliquod recipiens B. ab omni ignis violentia tutum contineat. Conisterio imponitur ejusmodi craticula, quæ in medio foramen rotundum habeat, per quod superioris vasis officium C. transeat. Muri porro continuantur ad focum, ubi & ergasterium conficiendum, quod literâ E. signatum est, cui dictum vas D. inversum imponitur, & pro re nata observatis ignis gradibus dissolutio suscipitur.

24. Enumeratis furnis simplicibus, ad compositos, ubi uno igne plures furni foveantur, descendimus: ii sunt Athannor & Acediæ furnus.

25. Athanor, qui & philosophicus & arcanus dicitur, est furnus compositus arcano philosophorum lapidi elaborando calorem, ubi ignis ad vas non pertingit, convenienter tribuens. Multi multos ejusmodi furnos exstruendi modos sibi imaginati sunt, unum tamen nostri inventi, sub numero 5. qualis omnibus tam ob ignis contiguitatem, quam ejusdem temperantiam præstat, huc apponere visum est. Ex lateribus rotundis murus erigitur pedalis, qui in alterutra facie spacium inane ostiolo B. relictum habeat, cineribus eximendis dicatum. Super hoc structum craticula ferrea collocatur. Super hanc craticulam murum instar turriculæ pro cujuslibet arbitrio in proceritatem elevatum (relicto super craticulam alio aliquo ostiolo C. per quod carbones ferro commoveri possunt) latiore inferius
quàm

quàm superius, erigimus; quam D. demonstramus. Turrim hanc in proceritate in eo modo erectam, quando ad summum carbonibus est impleta, terreo cooperculo E. occludimus. Attamen in posteriore muro, proximè à craticula foramen F. apertum relinquimus, per quod calor athannor subintrare possit, idq; spatula vel obice ferreo G. vel numero 43. (nonnulli registrum vocant) qui sublevari ac deprimi potest, claudimus. Hic etiam in summa turri quinq; digitos latos sub operculo parvum foramen H. per quod auricularis digitus vix permeare queat, constituimus, quò ignis aërem, tanquam fomentum ad se trahere possit. Huic turri eo pacto exstructæ furnus collateralis, sive ipsum Athannor annectitur. Erigitur pariter murus rotundus altitudinis sesquipedalis, qui prædictæ turris posterioris orificium tectæ labris suis contingat, litera I. signatus. Ab hoc muro furnum concameramus K. relicto in summo concamerationis aliquo foramine L. in modum thaleri Imperialis, per quod calor in hac parte ob concamerationem aliquo modo sese reverberans, ad proximè sequentem ascendere possit. Jam murum, à quo concamerationem cœperamus, rursus sesquipedalem erigimus M. eamq; camerâ N. obducimus, relicto pariter parvo foramine O. in summo fornice, simili inferiori. Necesse tamen est, ut in hujus mediæ partis facie aliqua locus, per quem materia imponi, eximiq; queat, vacuus relinquatur. Nam hac media in parte ergasterium est, ubi materia in suo vase super tripode collocata elaboratur. Loco vacuo complendo & obserando obturamentum aliquod ritè claudens, ne quid aëris inde concipiatur, formatur, eiq; applicatur. Quatuor digitis latis super hanc secundam concamerationem furnum relicto in basi illius quatuor respiramentis P. P. cum suis obturamentis, quibus calor augeri minuiq; possit, tertiâ camerâ Q. obducimus.

26. Restat acedix sive incuria furnus numero 107 ubi uno igne & parvo labore diversi furni roventur. Nomen trahit à pigritia, unde & à Germanis, Ein fauler Heiße, vel piger Henricus appellatur. Erigitur turris rotunda vel quadrata, modo superiori, & supra craticulam foramina calorem ad laterales furnos transychentia tria, quatuor vel quinque, pro furnorum exstruendorum copiâ aperta relinquinus, quibus pessuli obijciuntur ferrei, ad immittendum vel detrahendum calorem. Singulis hisce foraminibus alius furnus arctè agglutinatur. Necessè tamen est, ut quilibet furnus & suum peculiare cinerarium A. & pyreterium B. craticulâ discreta habeat, nec non fumarium C. contineat. Horum siquidem adiumento acediorum usum ad res quaslibet accommodare possumus.

27. Hæc de furnis dicta sufficiant; sequitur vas, quod est locus rem chymicè tractandam proximè continens.

28. Vasorum aliud igni admovetur, aliud igni non admovetur.

29. Igni admovendum vel ex una aliqua certa materia est formatum, vel ad arbitrium artificis electâ factum.

30. Vas ex una aliqua certa materia factum, est quod ex nulla alia, quàm ex ista fieri convenit. Hujusmodi aliud est vitreum, minerale aliud.

31. Vitreum, quod tantum ex vitro conflatur, est phiala & circulatorium.

32. Phiala numero 11. signata, est vas vitreum ex ventre in modum sphaeræ rotundo gracilem canalem in proceritatem emittens. Ejus usus frequens in solutionibus & coagulationibus.

33. Circulatorium est vas vitreum, ubi infusus liquor ascendendo & descendendo, quasi in circulo rotatur. Usus ejus in subtiliationibus & circulationibus positus est. Varia hujus
gene-

generis vasa à variis ingeniis sunt excogitata, ex quorum numero duo duntaxat magni momenti & usus nobis placent, Pelecanus nimirum & Dyota.

34. Pelecanus numero 12. est vas circulatorium, à figura Pelecani pectus suum rostro fodientis, pullosq; suos refarcientis nuncupatum, amplo ventre sensim in angustius collum vergente, quod retortum & curvatum os rursus in ventrem immittit. Hoc vas in fundo canalem, per quem liquor infunditur, habet, qui liquore infuso Hermetico sigillo occluditur, & calori admovetur.

35. Dyota numero 13. est vas circulatorium à duabus auribus, vel viro utrumq; brachium lateribus applicatum habente, dictum. Hujus inferior pars est in modum cucurbitæ, cui impositus est alembicus in summo canalem, qui liquori infundendo inserviet, habens; in loco autem conveniente duobus rostris incurvatis, & in cucurbitam à capitello humorem condensatum devehentibus, præditum.

36. Ad vasa circulatoria refertur ovum philosophicum seu Hermetis, numero 14. quod oviforme philosophicis operationibus inservit.

37. Minerale vas, ex materia minerali factum, est vel metallicum, vel terreum.

38. Vas metallicum ex metallo factum inservit subtiliationi vel infusioni. Subtiliationi inserviens, est ahenum & vesica.

39. Ahenum, numero 15. est vas metallicum ex cupro aut ferro duum pedum altitudinis, ejusdemq; ferme latitudinis, cusum. Hujus fastigio cooperculum, sequentem in modum formatum, illiusq; limites rite claudens, imponendum est. Fit lamina cuprea ad aheni capacitatem (nonnulli rei familiari consulentes pro cupro ligneum asserem assuunt) rotunda, cujus in centro (quando uni cucurbitæ inservire debet) ad am-

plitudinem imponendi vasis, foramen excavatur, ut vas per illud prominere possit. A latere verò alterutro propè alieni finem aliud parvum foramen, per quod calida suffunditur, & defectus exspiratæ aquæ suppletur, perforatur. Usus hujus alieni cum operculo in Balneis frequentissimus est.

40. Vesica, numero 16. est vas metallicum ex cupro in forma vesicæ vel ovi, duûm aut trium pedum altitudinis, convenientisq; latitudinis, formatum, & circa fastigium apertum, ut intra sinum suum convenientem alembicum recipere possit, qui adeo cum orificio vesicæ quadrare debet, ut tam aptè invicem concludi possint, ne minimum inde exspirare queat. Impositum capitellum è suo vertice canalem duûm aut trium pedum altitudinis emittere debet, qui in summitate aliud capitellum ab alieno aliquo semper frigidam continente, quâ spiritus in alembicum elevati, refrigerieri & condensari possint, circumdatum sustinet. Ex hoc capitello epistomium seu canalis procedit, qui vapores condensatos guttatim in vas suppositum deducit. Hujus vesicæ usus in vegetabilibus dissolvendis non est negligendus.

41. Quæ fusioni inserviunt sunt vasa quæ liquata & effusa mineralia recipiunt: ut, infundibulum & pyramis.

42. Infundibulum numero 20. est vas metallicum oblongum cum manubrio, interius excavatum, liquata metalla recipiens, & in virgas vel baculos conformans, Germanis *ein Eingus* dicitur.

43. Pyramis numero 21. (aliis catinus coniformis, vel *ein Gießbüchel*) est vas metallicum in modum pyramidis excavatum, ut pars ejus superior lata, inferior autem in acutum vergens, proliquis mineralibus in regulum formandis, accommodari possit.

44. Terrea vasa ex terra facta, alia materiam ipsam continent, reliqua capiunt alia vasa.

45. Quæ

45. Quæ materiam ipsam capiunt, sunt fusoria aut non fusoria.

46. Fusoria sunt vasa materiam ipsam capientia, quorum administra ope mineralia funduntur: ut catillus cinereus & crucibulum.

47. Catillus cinereus numero 17. est vas fusorium ex cinerum de levi ligno elixatorum, & ab omnibus carbonibus aliisq; spurcitiis defecatorum partibus duabus, nec non cinerum de ossibus medullâ carentibus (ne tamen de porcis, quæ summum dispendium inferunt, desumpta sint) optimè tritorum parte una, cum cerevisia bona ad massam madefactis, & probè invicem commixtis in suo mortariolo paratum. Cineribus siquidem madefactis hoc mortariolum impletur, & pistillum (vulgò monachus dictum) pulsibus tribus ligneo malleo factis in illud cuditur, ac tandem inspersis cribro setaceo cineribus de capitibus vituli, aut cornu cervi unus atq; alter pulsus super additur, atq; ut arefiat eximitur. Fit & in majori forma catillus cinereus, qui in annulo ferreo formatur. Hic numero 18. signatus est.

48. Crucibulum est vas fusorium ex terra igni contumacissima factum, acutiore basi & tereti in ampliorem capacitatem forma triangulari vel rotunda desinentem, ad fundenda & eliquanda mineralia & metalla formatum. Fit etiam crucibuli species, quæ vulgò testa (*treibscherbe*) appellatur, fundendis metallis ad æquatum.

49. Non fusoria sunt, quibus nihil funditur, ut pyxis cæmentatoria. Est autem pyxis cæmentatoria, vas terreum, ex terra igni contumaci in modum pyxidis suum operculum aptè recipiens formatum. Hanc pyxidem numerus 22. indicat.

50. Hæc sunt vasa ipsam materiam capientia: quæ alia vasa accipiunt, sunt catinus arenarius & tegula fornicata.

51. Catinus arenarius numero 23. (vulgò ein Sand Cassell) est vas terreum in modum pilei rotundi, cum margine trium aut quatuor digitorum extra tenaci factum.

52. Tegula fornicata, numero 24. (ein Muffel) est vas terreum ventilabris & ostio pervium, oblongum, ad tegendum catillos, ne operæ polluantur favillis, utq; calor eò temperatius materiam elaborare possit, formatum. Quidam hanc tegulam, cum fundo connectunt, alii fundum ab illo segregatū faciunt, id quod in cuiuslibet positum est arbitrio.

53. Huc referendus est tripes ferreus, numero 33. qui est vas, aliud vas materiam calefaciendam continens, recipiens, ex ferro fabrefactum.

54. Ad vasa ex materia pro artificis arbitrio electa facta nos accingamus, quæ è terra, vitro, metallis, pro re nata, formata sunt. Hæc sunt superiora & inferiora.

55. Superiora sunt alembicus sive capitellum (ein Helm) quod vasis inferioribus ad vapores recipiendos imponitur.

56. Est autem alembicus alius rostratus, numero 25. qui humores resolutos per canalem aut rostrum ad vas recipiens dimittit: alius cæcus, hoc est, sine rostro, sublimationibus inserviens. Hic in sublimationibus nonnunquam in vertice perforatus aliquantulum est, humores ascendentes, inde emittens.

57. Inferiora sunt cucurbita & retorta.

58. Cucurbita (ein Kolben) est vas plerumque turbatum, in cucurbitæ vel pyri formam utero turgescens.

59. Cucurbita alia fundo globoso numero 27. prædita est, alia lato.

60. Retorta est vas globosum, cujus collum paulatim à ventre procedit, ac sensim in oblongum canalem reflexum transit. Vide numerum 28.

61. Ha-

61. Hactenus vasa igni applicanda: vasa quæ igni non applicantur sunt continentia vel transmittentia.

62. Continentia, quæ materiam continent, sunt receptaculum & concha.

63. Receptaculum numero 29. est vas amplum & globosum, destillantes humores recipiens. Vulgò ein *Portlage* appellatur. Sed receptaculum pro rei destillandæ ratione variat. Nam si res vaporosæ, flatulæ ac spirituales dissolvuntur, amplū esse debet; alioqui à spirituum vi magna, magno bombo ac crepitu, nec sine astantis periculo rumpitur, atq; in frusta dissilit. Si verò res calidæ tenuesq; fuerint, collo longo formatum esse debet. Sin autem res mediæ fuerint, medium receptaculum requiritur.

64. Concha numero 30. (ein *Glasschale*) vel alveolus vitreus, est vas plerumq; vitreum in modum alvei formatum, cum ore & manubrio.

65. Transmittentia vasa sunt tritorium & separatorium.

66. Tritorium (vulgò infundibulum, ein *Trechter*) numero 31. est vas transmittens, in superficie latum, & paulatim acuatū, cum manubrio annexo formatum.

67. Separatorium numero 32. est vas transmittens, quodammodo oviforme, oblongum, orificio ad capacitatem auricularis digiti aperto, cui materia infunditur, & fundo in modum acus acutato, materiam rursus emittendi gratia præditum cum annexis ansis duabus, liquoribus invicem separandis accommodatum.

68. Hactenus locus: Causa adjuvans est quæ artifice suo inservit ministerio: talis est instrumentum manuarium, & calor ignis.

69. Instrumentum manuarium est, cuius applicatione & motione artifex suam actionem perficit.

70. Instrumentum aliud igni admovetur, aliud igni non admovetur.

71. Quod igni admovetur, aut semper, aut pro artificis arbitrio admovetur.

72. Semper admotum est gracile vel latum.

73. Gracile est instrumentum oblongum, semper igni inserviens; ut craticula & baculus ferreus.

74. Craticula est instrumentum ex bacillis ferreis quadratis, & digitalis crassitudinis juxta se in acutum ita positis, ut semidigitale spacium inter illos intersit, factum, focus cōficiendis, carbonibusq; sustentandis inserviens.

75. Baculus ferreus est instrumentum ad sustinenda imposita vasa, cūsum.

76. Latumi instrumentum, vel spatula, obex numero 43. est in modum spatulae factum, quod furnis compositis ad augendum minuendumve calorem inservit.

77. Pro artificis arbitrio igni inserviunt, forfex, rutabulum, cochleare & circulus.

78. Forfex (*ein Klufft*) est instrumentum oblongum, & biceps, quod manibus facile comprimi dilatariq; potest, igni imponendis, dirigendisq; prunis atq; vasis aptum: numero 38. Est & alia forficum species, quibus vasa tantum ex igne sustollimus, numero 39. quæ instar forcipis complicatur.

79. Rutabulum vel uncus (*Rührhacfe*) numero 42. est instrumentum ex ferro oblongū, & in fine curvatum, quo ignis, vel materia in igne contenta proruitur & commovetur.

80. Cochleare, numero 41. est baculus ferreus longus, in altera parte cochlear, in altera radulam habens docimasticis operationibus inserviens.

81. Circulus est instrumentum rotundum vitris abscindendis ex ferro factum: numero 40. Perfringuntur autem hoc modo:

modo: Circulus candefactus vitro applicatur, illudq; tamdiu stringit, donec ferveat & incalescat, cumq; adhuc fervet frigida gutta immissa, aut frigidi halitus affluxu dissilit atq; disrum-pitur.

82. Hæc sunt instrumenta quæ igni admoventur: quæ verò non admoventur, eorum aliud est ligneum, metallica reliqua.

83. Ligneum instrumentum est asserculus perforatus, seu dyoptra, numero 36. quæ est tabula lignea manubriata, circa medium in latum fissa, ut per eam faciei prætentata absq; oculorum injuria ignis atq; operis modum contemplari possimus.

84. Metallica instrumenta sunt tabula ferrea & mortariolum.

85. Tabula ferrea est instrumentum aliquot scrobibus hæmisphæricis seu acetabulis compuncta, ad excipiendum probationum effusiones: numero 37.

86. Mortariolum est modiolus catillorum cinereorum formandorum in lati circuli modum (numero 34.) vel pertusi catini ex orichalco plerumq; factus. Hoc mortariolum comitatur pila, (vulgò monachus) quæ est pistillum cum tubere rotundo ex basi lata media prominente, cujus incussu catilli fovea forinatur. Sed ad catillos majores, hoc est, majorem materiæ copiam capientes, formandos utimur circulo ferreo, numero 35. & conveniente pila foveam procudimus. Hæc de instrumentis.

87. Jam ad ignis calorem deveniamus, qui est causa adjuvans, sua operes tractandas accelerans & fovens: estq; naturalis, aut artificialis.

88. Calor naturalis est, quando radii solares vel per se materiam sibi applicatam excoquunt, vel in speculo concavo collecti rei applicantur. Hujus ignis usus est apud artifices.

Possimus enim hoc dissolvere & calcinare; imò nonnulli illum in lapidis philosophici præparatione adhibendum esse autumant; quam opinionem suis autoribus relinquentes, cum tamen non negligendum esse censemus.

89. Artificialis calor dicitur, qui ad artificis nutum accendi, dirigi & administrari potest. Calor hic simplex est aut mixtus.

90. Simplex est, qui uni dumtaxat operationi, siue illa sit digestionis, siue separationis, inservit.

91. Calor digerens est, quo materia dissolvenda digeritur, id quod in athannore aut fimo perficitur.

92. Digestio in athannore fit, quando turri athannoris carbonibus ad summum usq; impleta ignem in foco accendimus, & ferrea spatula vel registro pro nostro arbitrio ostiolum, calorem ad athannor transmittens dilatamus. Quomodo autem calor ille dirigi, hoc est, quando remissior aut intensior esse debeat, discors est philosophorum opinio. Quidam enim naturæ operationem (ut ajunt) æmulantes continuum, eundemq; à principio actionis usq; ad finem, calorem requiri contendunt. Alii in gradus dispescunt, ut principio nimirum ad albedinem usq; primus gradus, inde ad flavedinem secundus, ad finem autem, qui est uberrimæ rubedinis, tertius adhibeatur. Cui sententiæ & nos plurimis tam autoritatibus quàm rationibus inducti, ad stipulamur, alteram suis autoribus opinionem relinquentes.

93. Calor fimi est, quando vase in fimo posito, materiamq; continente digestio fit. Hic calor multi usus est apud artifices in infundendis, digerendis, & putrefaciendis rebus. Adhibetur interdum finus equinus, in quo vas sepelitur, aliquando vas ligneum scæno vel stramine impletum, cui vapor effervente aqua applicatur, fimi in locum adhibetur.

94. Sequitur calor separans, cuius ope subtile à spisso abstrahitur. Estq; lenis aut fortis.

95. Lenis est calor separans lento calore humorem eliciendum propellens. Est autem ille vesicæ aut cinerum.

96. Vesicæ est calor lenis, quo ex materia vesicæ imposita, applicato alembico substantia humida prolicitur.

97. Cinerum calor est, quando partes fixiores per cineres eliciuntur. Hic medius est inter balnei & arenæ calorem: proinde illius ope non modò subtiliores, & ad naturam aqueitatis simplicis approximantes substantiæ propelluntur, sed etiam colores & fixiores partes eliciuntur.

98. Fortis calor est, quando igne intensiore & austiore res separantur. Estq; impeditus, aut liber.

99. Calor impeditus est, quando ignis à materia vel vase, ne illud proximè tangat, ab alio vase impeditur. Estq; arenæ, vel scobis ferri.

100. Arenæ calor, medius inter cinerum & scobis ferri est, quando vas materiam continens in catino arenario arenâ circumdatum substantiam fixiorem & tenaciorem, quam cineres propellere nequibant, protrudit. Ubi advertendum est, arenam subtilem non adeò violentum calorem præbere, quam grossam.

101. Scobis aut scoriæ ferri calor superiore intensior, & aperto vicinior est, quando ex scobe vel scoria ferri res propelluntur.

102. Calor liber est, qui proximè materiam, aut vas materiam continens tangit. Hoc calore proliciuntur, quæ contumaciùs liquorem emittunt, sive id fiat ob siccitatem & paucitatem, sive quòd ob viscositatem & homogeneitatem ille terreis partibus pertinaciùs adhæreat: taceo quòd calcinationi, fusioni, & aliis operationibus inserviat. Estq; carbonū vel flammarti.

103. Calor carbonum est, quando calor prunarum flagrantium materiam vel vas proximè tangit. Hujus usus est in fusionibus, cæmentationibus, probationibus, calcinationibus & dissolutionibus.

104. Calor flammæ est, quando adhibito conveniente alimento flammæ materiam attingunt. Hic calor vocatur ignis vivus, quo reverberantur & calcinantur omnium metallorum corpora, nec non spiritus tandem propelluntur.

105. Tandem ad mixtum calorem, qui tam digestionem quàm separationi inservit, descendendum est. Hic calor balneum appellatur, quando nimirum vas aquæ calidæ, aut vaporis imponitur.

106. Balneum aliud est maris, roris aliud.

107. Balneum maris vel Mariæ est, quando res dissolvenda in conveniente vase aquæ calidæ in suo atheno contentæ imponitur, inibiq; operatio perficitur.

108. Balneum roris est, quando vas aquam non tangit, sed à vapore ascendente calefit, resq; imposita dissolvitur.

109. Hactenus illa quæ operationi inserviunt pertractavimus: jam ad operationem ipsam ut progrediamur ordo exigit.

110. Partes itaq; operationis Chymicæ duæ sunt, solutio nimirum & coagulatio.

111. Solutio est prior Chymicæ pax eos pars, qua rerum coagularum compages solvitur & attenuatur. Estq; calcinatio & dissolutio.

112. Calcinatio est rerum coagularum in calcem solutio.

113. Calx in Chymica significatione est pulvis quilibet per ablationem superflue humiditatis in partes tenuissimas & quasi inpalpabiles comminutus.

114. Cal-

114. *Calcinatio est corrosionis, aut ignitionis.*

115. *Corrosio est calcinatio res coagulatas per corrosivos spiritus in calcem reducens. Estque vaporosa vel immerfiva.*

116. *Vaporosa corrosio est, quando corpora metallica in tenues laminas redacta per acrem corrodentemque fumum calcinantur. Sed diversi sunt vaporosae calcinationis modi. Aliquando enim corpora laminata super aquis fortibus, aliquando super aceto vel recrementis uvarum expressarum suspenduntur: aliquando, praesertim nobiliora metalla, plumbi fusi, vel argenti vivi afflatu fragilia redduntur & comminuuntur: aliquando alii, quos hic recensere singulos longum foret, modi adhibentur. Verbi gratia: Chalybem in crocum subtilem per vaporosam corrosionem redigere gestiens, ita procedo: Primum paro aquam fortem ex salis petrae & vitrioli ad albedinem calcinati partibus aequalibus, eamque in cucurbitam vitream fundo, post in cucurbitae superiore parte laminas chalybis suspendo, lutoque orificium vasis obduco, ne spiritus aquae fortis ullo modo exhalare queant, ac viginti quatuor horas in arena calida vaporare permitto. Deinde aperto vase laminas eximo, quibus crocus vel pulvis subtilissimus adhæret, quem lagopode detergo. Porro laminas iterum in dicto vase suspendo, & superiori modo procedo, idque tantisper, donec nullus crocus ulterius à spiritibus extrahitur, aut in laminis reperitur. Sic plumbum super aceto suspensum calcinatur in cerussam, sic cuprum super recrementis uvarum; atque ita reliqua metalla vaporibus corroduuntur.*

117. *Immerfiva corrosio est, quando corpora aliis rebus immersa in calcem rediguntur. Estque humida vel sicca.*

118. *Humida est, quando corpus liquori alicui corrosivo immergitur, indeque calcinatur: perficiturque amalgamatione, aut præcipitatione.*

119. Amalgamatio est calcinatio metalli per argentum vivum : & fit, quando metallum in tenues bractas vel laminas ductum, cum sex, novem, aut duodecim argenti vivi partibus commiscetur & coadunatur, ut fiat massa undiq; sui similis; atq; ita metallum discontinuatur & calcinatur. Argento enim vivo per evaporationem super igne lento ablato, metallum instar tenuis calcis relinquitur.

120. Præcipitatio est, quando corpora per aquas corrodentes corrosa, & in aquam soluta, vel aquæ corrodentis abstractione, vel alio encheremate in aliquam calcem reperiuntur. Sic argentum in aqua forti dissolutum eupro, sale communi, aut ammonico injecto, præcipitatur. Sic & aurum in aqua regia solutum, adhibito pauculo argenti vivo reperiuntur, cui si parum per florum sulphuris admixtum, idq; clauso vase ad ignem positum fuerit, ut argentum vivum & sulphur evaporare & discedere possint, calx subtilissima relinquetur. Simile iudicium & de aliis esto. Sed quò magis corpora dissolvuntur, tantò etiam magis subtiliusq; calcinantur.

121. Sicca corrosio est, quando corporibus calcinandis non humor, sed ejus in locum corrodentes materiae siccae adjunguntur, quibus calcinatur. Estq; cæmentum & commixtio.

122. Cæmentum est corrosio sicca, qua corpus aliquod metallicum cum salibus corrodentibus, aliisq; rebus exsiccantibus stratificatum confringitur & calcinatur. Fit autem cæmentatio hoc modo: Corpus cæmentandum in tenues laminas redigitur, & in frustula forcipe scinditur. species autem corrodentes pulverisantur, & aceto, urina, vel aqua forti madesunt, ut fiant instar pultriculæ (nonnulli illis siccis utuntur): Deinde hujus pultriculæ vel pulveris aliqua portio pyxidi cæmentatoriae inditur, illiq; lamina superponitur, & laminæ alia pulveris portio aspergitur (quod stratificatio, & facere stratum su-

perstratum dicitur) hanc alia lamina subsequitur, idq; tantisper donec pyxis impleta, aut nihil laminarum residuum est, & tandem pulvere superposito clauditur, lutoq; aliquo tenaci junctura pyxidis munita obturantur, atq; igni, vel (quod satius est) suo furno imponitur, & secundum gradus cæmētatur quatuor, sex, octo, duodecim, vel viginti quatuor horis, imò etiam aliquot diebus (pro re nata) inibi conservatur. Tandem pyxide infrigidata, eximitur, laminæq; à pulvere separantur, quæ totæ confractæ ac calcinatæ inveniuntur. Verbi gratia: Animus est præparare crocum Martis seu chalybis, idq; per cæmentationem, tunc accipio Calcis vivæ recentis, quantum opus est, eamque urinâ aliquantisper virili madefacio, ut fiat instar pulpæ. Postea hæc pulpa pyxidis cæmentatoriæ fundum ad digiti lati crassitudinem tego, eiq; laminas chalybis superaddo, & vas (uti superius dictum est) impleo, ac luto obfirmo. Omnibus rite paratis pyxidem in furno nostro cæmentatorio pono, ignemque tertii gradus ad quartum usq; viginti quatuor horis continuū administro. Tandem excipio vase materiâ in illo contentam in mortario probè contundo, & per setacium pello, ut fiat pulvis subtilissimus, ubi calcem à chalybe omnem calidâ abluo, residuumq; arefacio, & accipio crocum Martis præstantissimum. Eo modo fit & crocus Veneris, qui multis operationibus inservire potest.

123. Commixtio est, quando corpori calcinando species quædam, utpote sulphur, sal petræ, sal commune, vel aliæ commiscentur ac conteruntur, quibus igni ad moris corpus in calcem redigitur. Exemplo res clarius evadet: Sumo stibii, salis petræ, & salis communis partes analogas, easq; minutissimè tritas & commixtas in tigillo, optimo luto munito, ita tamen, ut in superficiæ medio aliquod foramen parvulum relinquatur, per quod arsenicales & venenati spiritus exhalare queant, in-
furnum

furnum venti pono, ignemq; fusorium accendo, & si libet fol-
lis etiam ministerium adhibeo, ut in tigillo sufficienter fluant.
Hic autem studio animadvertendum est, quamdiu fumus per
foramen illud in superficie relictum ascendat. Ille siquidem ad-
huc evaporans, materiam non satis calcinatam esse subindicat.
Sed quando omnes ejusmodi spiritus fumantes evanuerunt,
ignem propè ad vivum adaugeo ad quadrantein horæ, ac tan-
dem crucibulum eximo, in frigidatumq; aperio, nec non mate-
riam extraho, ubi antimonium in fundo à salibus sicuti regu-
lum à scoriiis, separatim invenio. Hoc antimonium à salibus
malleo aliquo detrunco, atq; in pulverem tero, qui instar cina-
brii rubicundissimus, & in remedicam nonnullis medicamentis
præstantissimis conficiendis accommodatissimus est. Atque ut
hic optimus, ita & celerrimus est antimonium calcinandi mo-
dus, cum quod intra dimidiæ horæ spacium perfici possit, tùm
quòd nihil salium secum retineat, sed à se protrudat.

124. Ignitio sequitur, quæ est calcinatio corpora ignis
violentia in calcem reducens. Estq; combustio & reverberatio.

125. Combustio est ignitio corpora comburendo in
calcem redigens. Hæc est incineratio vel vitrificatio.

126. Incineratio est ignitio corpora vehementiore igne
in cineres convertens. Incinerantur autem vegetabilia & ani-
malia: mineralia autem (Chymico more loquendo) propriè
non in cineres, sed in calcem redigi dicuntur.

127. Vitrificatio est combustio, calces & cineres in trans-
parens vitrum convertens. Esto exemplum ab argento vivo &
argento conjunctis. Capió oleum vitrioli rubeum secundum
artem factum & rectificatum, in hoc argentum vivum per sub-
limationem, aut per sal & acetum lotum & depuratum resol-
vo, idq; continuò in calore tandiu foveo, donec nullus omninò
mercurius neq; vivus neq; præcipitatus amplius apparet, sed
totus

totus in oleo formâ liquidâ latet. Quo factò oleum hoc mercurium continens in retortam vitream, & quantitati materiæ convenientem fundo, ponoq; in catino arenario, atq; accenso igne oleum à Mercurio in appositum vas recipiens propello. Atque ita mercurius per præcipationem in calcem erit redactus. Hujus præcipitati accipio uncias duas, calcis argenti, & salis armoniaci ana unciam unam, eaq; invicem trita & commixta, nec non in phiala posita ad sublimationem accommodo, ubi salarmoniacum ascendit, & Mercurius cum luna, etiam, servato pondere in fundo manent in modum auri purissimi. Postea in vitro forti aut crucibulo devitreato in furnum venti ad fluendum pono, adauctoq; igne in fixum transparensq; vitrum, quod de colore aureo ad pallidiorem descendisse videtur, abit. Vitrum hoc in finitarum virtutum est, quas singulas hoc loco recensere neque instituti, neque æquitatis est: sed demonstrato conficiendi modo, solerti Chymiatricæ indagatori committimus.

128. Reverberatio est ignitio, corpora igne vivo reverberante & percutiente in calcem subtiliorem reducens: & est clausa vel aperta.

129. Reverberatio clausa est, quando corpora reverberanda in furno reverberii clauso calcinantur. Hac reverberatione ignis gradus ad amissim administrari possunt, ut calor intendi remittiq; possit, quod in vulgaribus non accidit. Verbo hanc reverberationem aperiâ. Theophrastus Paracelsus in Chirurgiæ magnæ libro 2. tract. 3. cap. 5. ubi tincturæ antimonii, quam adeò commendat, præparationē docere gestit, modum ita obscurum & devium tradit, ut Oedipo aliquo ad illum intelligendum opus sit, quod & ipse ultrò fatetur. Hujus tincturæ præparationem experientia freti in medium producemus, nostramq; clausam reverberationem eâ declarabimus. Acci-

piuntur antimonii & salis armoniaci partes æquales, & in retorta posita, igne forti propelluntur; ibi antimonium omne transit, nec quicquam, nisi fæces turbulentæ in retortæ vase, remanet. Antimonium hoc modo per retortam dissolutum à sale armoniaco frequenti ablutione separo, ut dulce nulla falsedine infectum, relinquatur. Hoc exsiccatum minutissimè tero, & in alcohol converto, nostroq; reverberatorio impono, & accenso flammarum igne unum duntaxat fumarium aperio tantisper, donec nostrum antimonium, quod rubeum fuit, in albedinem convertatur. Quando album factum est, secundum fumarium aperio, quousq; ignis auctior albedinem ipsi exuat, & flavedine ipsum decoret. Amplius apparente flavedine, tertio fumario aperto ad citrinum colorem illud promoveo, atque quarto ad perfectam rubedinem perduco. Huic antimonio rubeo spiritum vini, ex vino factum affundo rectificatum, essentialiq; sive tincturam clauso vase extraho. Quando spiritus vini amplius non tingitur colore rubeo, eum à tinctura abstraho. Hæc vera est antimonii tinctura, cujus Theophrastus mentionem facit, præparatio.

130. Reverberatio aperta est, quando materia in reverberatorio furno omnibus foraminibus apertis calcinatur. Hæc reverberatio valdè vehemens est, & utimur ea in corporibus duris & pertinacibus resolvendis.

131. Hæc de calcinatione in præsentiarum dicta sufficiant: restat dissolutio, quando corpora dissolvuntur. Estq; subtiliatio vel fusio.

132. Subtiliatio est dissolutio, partes subtiliores à grossis separans. Subtiliatio est $\mu\kappa\epsilon\sigma\chi\epsilon\sigma\tau\iota\kappa\eta$ aut $\mu\alpha\kappa\epsilon\sigma\chi\epsilon\sigma\tau\iota\kappa\eta$.

133. Subtiliatio $\mu\kappa\epsilon\sigma\chi\epsilon\sigma\tau\iota\kappa\eta$ est, quando corpora brevi temporis spacio dissolvuntur. Estq; elevatio vel descensio.

134. Elevatio est subtiliatio $\mu\kappa\epsilon\sigma\chi\epsilon\sigma\tau\iota\kappa\eta$, quando partes spiri-

spirituales à corporeis, subtiles à grossis, non fixæ à fixis instar fumivignis eleuantur, & in summitate capitelli condensantur. Et est sicca aut humida.

135. Elevatio sicca (vulgò sublimatio) est, qua partes siccae subtiliores eleuantur, cum adhærentia sui vasis. Hęc sequente modo peragitur. Accipio materiam aliquam sublimandam, eamq; vel solam, vel aliis admixtam materiebus vasi alicui vitreo aut terreo inferius lato vel rotundo includo, ita ut duabus partibus vacuis tertia impleta sit. Vasi huic sive cucurbitæ alembicum cæcum in vertice parvo foramine perforatum impono, luto obduco, & ne spiritus aut partes sublimatæ exhalare possint, obfirmo. Deinde in catinum arenarium, tribus digitis à fundo & parietibus intercedente arenâ, vel in ignem liberum pono, caloremq; per gradus augeo. Primo autem gradu omnis humiditas abeat, necesse est, quod impositâ vitro laminâ aliquâ ferreâ lavigata faciliè exploro. Cum enim humiditas aliqua adhuc residua est, laminæ illa adhæret, sed quando omnis humiditas discessit, spiritus sicci ascendunt, & tunc alembici foramen, superstrato aliquo vitro adæquato luto bono, ne spiritus expirent, claudio. Tandem ignē tantisper foveo, donec omnis materia sublimanda elevata est. Nonnulli loco cucurbitæ seu tellæ vel conchæ aliquâ terreâ materiam continente, cum vitreo cono, parietibus vasis inferioris ritè accommodato, utuntur, verbi gratia: Accipio sulphuris citrini optimè purgati libras duas, salis communis, & vitrioli Ungarici parum calcinati ana libram semis, pulverisata singula, & invicem mixta pono in cucurbitam, impositoq; alembico cæco in vertice perforato, accendo ignē primi gradus, donec humiditas evanuit, tum clauso orificio gradatim procedo, quousque omne sulphur subtilius ascendit. Hoc sulphur (flores sulphuris à Chymicis dictum) ex alembico exemptum, secunda vel etiam tertia vice, semper ad-

dendo quartam partem salis, & vitrioli per sublimationem redintegratam rectifico, & accipio flores sulphuris pulcherrimos, pluribusq; affectibus resistentes.

136. Elevatio humida (vulgò communiori nomine destillatio dicta) est partium humidarū in halitus extenuatarum, à siccis & grossis subtiliatio. Estq; recta vel obliqua.

137. Recta est, qua partes humidae subtiliores in æthera elevatae, & frigidis alembici cameris adhaerentes in humorem condensantur, atque per ejusdem canalem guttatim in appositum vas destillant ac dilabuntur. Fit autem illa hoc pacto: Materia destillanda inditur cucurbitae non nimis altae, sed satis amplae (altitudo enim vasis artificem detinet, quem amplitudo juvat) & imponitur alembicus magnus, qui spiritus ascendentes facilius capiat, & in humorē resolvat. Postea pro ratione rei elevandae ad calorem adaequatum ponitur, apposito receptaculo humorem dilabentem accipiente, omnibusq; juncturis probè clausis ignis accensus secundum gradus adhibetur eò usque, quò omnis humiditas alembicum transcenderit. Exemplum à vegetabilibus desumptum producemus. Rosis recentibus impleo cucurbitam ad tertiam partem, illamq; in balneo maris pono, aquā adhuc frigidā; postea alembicum rosarum, rubearum foliis, quibus aculei lutei decerpti sunt, compleo, cucurbitaeq; impono, & apposito receptaculo, juncturisq; lutatis ignem accendo. Tunc humor ascendens alembicum occupat, atq; ex rosis tincturam extrahit, condensatusq; in aqua in receptaculum destillat roseus. Animadvertendum autem est, quòd si aculei non decerperentur, aquam tincturā purè rubeam extrahere non posse. Tamdiu verò cōtinuato calore pergo, donec nulla aqua transcendat amplius, & rosae in alembico albescant. Hoc adduxi propter artificium tincturam ex rosis, sua ipsius aqua, extrahendi. Hic elevationis modus admodum frequentis
usus.

usus est. Utimur enim illo, quando aliquid per vesicam elici-
mus, tum etiam cum per alembicum cucurbitæ annexum ali-
quid elevamus.

138. Elevatio humida obliqua est, quando vase obliquè
jacente humor elevatur. Fit autem hoc vel per latus, vel per re-
tortam.

139. Elevatio per latus est, quando humor ex vase in latus
inclinato prolicitur.

140. Elevatio per retortam est, quando humor ex retor-
ta propellitur. Uterq; hic modus in rebus graviores & tenacio-
res spiritus referentibus usum suum habet.

141. Descensio sequitur, quando partes subtiliores de-
scendunt. Illa est calida vel frigida.

142. Descensio calida (vulgò destillatio per descensum)
est liquoris è corporibus dissoluti in verso vase destillatio. Dis-
solvuntur autem inprimis hac descensione omnis generis li-
gna, ossa, & alia, quorum liquor propter gravitatem ascendere
nequit. Et fit hoc modo: Accipio cucurbitam terream, eiq; dis-
solvendorum fragmenta impono, eaq; ne inversâ cucurbita
decidant, nonnulli majoribus fragmentis vel bacillis transver-
sè juxta se positis tego. His peractis, aliam cucurbitam, in qua
parum aquæ sit, huic inversè applico, ita ut superior exactè cum
inferioris orificio conveniat, sed inter utramq; laminâ aliquam
satis fortem ferream instar lancis concavam & perforatam col-
locatam esse decet, quæ decidentia fragmenta, nec in supposi-
tum vas dilabantur, detineat. Tandem optimo luto clausuras
obfirmatas arefacio, vasq; in sua fornace pono, & vas recipiens
in arena vel cineribus colloco, ut ab ignis violentia tutum hu-
morem depressum eò faciliùs recipiat.

143. Descensio frigida est, quando liquor dissolutus in-
frigido descendit. Estq; deliquium vel filtratio.

144. Deliquium est descensio frigida, quando corpora coagulata cellæ, aëri, puteo aut alii frigido & humido loco super marmore, tabula vitrea, vel in manicam Hippocratis (ut vocant) exposita, externæ humiditatis hisce corporibus sese adiungentis adiuvamine, in liquorē resolvuntur, & in subiectum vas defluunt atq; destillant. Resolvuntur autem in frigido potissimum pulveres calcinati, salia & ejusmodi alia corpora salium naturam redolentia. Sed omnia, quæ in frigido resolvuntur, in calido rursus coagulantur.

145. Filtratio est descensio frigida humores aquosos per filtrum, seu chartam bibulam convolutam vel complicatam in modum infundibuli, relictis in filtro facibus dimittens. Sed pro filtro etiam alia adhibentur, utpote manica Hippocratis, pannus laneus, lineus, seraceus, &c.

146. Hæc fuit subtiliatio *μακροχρυσία*: *μακροχρυσία* est, quæ tempore longiore res dissolvit. Estq; exaltatio & digestio.

147. Exaltatio est subtiliatio *μακροχρυσία* res sensim dissolvendo in puriorem ac majorem virtutis suæ gradum transponens: & fit circulatione aut ablutione.

148. Circulatio est exaltatio res exaltandas in vase circulatorio circumvolutas, abjectis impuritatibus (quæ alioqui à puro separari nequibant) in gradum præstantiorem convertens. Et fit ita: Accipio rem exaltandam, ponoq; in vase circulatorio, idq; Hermetice claudio, ac in arena vel balneo colloco, & eò usq; in eo detineo, donec meram suam affecuta est, verbi gratia: Multum operæ & studii in vera spiritus vini extractione impenditur, ut ille sine omni phlegmate haberi possit. Quotiescunq; enim elevatus fuerit, semper aliquid phlegmatis secum, ducit. Proinde circulationis modum hujus exemplo demonstrabimus. Sumitur vinum generosissimum, quod ad manum esse potest, illudq; in capaci circulatorio funditur, sigillatoque

orifi.

orificio in balneo maris ad quatuordecim dies ponitur, ut continuè aqua ferveat. Postea eximitur, & in phialam funditur, calidumq; hyemis tempore in frigida nivali aqua, apposito & agglutinato alembico cum receptaculo, æstate autem in cella, vali conchas glaciales cōtinenti imponitur, & spiritus purus, atq; ab omni phlegmate liber alembicum transcendet, & in receptaculum dilabetur. Quando nihil amplius ascendit, receptaculum amovetur, phialaq; eximitur cum viño, quod nullum, verum spiritum, sed tantum vinum adustum (ut vocat Theophrastus Paracelsus) continet. Spiritus hic vini adhuc in circulatorio positus, tamdiu rotatur, donec amplius de vitro in vitrum fundi nequit, sed per destillationem seu humidam elevationem promovendus est. Quando autem materia, in quam agere debet, receptaculo imponitur, facile illam amplectitur, & fugam relinquit. Modus hic albo calculo (ut ajunt) notandus est.

149. Ablutio est exaltatio crebris infusionibus res immundas ablucens, & ad puritatem reducens. Estq; imbibitio & cohobatio.

150. Imbibitio est ablutio, quando liquor corpori adjunctus elevatur, & exitum non inveniens in corpus recidit, idque crebris humectationibus tantisper abluit, donec cum illo puro coagulatus, amplius ascendere nequit, sed totus fixus manet. Hac planè philosophica est operatio, nec ad vulgares sese dimittit.

151. Hinc oritur Ceratio, quam Geber. i. Summæ Perfectionis c. 34. definit, esse mollificationem rei duræ vel succi non fusibilis ad liquefactionem. Dicitur autem hic modus ceratio, quòd medicinam philosophicam instar ceræ igni admotæ facile liquecentem reddat. Quando enim philosophi argentum vivum in aurum aut argentum convertere volunt, necesse est,

ut

ut habeant medicinam fluentem, quæ subito (ut Gebri verbis utar) ante fugam ejus in profundo illi adhæreat, ipsiq; per minima conjungatur, & illud inspisset, atq; sua fixatione in igni conservet, quo usque adveniat illi majoris ignis tolerantia, ejus humiditatem consumentis, & convertat illud per hoc artificium, in momento in Solificum & Lunificum verum, secundum illud ad quod medicina fuerit preparata. Fit autē Ceratio, quando corpus siccum & durum suo humore, reiterata frequenti imbibitione, perfunditur. Signum perfectæ cerationis nobis Arnoldus in 2. magni Rosarii c. 27. describit, si videlicet super laminam ignitam medicina projecta velocissimè sicut cera sine fumo se resolverit. Sed illam philosophis committo.

152. Cohobatio est liquoris corpori sæpius affusi frequens abstractio. Unde cohobare, vel per cohob affundere dicimus. Hæc de exaltatione.

153. Sequitur digestio, quæ est subtiliatio *μαλ' ἔστιν* res crudas in calore digestivo dissolvens. Estq; putrefactio ve extractio.

154. Putrefactio est digestio, substantiam rei ex vaporum retentione, calidiq; externi accessione, ad rem præstantiorem, generandam dissolvens. Est autem putrefactioni proprium, veterem naturam rerum cōsumere, novam introducere, & nonnunquam producere fructum alterius generationis. Spiritus etiam corrosivi per eam dulcescunt atq; mitescunt, omnes colores in alios immutantur, item purum ab impuro (impuro subsidente deorsum) separatur. Fit verò quando materiâ in vase collocata, vas in fimum ponitur, fimiq; calor ad tempus præfixum conservatur. Satiùs autem est vas in balneum roris collocari.

155. Extractio est digestio è corporea concretione partes subtiliores ac puriores ab affuso aliquo mēstruo apprehensas,

fas, relictis facibus, dissolvens. Verbi gratia: Sumo Rhabarbari quantum volo, illique pulverisato tantum spiritus vini infundo, ut quatuor digitis illi supernatet, clausoq; vase per quatrimum, ad digestionem in balneum colloco, postea aperto vase per inclinationem spiritum calorum à radice separo, affusoq; alio spiritu vas clausum rursus ad digestionem pono, idque tantisper, donec spiritus non amplius coloratur. Tunc enim omnis tinctura & essentia è Rhabarbara extracta est. Porro confusis omnibus extractionibus, spiritum in balneo Mariæ abstraho, residuamque essentiam in vitreo vase ad usum refervo, quæ in evacuanda bile & aliis affectibus plurimum potest.

156. Eucleata subtiliatione, ad liquefactionem tendimus, quæ est corporis mineralis vi ignis majoris dissolutio. Estque simplex vel probatoria.

157. Liquefactio simplex est, quando corpus nullum aliud in finem, quam ut fundatur, liquefit.

158. Liquefactio probatoria est, quando corpus liquidum probatur, imperfectumq; à perfecto separatur; idque per cineritium, aut per antimonium.

159. Probatio per cineritium est quando metallum per plumbum fulminatur & probatur. Sumitur itaque catillus cinereus, & sub tegulam fornitatam in furno probatorio collocatur, quo carbonibus ad summum impleto, prunis quibusdam vivis in capite ignis accenditur, & continuatur. Ut autem eò celerius catillus candesciat (antea enim metallum non est imponendum) orificia & respiracula aperta sint. Postquam igitur interposita hora una atque altera probè incanduerit, imponatur portio, ad rationem materiæ probandæ proportionata plumbi, eaq; sensim: qua liquefacta metallum imponitur, & pro renata omnia orificia clauduntur, ignisq; artificiosè regitur. Hoc regimen necesse est ab experienti demonstrari ad oculum.

Variatenim pro materiæ ratione. Ita tandem fiet, ut cum plumbo metalla imperfecta exurantur, atque in fumum abeant, scoriamque ad extrema propellant, relictis metallis perfectis solis in medio catilli. Si autem fortassis contigerit, ut plumbum cum metallo probando indurescat, neque igne ad fluxum permoveri possit, paululum antimonii in cochleari additur, & in momento in pristinum statum redibit. Hoc arcanum artifices docimastici pro secreto magno habent. Tandem forpice exempto catillo metallum adhuc calidum cultello separatur.

160. Sequitur fusio per antimonium, qua verum aurum non modò à metallis imperfectis, sed etiam ab ipso argento separamus, & fit hoc modo. Accipio aurum aliis metallis mixtum, ipsique tres partes antimonii pulverisati commisceo, & in crucibulo igni contumaci in furnum ventosum pono. Postea iuvante (si placet) folle probè liquefactum, in pyramidem calefactam sevoque illitam transfundo, ubi labris malleo concussis regulus aurum continens in apice residet, quem malleo detrunco. Antimonium porrò residuum rursus in tigillo igni ad tertiam etiam vicem impono, & prædicto modo procedo, ut omne aurum ex antimonio protrudatur. Tandem regulos hosce singulos in catillo terreo propè follem pono, carbonibusque superpositis in modum fornicis ignem accendo, tandemque flammam superinduco, quousque omni antimonio evaporato aurum purum putumque residet, quod statim coagulatur.

161. Haftenus solutio fuit; sequitur coagulatio.

162. Est autem coagulatio secunda pars chymicæ, res liquorosas & molles ad solidam massam per humiditatis privationem reducens. Estque frigida vel calida.

163. Coagulatio frigida est quando res in calidore soluta in frigido coagulantur.

164. Coa-

164. Coagulatio calida est quando calore conveniente res dissoluta coagulantur.

165. Ad coagulationem refertur fermentatio, sicuti & fixatio.


166. Fermentatio est fermenti cum re fermentanda incorporatio. Dicitur autem fermentum à simili. Sicuti enim parum fermenti pastae multam farinam in suam naturam & pastam convertere potest; ita etiam fermentum chymicum fermentandum, cui adjunctum est, sibi assimilatur. Quale itaque fermentum, tale & fermentatum. Intelligunt autem philosophi per fermentum verum corpus & veram materiam, quae proprio suo mercurio conjuncta, illam in suam naturam convertit. Deinde etiam lapidem ipsum volunt esse fermentum corporis perfecti. Cum enim lapis adeo subtilis sit (ut philosophi asserunt) ut super corpus imperfectum projectum in modum olei supernatet, neque cum illo permisceatur, opus est corpore aliquo primam illius affinitatem redolente, quod illum recipiat, atque in alia corpora introducat. Nam, quamprimum corpus illud lapide infectum & fermentatum est, statim in tincturam abit. Sed de his passim consulendi sunt philosophi.

167. Fixatio, est rei ignem fugientis, ut eum amplius non fugiat, sed in eo fixa permaneat, per ignem assuefactio, sive ea fiat per calcinationem, sive per decoctionem lentam & diuturnam, sive per crebram sublimationem, sive per crebro reiteratam solutionem & coagulationem, sive tandem per rei fixae additionem perficiatur.

168. Haec sunt, quae hoc tempore in medium producere volumus. Hic enim omnes operationes Chymiae necessariae sa-

rité satis superq; sunt enucleatę, nec quicquam restat, quod non abundè sit declaratum. Sed opus est ut manualis operatio accedat, sine qua nihil solidi, nihil perfecti Chymia polliceri potest. Tantum nimirum situm est in laboriosa exercitatione.

Deo Ter Optimo Maximo sit laus & gloria in æternum.



VIII. DISPUTATIO.

CONTRADICTIONES APPARENTES QUATUOR, in quibus precipue utriusq; Medicina, Dogmatica nempe, & Hermetica hypothesēs, & rationes breviter recensentur, excutuntur, & conciliantur.

AUTORE

M. HENRICO PETRÆO SCHMALCALDENSI

Hellō, Medicinæ in almâ Mauritianâ P. P. Ord.

ENANTIOΦANΕΣ I. ΤΙΤΕΙΝΟΝ.

MEDICI. *Vitæ termini arte medicâ possunt prorogari.*

THEOLOGI. *Vitæ termini arte medicâ non possunt prorogari.*

PROBATIO THESEOS.

I. **Q**uod potest causas sanitatis, & vitæ productrices, & conservatrices procurare, & validiores reddere: causas verò corrumpentes declinare & propulsare, illud ipsum eo ipso vitam producere, mortemq; differre potest. Medicina hoc potest. E. vitæ terminos prorogare potest. Minor probatur particulatim. 2. Principia vitam procreantia, & conservantia sunt caloris nativi humido radicali suffulti ubertas, & bonitas: & eucrasia, bona temperies, seu qualitatum agentium, & patientium symmetria. Utrumq; conservat Medicina. E. 3. Humidum primigenium restaurat alimentis boni, multiq; nutrimenti, nec simile tantum reponit, sed idem; destructorem mi-
crocosini


crocosmi inhihet, quò minùs, absumto vitali sulphure pabulo suo, & glutine, animal ad siccitatem, & frigiditatem deducat, inq; senium, & mortem præcipitet: calorem vicillantem balsami interni, seu liquoris salis interioris, seu mumia corpus à putrefactione præservantis balsamicis medicamentis è macrocosmo petitis, calorem Solis, & Lunæ participantibus in integrum restituit, imò auctiorem, & vegetiorem reddit: atque ita teste Gal. 1. de san. tuendâ vigorem, hoc est, juventæ, seu florentis ætatis tenorem quàm diutissimè conservat. 4. Medicina omnes omnium morborum, mortisq; causas potest præcavere, avertere, & propulsare. Causæ, ob quas morimur, sunt interiores, quæ naturalem: & exteriores, quæ sæpè violentam mortem inferunt. Utrarumque injurias ars Medica declinat. E. 5. Causæ intestinæ fatalis nostri interitus propinquæ tres sunt: ^{1.} naturalis siccitas, & frigiditas, quæ contingit humoris radicalis depaustione, & caloris innati exolutione. ^{2.} triplicis substantiæ, ex quâ constamus, partium, humorum, & spirituum indefinens effluvium. ^{3.} τῶν πικρῶν ὑμᾶτων, sive excrementorum necessarius proventus. Omnium horum, & singulorum actum, progressum, & violentiam præpedire, retardare, & abarcere potest ars tuendæ bonæ valetudinis. 6. Naturali siccitati, & frigiditati resistere potest alimentis, & medicamentis leniter humectantibus, & calefacientibus, vino, quiete, somno, balneis, &c. 7. Præstat enim majus, ac difficilius: temperamentum frigidum & siccum in calidum, & humidum convertit, senectutem differt, tabem, & marasimum regeneratione philosophicâ curat. 8. Triplicis substantiæ jacturam refarcit, quod partibus decessit, cibo, quod humoribus, potu, quod spiritibus, salubris aëris inspiratione, & arteriarum perspiratione, nec non odoribus, & spiritibus homogeneis reparat. Major quippe mundus minorem, ceu filium ex se, & juxta se con-

ditum, omniaq; patris bona, & dona possidentem sustinet, alit, perfanat. 9. Recrementorum verò abundantiam alimentis euehyinis, eupeptis, minimumque excrementitiis prohibet. Quod si spagyrius internus spiritibus mechanicis invalidis impuritates altioribus radicibus adhærescentes prorsus separare, & per emunctoria expellere nequit, potest ignis digestionis excitari, & succendi, possunt feces eccoproticis, vel catharëticis cuiuslibet humori destinatis exturbari, superfluitates frictionibus, exercitiis, inediis absumi. 10. Externæ causæ vitæ infestæ sunt vel evitabiles, ut vulnus, casus, ictus, morsus, ferarum occurfus, & alia infinita, de quibus evitandis ars certa constitui nequit, non autem sunt necessariæ, & ubi acciderunt, arte pertractantur: vel sunt inevitabiles, & ad vitam necessariæ, ea quæ vel assumenda sunt, ut aër inspiratus, cibus, potus, medicamenta: vel admovenda, ut aër ambiens, topica, balnea: vel facienda, motus, & quies, somnus, & vigilia, animi pathemata: vel educenda, sive excreta, & retenta, inter quæ Venus. Vocantur res non naturales, quando enim modum excefferint, sanitatem affligunt, in mediocritate persistentes conservant. Docet igitur *ὁ γένειον* moderamine sex rerum indifferentium sanum vitæ statum quam longissimè conservare. 11. *Θίεγταιν* verò morborum omnium infestissimorum vitæ hostium insultus propulset, sive id fiat viâ universali, seu tinctura philosophicâ, quæ omnes omnium morborum languores aufert, sive viâ particulari per universalia emunctoria, & remedia appropriata seu specifica. Sic Epilepsiam curat per leonem viridem, podagram per fugitivum, hydropem per alcahest, lepram per alfabax. Si summè exaltatos, & cardinales, etiam inferiores; Nulla enim est remediorum penuria, sed nostra turpis eorum ignorantia. 12. Siquidem Deus, qui Medicum, & medium, seu medicinam in sui honorem creavit, & ob id pro-

id propter necessitatem honorari postulat, nullum iusto suo iudicio peccatoribus imposuit morbum, quin eidem misericordiâ suâ opposuerit remedium. *ἰατρὶς γὰρ ἀπὸ τοῦ θεοῦ.* & medicamenta auxiliares Dei manus sunt, baculus vitæ, & pars panis quotidiani. 13. Sed assertionem nostram *ἀναμνηστὴς ἑμῶν* reddit communis experiëntia. Nullâ calamitate, vel æumnâ premetur, qui vitæ fundamentū jecerit temperantiâ. Una enim temperantia totius est jucundæ, salubrisq; vitæ moderatrix. Contrâ intemperantia morborum mater, Medicorum nutrix. Qui enim gulæ, ac voluptatibus vitæ pestibus indulgēt, gravissimis morbis implicantur (quod Galenus in se ipso adhuc juvene expertus est, atq; utinam nō pleriq; experiremur magno nostro damno) vel citò è medio sublati naturalem terminum non attingunt. Nullum enim dubiū est, quin plures crapulâ, ac luxu, quàm naturali morte pereant, in iō vix ullus naturæ debitum, quomodo, & quando debet, exolvit. Sic veluti *ἀνθρώποις* nosmetipsos occidimus, & quam benigna parens natura fatis longam ad benè agendum dedit vitam, brevissimā facimus. 14. Ita multos videre est temperatissimos ob intemperantiā *οὐκ ἐλαφρῶς* interire. Contra Heroticus valetudinarius in centesimum annum admipiculo artis vitam extēdit. Senes, & mulieres, licet infirmiores sint pueris, abstinentiâ suâ paucioribus morbis cōflictantur. 15. Helvones nōnulli vivendi regulas ad unco naso suspendentes ad multos annos perveniunt, sed id bonitati naturæ ascribendum est, quā si sequeretur ducem ad longè plures sine molestiis & morbis pervenirent. Rustici diætam fusq; deq; habentes vivacissimi ut plurimum sunt, sed inscii ipsi summa diætæ præcepta observant, genio non indulgent, nec variis cibis implentur (quot enim fercula, tot morbi) & impigri sunt ad laborandum. 16. Patriarchæ olim præter singularem Dei benedictionem & revelationem, frugalitate ac noticia arcanorum medicinarum

(quæ

(quæ etiam brutis nonnullis revelavit natura) tot annorum centurias suaviter, & salubriter exegêrunt, maximè cum omnia exordiis suis viciniora essent puriora nondum mutuis elementorum transmutationibus confusa. Et credibile est eos magisterii illius magni & admirandi possessores fuisse, quod Adamum in familiâ suâ habuisse testatur Lactantius. 17. Artephius ope sapientiæ suæ mille annos vixisse scribitur, vel ut alii volunt, primo mundi seculo. Usus verò fuit creberrimè post essentiam auri tincturâ ferri in morbis extremis, & deploratis, & laudano, quod secretum suum singulare vocavit. 18. In Floridâ, seu Taprobanâ, hodie Summatrà, & Arabiæ felicitis urbe Reamâ, nec non Onorinsulâ homines ob regionis temperiem, & cœli perpetuam clementiam sanissimi sunt, & μακροβιῶται evadunt, testibus Lud. Romano, & Vesputio in navig. De Cyrenis Corsicæ incolis melle victitantibus, de Æthiopibus, Seribus, & qui in monte Atho Achrotum oppidum incolunt, admodum longævis, vid. Plin. & Solin. Ægyptii nullas aëris injurias sentiunt, hinc quando malè habent, triduanis jejuniis se curant. 19. Pollio Romanus centesimum annum jam excedens, Augusto percontanti, quibus præsidiis tantum animi, & corporis robur ad tantam senectutem custodisset? respondit: intus mulso, foris oleo. 20. Democritus consilium sanitatis tuendæ rogatus, interna melle, externa oleo rigare jussit. Idem ne Thesmophoria funere suo contristaret, odore mellis (alii panum calentium) dies aliquot vitam sibi protraxisse dicitur. Sed obruimur exemplorum multitudinem, nec ubi rerum quotidiana adsunt testimonia, multis verbis, & operosis probationibus opus est. Concludimus igitur: *Vita humana terminos artis Medicæ subsidiis produci posse.*





CONFIRMATIO ANTITHESEOS.

1. **V**itæ humanæ terminos nullo ingenio, nullâ industrâ produci posse, statuunt Theologi. Ipsorum fundamentum hoc est: Cujus rei fixi, & statim sunt termini, illius rei termini nullâ arte possunt produci. Vitæ humanæ statim & definiti sunt termini. E. Assumptum stabilitur oraculis sacre Scripturæ, & legibus naturæ. 2. Statutum est omni homini semel mori, dicit scriptura, vox veritatis: quocunque die comederis ex arbore scientiæ boni, & mali, morte morieris, & subtrahetur tibi lignum vitæ, ne vivas in sempiternum. Jam verò homo relapsus est à Monade ad binarium, à Deo ad seipsum, & nihilum suum. Stipendium autem peccati mors est. Justitiæ divinæ decretum immutabile, & ἀμεταμέλητον est. Ego Dominus, & non mutor. Quod agnoscit patiens Jobus c. 14. Breves dies hominis sunt, numerus mensium ejus apud te est, constituisti terminos ejus, qui præteriri non poterunt. 3. Vita Dei donum est, ut Plutarchus etiam fatetur, & depositum seu talentum hominum usuræ commissum, quod deputato puncto reposcit. Si itaq; vitæ largiter vitam à se datam certis spatiis limitavit, & propriis cancellis inclusit, quis illos dilatare, quis mutuum detinere ausit? 4. Naturæ verò prædefinitæ leges, περὶ φύσιν Hipp. ἐν μαθήσει Stoic. inviolabiles sunt, omniaque ejus opera necessarium ordinem, tempus, mensuram, & numerum adepta evitare nullâ artis ope possunt, astruente id ipsum Gal. lib. de marasmo. 5. Moriendi porro naturalem necessitatem manifesta evincunt argumenta desumpta partim ab efficientibus, partim à materialibus principiis. 6. Efficiens duplex est, remotum, sive universale, & propinquum, sive particulare. 7. Efficiens remotum est cælum, in quo Deus duos continuos, & oppositos motus ab ortu ad occasum, & ab occasu ad ortum posuit, & partibus discrepantibus

discrepantes motus indidit, unde ad consimilem positum haud unquam redeant, cum in finem, ut revolutione cœlestium corporum per *zodiacum* & *stellas* elementorum perpetua rerum circulario, & generationis, & corruptionis vicissitudo existeret.

8. Quicquid igitur in mundo hoc sublanari existit propter duplicis istius, & oppositi motus impressiones, variis mutationibus obnoxium est. Nam ut sæpè Platonem legentibus occurrit, & Metaph. scitum est, *tautos* conservationis, & perpetuationis, *inertes* seditionis, & destructionis causa est.

9. Efficiens propinquum sive conjunctum est internum, vel externum. Internum est calor natus actionum omnium, quarum unio & communio vita dicitur, fons, & origo. Qui cùm agens sit physicum virtutis finitè in agendo repatitur, longoq; usu atteritur, & languescit, atque ex alimentis impuritate scatentibus in locum deperdiri minus, & deterius, ac siccis, proq; aëreo aequum sufficit, tandemq; prorsus marcescit. Adde, quòd refrigerio privatus (ossibus enim, & cartilaginibus senio sicciscentibus, partibusq; concidentibus thorax liberè moveri nequit) suffocatur, & extinguitur. Sic hostem in sinu fovemus, & nascentes incipimus mori, imò singulis momentis, cùm vita sit in perpetuo fluxu, mors est ultima clausula, & terminus ad quem, meritoque à Biante risus fuit, qui mortem ultrò venientem invocaret.

10. Externa efficientia sicut, quæ amicâ familiaritate vitam nostram defendunt, vel inimicâ qualitate, quantitate, vel modo eandem offendunt, in quorum delectu & usu plurimum inest difficultatis. Vix enim aëre spirituum, potu humorum, cibo partium effluxum redintegrabimus, cùm hæc sint naturæ opera, quâ fatifcente, irita sunt omnia. Aëris, verbi gratia, quem singulis momentis haurimus in intimos cordis recessus tanta est substantiæ & qualitatum permutatio, ut nullis viribus omnia ejus incommoda averti & corrigi possint.

11. Materia rursus est prima, & secunda.


secunda. Materia prima, ex quâ omnia constant, adjunctam sibi habens privationem, principium est *αρχή τοῦδε*, subiectum, & causa omnis transmutationis. 12. Materia secunda sunt elementa contrariis instructa qualitatibus invicem agentibus, & patientibus, ex quarum exuperantiâ vel deficientiâ oritur mixti dissolutio, destructis, quæ contrariorum invicem pugnantium actiones sustinent, substantiis. Quicquid igitur ex elementis est compositum, in eadem resolvitur. 13. Atq; ita non experientiâ solum, sed irrefragabilibus argumentis ostendimus hominem aeternæ legis immutabili decreto, & naturæ necessitate mori. Concludimus igitur: *Vita humana terminos beneficio artis. Amedice promo veri minime posse.*

CONCILIATIO.

1. **U**Traq; propositio vera est, nec verè contradicunt. Non enim iidem utrobiq; termini, & mortes eodem respectu & modo intelliguntur. 2. Sunt enim termini quidam hyperphysici à Deo, cui omnia sua opera notâ sunt, & capilli capitis nostri denuerati cuilibet homini, imò minutissimis animalculis, & creatis omnibus præstituti, quos transferre, aut procrastinare simpliciter impossibile est. Divina namq; providentia, quæ universaliter non solum genera singulorum, sed etiam singula generum concernit, falli & mutari non potest. Id quod Theologis libenter concedunt Medici, ut Nic. Florentinus, & Petrus de Apono Conciliator abundè testatum faciunt. 3. Sunt alii termini naturales præfixi à naturâ tam universali, quam particulari, & domesticâ semini insitâ pro cuiusque temperamento, corporis structura, & principiis vitæ firmioribus vel infirmioribus discrepantes, in quibus ut abrumpendis libido voluntatis humanæ, ita dilatandis & propagandis artis prudentia plurimum valet. 4. Sunt etiam termini accidentarii,

seu decurtati, quos abbreviatos vocat Avic. qui tamen divinâ
 providentiâ, quæ fortunam omnem excludit, & quandoq; hu-
 mano arbitrio reguntur. 5. Atq; ita thesis loquitur de termi-
 nis vitæ naturalibus, & mortem considerat philosophicè, con-
 sumptionem illam humidi & calidi primigenii. Antithesis intel-
 ligendâ est de supernaturalibus, & mortem accipit theologicè
 pro fatali illo termino, qui est poena peccati. Illi termini possunt
 breviores vel longiores reddi, hi verò immoti perstant. 6. Huc
 facit illud Paracelsi effatum: mors ex Iliadi resolutione per in-
 dustriam Medici impediri potest, at illa quæ exente, minimè.
 7. Necessariò igitur moritur homo respectu divinæ voluntatis,
 quæ tamen necessitas non est omni modo absoluta, multò mi-
 nus coactionis, sed immutabilitatis, & consequentiæ. 8. Necessariò
 item aliquando moritur necessitate physicâ, non autem
 determinatè. Mors enim certa, hora verò incerta est. 9. Con-
 tingenter idem moritur respectu causarum secundarum. Pri-
 ma enim causâ secundarum in agendo libertatem neutiquam
 tollit, Deiq; prævisio non separat media à fine, sed cum mediis
 vitæ & mortis est connexa. 10. Sic Regem Judæ Ezechiam
 lethali morbo liberat, & vitam ad quindecim annos prolongat,
 nihilò tamen minùs imponi mandat buboni pestilenti empla-
 strum ex ficibus maturativum. 11. Sic ipse Salvator ægros ad
 convalescendum Medico indigere asserit. Mediis igitur uten-
 dum, sed non nitendum, quod in Aza rege culpat sacra pagina.
 12. Cœlum etiam licet motu, lumine, & influxu hæc inferiora
 moveat, voluntatem tamen hominis, quæ sui juris est, non cogit,
 & quantumvis inclinet, tamen non necessitat. 13. Obstat
 quinetiam materiæ hypothetica necessitas, quia cœlestia non
 agunt, nisi adsit materia capax, à quâ variè determinantur astro-
 rum impressiones. 14. Præterea qui in specie unicuique ani-
 manti statutus est vitæ terminus, præteriri non potest, in indi-
 viduis

viduis tamen & singulis potest seorsim ob varia temperamēta, & variam vitæ rationem, maximè terminus propriæ corruptionis. Sic differri potest mors, quæ vi morborum, non quæ spontè naturæ accidit, & nemo nisi cum fato, & suo die, fatq; senex moritur. 15. Atq; hac ratione fatum, quod oraculo olim responsum fuit, retardari, sed non impediri potest. Verùm ipsi disquisitioni nonnulla dubia relinquenda sunt, ne tela antepugnam extorsisse videamur.



ENANTIOΦANΕΣ ΙΛ. ΦΤΣΙΟΛΟΓΙΚΟΝ.

GALENICI. *Omnia mixta constant ex quatuor elementis suis qualitatibus instructis.*

PARACELSICI. *Omnia mixta constant ex tribus principiis suis potestatibus instructis.*

EVOLUTIO ELEMENTORUM.

1. **S** est generatio, & corruptio, necessariò danda sunt elementa. Atqui est. E. 2. Assumptum *παρεχέν*, & sensibus obviū. Connexum probatur. In omni transmutatione requiritur subiectum in quo, & ex quo. Ex nihilo enim nihil fit, & in nihilum nihil corrumpitur, sed unius corruptio connexam sibi habet alterius generationem. Requiritur etiam contrarietas. Omnis enim actio est à contrario, & in contrarium. 3. Jam verò materiam præbent corporibus mistis corpora illa simplicia, quæ ob id elementa dicuntur, quibus substernitur communis illa materia prima, subiectum omnis mutationis primum. 4. Sunt igitur elementa corpora simplicia, prima, & communia, in aliam speciem indivisibilia, ex quibus inexistētibz corpora reliqua primò componuntur, & in quæ, cū infint, ultimò resolvuntur. 5. Ideoq; plura sunt, numero finita, magnitudine di-

vidua, & naturâ suâ patibilia. 6. Ex contrarietate argumentatur Aristoteles, 2. de ortu c. 8. *ἡ γῆ καὶ ὁ αἶρ ἐν τῷ ἐναντίῳ*. Si igitur terra & aqua inest, etiam contraria horum ignis & aer inerunt. 7. Item ex nutritione: *ἀπὸ τῶν στοιχείων τῶν ἀδύνατον εἶναι ἀντιόχον*. Omnia verò pluribus nutriuntur. E. 8. ^{1.} de cœlo probat per *ἐκκεῖται*. Segregantur ex mistis quatuor. Tot igitur insunt. 9. Numerum etiam ostendit ex motu gravium, & levium. Simplici corpori simplex motus convenit. Jam ignis simpliciter levis à medio sursum semper tendit. Terra absolute gravis ad medium seu centrum deorsum tanquam ad locum proprium, & perfectivum decumbit. 10. Cum verò ab extremo ad extremum per medium in quovis motu fiat transitus, & ubi natura conatur referre unitatem, extrema interventu mediorum miro artificio connectat, duplex interposuit medium, quod partim exminere, partim subesse debeat, aërem qui ad naturam ignis, & aquam, quæ ad naturam terræ propius accederet. 11. Numerum juxta, & naturam elementorum evincunt *σύνεστι* quatuor qualitatum alteratarum, caliditatis, & frigiditatis, activarum humiditatis, & siccitatis, passivarum, quæ tamen post. majoris resistantiæ sunt. 12. Hæ verò qualitates non sunt ipsæ Elementorum formæ. Formæ enim horum (ut Scaliger inquit) actus materiæ quæq; suæ sunt, quæ materiæ, quia ad operosiores compositionem à naturâ destinatæ sunt, factum est, ut sicut & ipsæ, ita & formæ earum commisceri queant. 14. Quia tamen formæ nos latent, & qualitates sunt præviæ alterationes, & preparationes pro singulis elementorum formis educendis, quarum vi & actione ac passione mutuâ permiscentur, principia, & instrumenta mixtionis statuuntur. 15. Quodlibet autem elementum duas obtinet qualitates, intensas quidem secundum omnem latitudinem, sed non secundum omnem agendi efficaciam, aut alteram in gradu remisso, alteram in sum-

mo, cum in quolibet genere reperiatur unum, seu primum, quod cæterorum sit mensura. 16. Ignis est calidissimus, ideoq; actuosissimus, & maximè formalis, qui homogenea congregat, heterogenea segregat, cuius calor cum aëreo mixtus totam massam permeat, miscet, concoquit, definit. 17. Aqua est frigidissima homogenea & heterogenea in unum cogens, calorem temperans, terræ siccitatem continens, eamque friabilem reddens. 18. Aër humidissimus, calorem primum, deinde frigus obtundit, tenuitate suâ massam penetrat, aperit, fermentat. 19. Terra siccissima calorem & frigus acuit, & corporibus determinationem addit. 20. Hæc si viribus imparia concurrant, validius imbecillius in suam naturam convertit, oriturq; elementorum transmutatio. 21. Si viribus quodammodo paria in se mutuo contactu agant, tota que totis contemperentur, & qualitatibus confundantur, fit mixtio, quæ est τὰν μίχων διαφορά τῶν στοιχείων. 22. In qua unitione formæ elementorum actu suo perfecto non remanent, sed, ut eleganter subtilis Scaliger, inter se suis domitæ qualitatibus pristinum naturæ rigorem sub unius potioris (ex mixtione nempe resultantis) imperio deponunt. Formæ itaque mixti subserviunt, & conditionum materialium tantum rationem obtinent. 23. Cum autem qualitates primæ nequeant per se in agendo servare modum, causa aliqua superior & præstantior requiritur, quæ instar opificis actionem earum gubernet, & ad certum finem dirigat. Talis in cæteris est sua cujuslibet forma, in animantibus ipsa anima, seu calor plasticus in semine. 24. Duplicem enim calorem in animalibus ipse agnoscit Arist. coelestem, in spumoso corpore spiritum, proportionem elemento stellarum respondentem, efficientis, & formæ vices obeuntem, & elementarem materialem. 25. Hinc nonnulli duplex faciunt animalis temperamentum: aliud mixti, concordiam quatuor qualitatum, aliud viventis, humoris primigenii,

genii, & caloris nativi æqualem mixtionem. Illud vocant temperamentum qualitatum, quod faciliè mutabile est: hoc verò formæ, quod est constantius. 26. Quam distinctionem si adduxisset Fernelius, illi tanquam fundamento solidiori decretum suum de morbis formæ superstruere potuisset. 27. Et quia finis mixtionis est perpetua individuorum ad speciei conservationem successio, & renovatio, causam habebit perpetuam perpetuo motu præditam, qualis circularis est cœlestibus corporibus competens. Cœlum igitur omnia continens, ceu forma elementorum, continuæ vicissitudinis inferiorum causa est, & contrariis suis motibus contrarias mutationes, ortus, & interitus efficit. 28. Sicut verò appositione substantiarum, & unione qualitatum elementarium fit mixtio, ita unione, & harmoniâ qualitatum fit crasis, sive temperamentum necessarium omnium mixti actionum instrumentum. 29. Etsi enim forma sit causa actionum princeps, sine temperie tamen non agit. Nam in corpore animato opus à functione pendet, functio à facultate, facultas à formâ mediante partis temperamento, ceu dispositione necessariâ. Quod Gal. 7. meth. c. 3. innuit, ubi actionem partis propriam ab alterius ita differre dicit, quemadmodum temperamentum à temperamento, & ibidem, conservare temperamentum esse conservare actionem, & formam. 30. Hinc Medicis, quibus actionum integritas curæ est, forma, quâ pars agit, vel patitur, est ipsum temperamentum, cui sanitatis, & morborum causas assignant, & remedia adhibent. 31. Symmetria enim, sive proportio quatuor elementorum, sive quod perinde est humorum, quæ proxima nostri corporis sunt elementa prioribus exactè correspondentia sanitatem: *ἀναιμία* sive intemperies, hoc est, excessus, vel defectus, vel translatio morbum efficit. 32. Intemperies illa vel est cum affluxu materiæ, vel sine materiâ, & partibus similaribus propriè tribuitur, quarum

rum forma est temperamentum, & à quibus actiones incoantur. 33. A dissimilaribus autem perficiuntur, quarum morbus est mala compositio in conformatione, numero, magnitudine, consensu, & situ: utrisq; communis est solutio continui. 34. Morbi cognoscuntur signis suis diagnosticis, & prognosticis, communibus, & pathognomonicis, sive inseparabilibus. 35. Locum affectum indicant actio læsa, excreta, situs, doloris proprietas, accidentia propria, &c. 36. Ipsa morbi species manifestatur ex propriis symptomatibus, excretis, loci natura, doloris proprietate, morbi accidentibus, &c. Inter signa verò pulsus & urina excellunt. 37. Curantur autem remediis contrariis, quorum temperamenta qualitatibus æstimantur, primis nempe, ex quibus secundæ & tertiæ deducuntur, quibus primæ investigantur, & virtutes medicamentorum deprehenduntur, maxime saporibus. 38. Sunt tamen nonnullæ quæ ab ipsâ formâ specificâ immediatè promanant, unde tota substantia, & qualitates occultæ vocantur solâ experientiâ noscendæ. 39. Coniungenda igitur ratio cum experientia, hæc namq; sine illa temeraria est, & fallax, illa verò sine hac difficilis, & incerta. 40. Jubet itaq; Gal. exercitatione uti in particularibus, & methodo in universalibus, quæ quidem perficitur indicationibus, quibus actio medici dirigitur, ut sciat quid, quibus remediis, quantum, quo modo, quo tempore, quo ordine & viâ sit agendum. 41. Desumuntur autem ab ipsa rei naturâ, seu contemplatione scoporum, & intentionum, nempe à morbo, ejusq; causis & symptomatibus, à temperamento totius, & idiosyncrasiâ, à parte affectâ, viribus, aëre, ætate, consuetudine, sexu, vitæ genere, morbi longitudine, temporibus, & paroxysmis, naturæ functionibus, remediorum viribus, sideribus, & similibus, quæ omnia rationalis Medicus prudenter examinat prius, quàm manum adhibeat, quo discursu ab imperito & temerario Empiricorum vulgo differt.

EVOLUTIO PRINCIPIORUM.

1. **P**Rincipiorum necessitas iisdem ferè rationum momentis, quibus elementorum, demonstratur: evidentiùs tamen *ἐν τῇ ἀνάλυσι* analysi os spagyricæ. In quod enim quidq; resolvitur, ex eodem compositum constat. Omnia mixta resolvuntur in tria. E. 2. Propositio luce suâ radiat, & philosophorum calculis munita est. Assumptio confirmatur sensuum suffragio irrefragabili. Ignis artium magister, arcanorum inventor, & examinatus naturâ suâ simplex, *τὰ ἐμπύκνωσιν κένων, καὶ ὁξυγόνων τὰ ἀπλοῦς* è mixtis diversissimis artifice nihil tale moliente, tria corpora sub eâdem semper formâ in lucem profert, duo liquida, aquosum, quod flammam plenè averſatur, & in lignis viridibus in fumum abiens, si colligatur, in aquam coagulatur: & oleaginosum, seu bituminosum flammam avidè concipiens, quod in vapores resolutum si cohibeatur in oleum convertitur, illud Mercurii, hoc Sulphuris nomine Paracelsus insignivit: tertium est siccum, & terrestre, quod in cineribus remanens aquarum lixiviiis eluitur, inq; humido, & frigore solvitur, calore cōcrescit, omnes veri salis proprietates possidens, ideoq; Sal appellatur. 3. Quantum enim individua illa in suo genere, minerali nempe, homogeneo, & naturæ unitati maximè consentaneo essentiis, proprietatibus, & actionibus inter se differunt, tantum etiam hæc in reliquis. 4. Hermes Trismegistus philosophorum pater spiritus, animæ & corporis vocabulis usus est. Ut enim anima medium tenet inter spiritum & corpus, conjungens duo extrema: sic inter mercurium volatilem, & salem fixum medium intercedit sulphur, & de utroq; participans salis siccitatem, & mercurii liquiditatem suâ viscositate, salis densitatem, & mercurii permeabilitatem molli suâ fluiditate, salis amaritudinem, & mercurii aciditatem dulcedine suâ contemperat. Contraria *ἡ ἀντίθεσις* namq;

namq; sunt, nec sine medio glutine coeunt, quod quidem unum est, non geminum, ut sacer constet ternarius. 5. Siquidem omnia à primo, summo, veroq; principio trinuno condita sunt unitrina. 6. Nomina ex mineralium familiâ libertate philosophicâ traduxit mysteriarcha, quoniam in his & metallis ipso actu insunt, & simplici separationis modo segregantur, in vegetabilibus, & animalibus analogicè magis. Sed & ipsa elementa *στοιχεῖα* inesse perhibentur. 7. Salis principii substantifici propria est vis *λεῖψναι*, coagulum enim præbet, rebusq; corpulentiam, soliditatem, ac determinationem superaddit, nascendi vigorem exauget, mirabiles penetrandi, dissolvendi, detergendi, evacuari virtutes obtinet, corpora à putrefactione præservat, saporum differentias exhibet, in hepatis officinâ sedem fixam habet, indeque cum sanguine per venas, ceu aquæ ductus diffus totam corporis provinciam instar vivifici nectaris irrigat. 8. Sulphur est balsamum vitale primarium vegetationis, accretionis, & transmutationis organum, quod benignâ commixtione sal & sulphur in unam corporis substantiam compingit, odores ex se spargit, quod in corde caloris foco, vitæque fonte concentratum, exindeque per arterias ceu tubulos in omnes corporis regiones disseminatum, insitum partium calorem excuscat, refocillat, conservat, vitamque afflat. 9. Mercurius purissimus, & æthereus ille spiritus sensum motumq; omnibus elargitur, instar elixiris vires arcanas rebus ingenerat, & assiduo beati roris influxu duo priora actionum frequentia ad siccitatem, & senium in horas festinantia sustinet, ac fluidâ & labili substantiâ mixtionem omnium faciliorem reddit, sale suo volatili coadjutus colores omnigenos producit, refertque primam cerebri naturam, ex quo ceu Palladis arce per medullam vicariam, & ex eâ propagatos nervos ceu funiculos delapsus subjecta membra omnia cœlesti irradiatione fovet, & movet. 10.

Adde quòd in nutritionibus primas hîc obtineat, sale, & sulphure saltem adminiculantibus, quæ postea maximam partem in excrementa degenerantia per emunctoria vel simul, vel seorsim ab Archæo innato expelluntur. Quemadmodum enim ex principiis hisce generati sumus, ita iisdemmet conservamur, nutrimur, augemur. Sic vegetabilia spiritibus balsamicis mineralibus ex ventre terræ attractis, animalia vegetabilibus, & mineralibus, homo, qui ex omnibus est coagmentatus, in quo ut in centro colligata sunt omnia, propter quem ceu finem facta sunt omnia, animalibus, vegetabilibus, & mineralibus sustentatur. 11. Ex quo fundamento microcosmi nomine à priscis philosophis honoratus fuit, non ob superficiale quandam similitudinem, sed quòd re ipsa, & secundum speciem (internam puta, & invisibile corpus in visibili conclusum) omnia & singula in se complectatur, quæcunque visibili formâ in triplici illo regno, totiusq; mundi amphitheatro explicata continentur. 12. Porro principia illa ex se qualitatum corporearum sunt expertia, possunt tamen singula cum singulis aptè combinari, ita tamen, ut mercurius elemento aquæ comparatus frigidus magis, & humidus, & in generatione materiæ passibilitatem ratione corporis formabilis æmulari à nonnullis censeatur: sulphur licet dici queat calidum, frigidum, humidum, & siccum, igni tamen collatum, cujus activitatem imitatur, calidum & siccum judicetur: sal verò terræ terminabilitatem exprimens calidus & siccus, prout ipsa terra omnis generis semina in matrice suâ beneficio caloris fovens, statuatur: aer verò per spiritum representatur, qui tamen ad mercurium reducitur, nec separatim capitur. 13. Suntque hæc principia corpora quidem, quia corporeorum, sed planè spiritualia cœlestium seminum influxu imprægnata: sunt spiritus, sed corporei, atque ita inter utramq; naturam ambigentia, æquali favore utriusq; proprietates ostendunt,

dunt, & in quâlibet mixti particulâ minutissimâ, & ad sensum simili sine confusione inviolatas custodiunt, neutrius tamen conditiones exquisitè referunt. Et quandoquidem proprietatibus cherioniis, fixisq; actionum impressionibus destinata sunt, corpusq; non trimetrum modò, sed activum reddunt, omnes omnium actionum causæ per se proximè illis assignantur, meritoque suo formalia, astralia, & cœlestia dicuntur, tanquam exordiis suis, & vitalibus principiis viciniora, & virtutibus horum fecunda. 14. Non enim sunt à seipsis, nec à seipsis tantas facultates habent, sed ab astris, radicibus, & seminibus in se contentis, quorum etiam rationes, & soboles definiuntur. 15. Si quidem in ipsis seminibus astralibus tanquam in vitalibus potentiis incomprehensibili sapientiâ decoratis totius naturæ opulentissimæ thesauri, mixtionum, generationum, transplantationum, & corruptionum lithurgiæ, motuum leges, temporum definitæ leges, universæ speciei tincturæ, complexionēs, proprietates, omnia corporum ornamenta, omnesq; dispositiones mechanicæ, scientiæ, dona, artes continentur, totiusq; naturæ visibilis, & invisibilis, superioris, & inferioris sympathia & antipathia custoditur. 16. Sola enim semina corpora ad infinitatem, & hoc quod nihil nobis esse videtur, magno impetu singulis momentis labentia stabili virtute retinent, & quandiu corporibus insident, vitæ functiones exequuntur, lucisque imaginem representant, quorum vigore destituta tenebris obducuntur, ipsa verò individuorum renovatione, & indefinēti suffectione specierum perpetuitatem custodiunt. 17. His autem tanquam receptacula substernuntur communissima naturæ fundamenta, elementa spiritualia, & incorruptibilia illa vitali, validâque potestate munitissima, in quorum sinu & matricibus semina cœlestia, aërea, aquatica, terrestria fovētur, quorum fecunditate digestis temporibus suscitantur, ad maturitatem,

promoveantur, & emerita in pristina diversoria, & paternam familiam immutabili quiete beatam benignè recipiuntur. 18. Nam ad explicandam unitam multitudinem naturæ potestate vitalis & immortalis Scientiæ, in universitate hac vigentis, vi verbi omnipotentis, crescite, & multiplicamini, semina generationi consecrata ex orco & nocte in lucem, ex abyssis suis in hanc mundanam scenam ab Archæo, seu communi illo naturæ Oecono protruduntur, qui magnum illud mysterium, sive Iliasten, chaos, & materiam primam omnium matrem in tria, nempe in sal, sulphur, & mercurium disponit, indeq; res omnes in proxima genera dispescit, ex quibus Ares alter naturæ dispensator species, & individua producit. 19. Dominatur enim in natura invisibilis ille vivificus ignis, sine quo calor non exercet calorem, frigus frigore privatur: anima illa mundi, quæ omnia animat: spiritus ille Hermetis, quo movetur omnis in orbe spiritus: balsamum illud Paracelsi, vitale, & incombustibile sulphur, benedicta viriditas faciens res omnes germinare, natura seminum rationibus fecunda, quorum fluxus, & progressio (non quidem à non ente ad ens, sed ab invisibili ad visibile, & corporeum, polleat enim vitâ, potestate, & essentiâ unitâ) generatio, refluxus, corruptio dicitur, cum deposito corpore in abyssum se recondunt. Nam dum fluunt semina nobis augeri, dum refluunt, minui videntur, & quod per corruptionem deformatum fuit, per generationem, seu potius regenerationem reformatur. 20. Semina à fonte unitatis progressa in alio fundari necesse fuit. Vitale igitur principium ex elementis sibi similia, & domestica, suisq; officiis consentanea corporum principia fabricat mediantibus spiritibus, qui cum contrarii inter se sint, pugnas excitant, veramq; mixtionem à penetrationis dimensionum periculis expeditam constituunt. 21. Cumq; requiratur natura aliqua, quæ divisibili proprietate temporum, loco-

locorum, & dimensionum omnium necessarias explicationes admittat, & vitalibus potentiis terminos constituat, adeoq; universæ naturæ fores claudat, semina, horumque vicaria principia nobiscum negotiatura ex elementis corporea indumenta sibi assumunt. Nuda enim in conspectum mortalium non prodeunt. Et quia seminum imagines peregrinari oportuit, elementorum quoque consentaneam imaginibus naturam comitari æquum fuit. Quæ tria mixtionis instrumento arctissimè colligata unitatem suorum exemplarium quantum possunt æmulantur, unamque in misto parilem substantiam sensibus objiciunt. 22. Quæ quidem elementorum corpora in *ἀνατομικαὶ* spagyricâ duplicia apparent, siccum unum, cinis elotus, vel terra absurda arenosa, sive damnata, caput mortuum dicta, nullam vim nisi siccantem & emplasticam habens: alterum phlegma insipidum, quod tantum humectat citra aliam energiam, aut activitatem medicam. Corpora enim isthæc principiorum velamenta longiùs à seminibus processere, ideoque nullam habent *δυσμυρία* Hipp. nec in ea astra aliquid firmiter imprimere possunt, cum steriles solummodò signaturas, & qualitates mobiles, infirmas, crudas, impuras, & corruptibiles obtinuerint: ideoque per se mortua sunt, & effœta, actusque formarum secundos remorantur, & cum excrementis corporum morborum, & mortis anatomiam in se continent, nisi benignâ felicioris balsami permutatione fruentia cohæreant, & in unam anatomiam conspirent, cujus merito effectus quandoque naturæ suæ limites haud parum excedentes edunt. 23. Non enim prorsus contingenter, ut nonnullis videtur, & per errorem naturæ accessere, licet post prævaricationem universali illa transplantatione peregrinæ tincturæ, & impuritates morbificæ supervenerint, quibus levioribus individuae naturæ proprietates, validioribus specierum signaturæ transplantatæ novæ familiæ insignia sæpe demonstrat.

24. Eadem verò transplantationis, quæ generationis astra sunt, ideoq; principiis supra positis omnia bona vel mala generatio, corruptio, sanitas, morbus accepta referenda sunt. 25. Si enim hæc tria in unum coëant, planeq; conspirent, sanitatem: si rupto fœdere divortium faciant, & ex genuino statu in alienum transeant, quod fit, quando ab astro in malum vergente virilia redduntur, seu exaltantur, morbos pariunt. 26. Astra autem, seu causas morborum effectrices, quas entia vocat Paracels. (oportet enim ut sint reale quid solidâ radice constans) juxta eundem quintuplicia sunt, ens astrale, naturale, ens veneni, ens spiritale, & deale. Tria tamen priora Physico Christiano Medico sufficere possent. 27. Exaltatur sal, cum resolvitur, coagulatur, calcinatur, reverberatur, alcolisatur, unde ulcera, scabies, dysenteria, colica, calculi, arthridites. Sulphur, ubi accenditur, coagulatur, resolvitur, &c. inflammationes, febres, variosq; affectus narcoticos inducit. Mercurius quando calore digestivæ virtutis accidentalis destillatur, mortem subitanæ, apoplexiæ, seu guttam, & ejus species: quando calore exercitationis sublimatur, maniam, phrenesin, omnesq; amentia species: quando calore astrorum, vel etiam frigore de suo gradu deturbatur, & præcipitatur, catarrhos, podagram, chiragram, aliosq; morbos articulares gignit, concurrente tartaro, quod ex esculentis, & potulentis gignitur. 28. Fructus enim elementorum, quibus victitamus, impuritates plurimas conjunctas habent, quæ, nisi ab archæo ventriculi communis, vel propria cujlibet partis synoviâ separentur, & expellantur, balsamum coinquinant, tumq; sal rei, & sal naturæ infirmius conjugium ineunt, & continuâ nutritione incrementum sumunt, digestaq; maturitatis tempora consecuta fructus radicibus & floribus similes proferunt, & naturâ gravatâ oblucente manifestos paroxysmos exhibent. 29. Quæ quidem materia vocatur tartarea

ex cibo & potu prognata, hæc tamen est subtilior; sicut illa, quæ ex internis principiis oritur, materia cruoris. Tartarus verò cibi duplex existit, viscosus, ex leguminibus, oleribus, fructibus: & bolaris ex carnibus, & piscibus. Uterq; vel coagulatus est, vel resolutus. 30. Humorū in hepate generatio, indeq; deducta morborum origo, & curandi indicatio imaginaria est. In sanguine enim, tanquam elemento, innumerabilia semina sunt proprietatibus trium principiorum, seu mineralium, maximè verò salium signaturis ornata, quibus adhærent excrementa, ipsis verò humoribus nec constamus, nec nutrimur, nec in mundanâ Anatomîâ vivâ uspiam reperiuntur, tamq; multiplex est eorum mistio, ut uni alicui morbus attribui nequeat. 31. Qualitates nuda sunt accidentia, & symptomata morborum, ac signa, nec ullam cum astris morborum confluentiam, nec ad curationem efficaciam habent, unde nec cognitio morborum, nec curatio lubrico huic fundamento superstruenda erit. 32. Vera autem indicatio non solum remediî, sed & quantitatis, & modi utendi è naturâ seminum, seu astris internis, & principiis petitur, nec solis saporibus à sale profectis remediorum investigatio, & æstimatio concedenda est, cum odores etiam & colores ex sulphure & mercurio magnarum virtutum principiis emergentes suas sibi partes vendicent. 33. Quærenda sunt remedia similia similibus cum parte affectâ signaturis prædita, naturæ amica, ex eadem anatomîâ depromta, hosti tamen, seu proprietatibus astrorum directè opposita. Sic in generatione tartari spiritus salis coagulationis causa vincendus, & impediendus est, quò minùs ulterius coagulare queat, & quod coagulatum jam est, reducendum, & expellendum per spiritum salis solventem. A spiritibus enim actiones, in spiritibus morbus, à spiritibus medela. 33. Qualia medicamina suppeditat nobis ars signata, seu anatomia illa physiognomonica, essentialis, & formalis, quâ ipsæ res

nobiscum colloquuntur, quod cum Euripide Fernelius exoptat, suamque indolem nobis explicant, ut verè possimus dicere, hunc morbum esse illius remedii, & illud remedium esse huius morbi. 34. Nullus enim affectus, inquit Fernel. subsistere potest in nobis, cui non pariter contrarium quiddam tanquam remedium natura protulerit. Sicut autem unum unius morbi est remedium, sic unum est morbi & remedii signum proprium, & reciprocum, sic pulmones, & tussilago eandem signaturam gerunt, unde tussilago est obstructionis pulmonum, & obstructiones pulmonum sunt tussilaginis, & quicquid matrici prodest, ejus signaturam præditum est, omniaque corporis humani membra in animalibus, vegetabilibus, mineralibus, & metallis partim figurâ, partim proprietatibus spagyricâ corporum sectione noscendis inveniuntur. 35. Plerumq; tamen syndrome signorum ad constituendum medium est cogenda, & conjungenda est anatomia gemina morborum, & remediorum. Ex illâ enim hominem morbi, ut Parac. vocat, sive ipsam morbi speciem, ex hac foeminam morbi, sive remedium appropriatum perdiscimus. 36. Monet igitur Paracel. à remediis discendos esse morbos, & juxta remedia distinguendos, & denominandos, & docendum esse quid in homine sit, non ex ipso homine, sed ex majore mundo, ex quo, & secundum quem est conditus, in quo, & à quo sustentatur, & spiritualiter, seu potentia in se habet omnia quæ major actu, & realiter, unde *bonum & verum* ex majore in minorem naturam *ex parte dextra*, morbisq; *ex parte sinistra* comportanda sunt, quæ cum sint naturæ invicem magneticae, nullis indigent directoriis, sed spontè ex formâ insita ad membrum affectum festinant, quod affinitate substantiæ corroborant, impuritates verò morbificas destructivâ contrarietate a verruncando, liberam spiritui vitæ circulationem & transitum restitunt, idq; tincturis arcanis, non per solas evacuationes, quæ tollunt tantum ex-

cremen-

crementa, vel iis quæ symptomata mitigant, morborum verò causis adulantur, sed quæ radicem funditus extirpant, excrementa tamen prius educenda, ne virtus specificorum colluvie istorum obtundatur. 37. Et quoniam in omnibus rebus est venenum, partesq; inutiles, excrementitia, noxie, & obstantes à verâ medicinâ sunt sequestrandæ, cruditates maturandæ, corporea à compedibus liberanda, spiritualia, & astralia reddenda, qualitates infestæ mitigandæ, & auferendæ illæsis virtutibus morborum curatricibus. 38. In quibus præstandis ars Chymica præcellit unica Medicinæ naturalis lux, & dux, docens invenire tres primas substantias, cujus sint naturæ, proprietatis, & conditionis in omnibus creaturis, & hinc propter concordantiam in homine microcosmo creaturarum compendio, cujus solius naturæ cognitio, præparatio, & administratio medicam constituit scientiam, & triumphum nominis sui, nempe Naturæ-consulti Medici meretur.

COLLATIO.

1. **U** Traque doctrina suis stabilita rationibus locum habere potest, nec se mutuò evertunt, licet in nonnullis differant. Si enim cum aliquibus dicamus elementa esse principia remota, hæc verò propinqua, vel artis chymicæ propria, sublata erit omnis contradictio. Non enim omnia proximè constant ex elementis, aliàs non essent tot heterogenea composita, & principia generationis nostræ immediata sunt semen, & maternus sanguis potestate elementa in se continentia. Sic Galen. ipse cum partes similes vocat elementa corporis nostri propria, & proxima, & humores in animalibus sanguine præditis eandem rationem habere, quàm Elementa ad reliqua asleverat, non negat elementa prima & simplicia. 2. Neutri etiam Arist. repugnant, qui materiam, formam, & privationem astruit rerum

naturalium principia, hæc enim omnibus prædictis sunt priora, & notionalia potius, seu cognitionis, & demonstrationis sunt principia. 3. Pulcrè etiam cum elementis comparari possunt principia Chymica, si soli attribuamus terram, sulphuri ignem, mercurio aquam, & aërem, quæ sublimatione sola, & *æther* videntur differre. Ita spiritibus respondet sulphur, humoribus mercurius, partibus sal. 4. Nec absolutè elementa rejicit Paracel. nam in lib. de sèp. elem. ex quolibet corpore quatuor substantias separare docet, maxime appropinquantibus ad naturam, cujusq; elementi particularis. 5. Nec *elementa* eodem modo elementa considerat. Gal. enim considerat elementa relatè in respectu ad mixtionem, quatenus omnibus mistis materiam præbent, ideoque concretè, quo sensu Hipp. vocabulis calidi, frigidi, &c. usus est: Paracel. verò absolutè *elementa simplicissima*, impermiscibilia, incorporea, formalia, neq; ex his tanquam materiâ res componuntur, sed è matricibus fecundis pullulant, & elementa inferiora omnia per hæc vires suas exercent, & accipiunt. Ideoque longè diversâ ratione elementa exponit Parac. quibus tamen posteriora corporum elementa in mechanico generationum processu necessariò adjungit, quæ prioribus subalternantur, quòd istorum singula quatuor illa contineant, & generaliora sint. 6. Elementa Galenicis ultrò fatentibus materialia sunt, & passiva, & per se sola nihil generant: principia verò Paracel. formalia, & activa sunt, naturæq; rationem obtinent. 7. Præsupponunt Galen. cum Perip. materiam primam formarum omnium successivè capacem, & appetentem, ceu matricem communem, locum, & receptaculum. 8. Præmittunt naturam, quæ est principium internum catholicum, omnis motus, & quietis, generationis, & corruptionis: quæ rebus naturalibus omnibus essentiam largitur, materiam novis subinde formis induit, & exornat, nihilque patitur cor-
rum-

rumpi, quod non è vestigio novâ formâ instauret. Quæ natura quid aliud est, quàm universalis quædam forma, sive anima mundi, quæ formas particulares confert, easq; sustentat, & percutibus singulis novas subinde suscitatur ad specierum propagationem. Ut enim omnia communi essentiâ participant, sic etiam formâ, quæ est λόγος τῆς υἱότητος. Hæc igitur est natura illa vegetabilis, hoc lumen, & numen naturæ, vis lucida sulphuris, ignis, & anima mediæ naturæ, hæc insignia vivæ formæ, hæc linea viridis ubique gyrans omnium colorum particeps, hæc arcana vis numinis, ordinaria nempe Dei potestas, ministra Dei, jussus, & vox Dei natura. 9. Concedunt παρασκευαίαν, & divinâ benedictione rebus foecunda implantata esse semina, in quibus est natura, quâ possunt se in infinitum multiplicare: credunt cum Arist. semen cujusque foecunditatis suæ causam continere, & calorem plasticum non esse igneum omnia confutentem, spiritumque qui in spumoso corpore continetur corporis architectum proportionem elemento stellarum respondere, & propriam cujusq; rationem & essentiâ nequaquam ex elementis emergere. 10. Quinetiam influxum Solis, Lunæ, & reliquorum corporum coelestium admittunt, & confluentiam, seu conspersionem superiorum haud gravatè recipiunt, ut verum maneat Aristot. dictum: Sol & homo generant hominem: Coelum enim, seu quinta essentia, seu quintum formale, & essentielle elementum crassiorum elementorum corpora pigra & mortua movet, exacuit, animat: semina sua in ventem terræ vento suo importat, nunquam cessat, nunquam exhauritur, nec imminutionem facultatum patitur, unde à nonnullis natura universalis, & anima mundi appellatur. Si igitur agit in hæc inferiora, similem sibi substantiam in iisdem producit. 11. Agnoscunt Galenicia ctionum vires elementorum superantium evidentiam adducti diuinius in naturâ principium, quale in animatis dicunt

esse ipsam animam, cujus instrumentum est humidum primum genium insito calore & spiritu perfusum, quod omnia ab initio conformavit, auxit, & tanquam omnium operum naturalium causa nutrit: in reliquis formam appellant, sive actum, & *ἐνέργειαν* principem actionum compositi causam. 12. Sunt enim duplices actiones, quædam *κατ' ἐνέργειαν*, quæ immediatè sine ullâ, vel manifestâ qualitate à formâ per essentialem proprietatem procedunt, quæ *ἰδίωτι* consubstantialis, sive *διωκτικὴ ἐνέργεια* ab ipsis qualitas occulta, vel tota substantia nuncupatur, quædam verò sunt *ἐννοητικæ*, quæ à formâ quidem, sed mediante temperamento, seu crasi elementarium sensibilium qualitatum proficiuntur. 13. Plurimas igitur actiones manifestis qualitatibus attribuunt, nonnullas tamen formæ specificæ assignare coguntur. Siquidem purgantium, venenorum, pestis, morbi gallici, auræ venenatæ Epilepsiæ, specificorum medicamentorum vires, & agendi modi ex crasi elementari minimè deduci possunt. 14. Qualitates etiam & subiecta harum non ita commodè semper, sicuti principia, ostendi queunt, tamq; vastus est graduum in qualitatibus labyrinthus, ut ratio mixturarum & idiosyncrasiæ vix constet. 15. Qualitates tamen non planè excludit Parac. cum in actionibus concurrant, licet non ut causæ principales, tamen ut instrumentales, adjuvantes, & sine quibus non, formisque ceu legatorum comites in functionibus assistunt, & multi sunt morbi elementales ex cursu quatuor qualitatum suborti, qui elementalibus, seu alimentariis remediis, & levibus alterationibus, quæ per qualitates fiunt, ab ipso Paracel. profligantur. 16. Quod verò humores non prorsus repudiet manifestum est ex archid. aliisque ejus scriptis, in quibus pharmaca præscribit, quæ bilem utramq; & pituitam evacuent. 17. Largiuntur Gal. Par. in alimentis esse quippiam naturæ nostræ familiare, quod hi balsamum appellant, sed negant in alimentis omnia

omnia actu inesse, quæ ex illis oriuntur, & non per transmutationem substantiæ gigni, sed tantum actione caloris nativi separari, & manifestari. Negant humores idcirco non dari, cum sensus ipse convincat ex alimentis sanguinem, non sulphur, sal, aut mercurium generari, & sectâ venâ substantiis, coloribus, saporibus, & qualitatibus diversum sanguinem effundi, eoque corpus nostrum nutiri, & excrementa separari. 18. Cumque de humoribus & elementis loquuntur, etsi qualitatibus vocabula sæpius in ore habent, tamen subintelligunt, & connotant formas incognitas, & substantias elementorum, & humorum, & corpora proprietatibus instructa, ac qualitates in partibus determinatas unâ cum spiritu insito, & influente innuunt, atque ita accidens cum suo subiecto complicant, & nominato hospitio hospitem unâ indigitant. Sic febris est calor non simplex, sed talis, id est, febrilis in parte restrictus, & pellitur frigore non simplici, sed febrifugo, acido nimirum & putredinem arcente proportionato. 19. Quod si elementa sumantur unâ cum suis astris & essentiis quintis, tolerari potest, quod aliqui principia elementorum quatuor molimenta seu rudimenta esse volunt. 20. Chymici verò non contenti fallacibus sensuum in exteriori cortice hærentium arbitriis omnia ad vivum magis resercent, & artificiosâ resolutione in sanguine tria principia ~~revelant~~ apertius demonstrant, matrices rerum aperiunt, earumque naturam, & procreatorum affectiones, & differentias ostendunt, ipsos actus e-runt, formasque beneficio subtiliorum corporum oculis quasi subijciunt, & à quâ parte ceu fonte actiones promanent, edocent. 21. Multo etiam explicatius, distinctius, & naturæ convenientius loquuntur, ac in morbis causas ~~quædam~~ hoc est, tres primas substantias qualitatibus causas substernunt. Non enim antecedens tantum attributi, sive accidens, & qualitas aliqua, sed etiam consequens partis, sive substantia aliqua ad conficiendum

dum demonstrationis Medicæ medium est adhibendum. 22. Rectius itaq; ad reddendas omnes actionum & læsionum causas nonnulli duplex temperamentum substantiæ & qualitatum facere videntur. Licet enim formæ propriæ sibi contrariæ non esse perhibeantur, sunt tamen principia ad actiones contrarias perpetrandas, & fundamenta actionum, in quibus ratio contrarietatis fundata est. 23. Quare ut concludamus, omnem vim qualitibus evidentibus adimere, & ad specifica & arcana cœli sacram ancoram, & asylon ignorantia semper confugere est non modò sensibus repugnare, & Pyrrhonorum more fluctuare, sed etiam citra necessitatē plerumq; ignotum per ignotius declarare. 24. Contra, omnia manifestis qualitibus metiri velle est ipsi naturæ summā impudentiā bellum inferre, instrumenta pro opifice arripere, qualitibus eam vim obtrudere, quæ ultra naturam earum est, & soli formæ essentiali debetur, cū nihil ultra vires & speciem suam agat, & effectum non nisi proportionalem in materiam inducat. 25. Una igitur proprietatum cognitio, sententiā Fernellii, res ipsas exercet, reliquæ omnes vix aliud quàm verba. Qualitates tamen & humores non sunt excludendi, cū suas habeant operationes, & multum de naturā principiorū, & seminum, quibus copulati sunt, retineant. Medium igitur est tenendum, & in morbis astralibus & occultioribus vires specificæ seminali tincturā præditæ operosā elaboratione in actum deductæ expetendæ sunt, in apparentibus à causis evidentibus introductis crassiora & rudiora medicamina sufficiunt. 26. Methodus verò medendi, quā Galenici excellunt, summasque laudes consequuntur, unicè rationali Medico est amplectenda, quam etiam Parac. in legitimo usu non respuit, ut ex chirurgicis ejus cum primis apparet. Scripta enim Hipp. & Gal. diligenter legit, & ponderavit, multaq; in illis explicuit, & illustravit, mutatis de industriā nominibus:

bus: quam nominum multiplicationem non probamus, cum aliâs Medica schola nominum multitudine, obscuritate, & ambiguitate laboret: sed licuit fortasse illi ad celanda improbos nova Chymicæ inventa ἐνμαλῶσις, & negligenda est Medicis nominum cura, modò de rebus ipsis conveniat. 27. Indicationum apud P. major est latitudo, fundatq; eas in proprietatibus mineralium, vegetabilium, & animalium, quæ doctrina quia veram majoris & minoris mundi harmoniam nobis proponit, priori sedulo est conjungenda: 28. Mineralibus utitur frequentius, quia spiritus habent potentissimos in homogeneo balsamo vigentes, & impressiones astrorum felicius recipiunt, & retinent. 29. An verò similia similibus rectè curet, quæstione tertiâ: an necessitate aliquâ compulsus medicamenta exactius prepararet, quæstione quartâ explicabimus.

ΕΝΑΝΤΙΟΦΑΝΕΣ ΙΙΙ. ΘΕΡΑΠΕΥΤΙΚΟΝ.

HIPPOCRATICI. *Contraria contrariis curantur.*

HERMETICI. *Similia similibus curantur.*

EXPOSITIO CONTRARIETATIS.

1. **N**ON Apollinis magis verum est, atque hoc divini senis responsum in l. de flat. & 2. aph. 22. τὴν ἐναντίαν τῶν ἐναντίων ἰσχυρὰ: repletionis inanitio, inanitionis repletio, calidi frigidum, frigidi calidum, crassi attenuans, &c. Hoc dictatoris oraculum Galenus alter Medicinæ coryphæus, & cum eo tota χερσὶς pro-
fapia, ceu immotum, & immutabile artis medendi fundamen-
tum unanimi consensu amplectuntur, & mordicus defensitant.
2. Firmissimâ enim nititur ratione ex ipsis naturæ rerum visceribus erutâ, quam nemo sanæ mentis in dubium vocare ausit. Quicquid enim morbum è corpore ceu hostem expellit, non

S

potest

potest ei simile esse, sed adversum. 3. Το ὁμοίον ἔχειν ἀντίκλον, simile simile auger, & conservat, nec agit in simile, ut immutet, sed operis actio est à contrario in contrarium, & agens eo fine agit, ut patiens sibi assimulet, ubi simile reddidit, ab actione cessat. 4. Τα ἑναντία ἐδρακίνα τὸν ἀντικλον contraria sunt corrumpentis naturæ, seq; mutuò è subjecto pellunt. Sic medicamentum opponitur morbo, ut eum è subjecto corpore ejiciat, & sanitatem introducat. Non enim possunt in eodem subsistere. Contrarium ergò. 5. Morbus est intemperies, ad temperiem igitur reducendus non per similis additionem: omne enim tale additum suo talificat illud magis tale: sed per alterationem, quæ fit à contrariis qualitatibus. 6. Quam assertionem ipse sensus, quem nemo nisi sensu privatus abnegaverit, liquidissime comprobat. Persentiscimus enim calorem & siccitatem hypocausti pellere frigus, & humiditatem. Sed cùm hæc sententia adeò usu recepta sit, ut balneatoribus nota, & anicalis, ac barbitonforibus alijsq; medicastis in ore sit, alteram minùs tritam, sed non minùs veram & proficuum pluribus deducemus, ac corroborabimus.

DILUCIDATIO SIMILITUDINIS.

1. Similia similibus esse remedia ex lumine naturæ, seu concordantiâ gradariâ, & concatenatâ majoris & minoris mundi Philosophi Medici Hermetis discipuli expiscati sunt. Medicina enim, ut uno verbo omnem artis vim comprehendamus, est *αἰσθησις*, seu *αἰσθησις* 2. *ἀποψήφισις*: Appositio, vel adjectio deficientium, & abstractio, sive ablatio redundantium, optimusq; Medicus est *αἰσθησις*, qui duo isthæc optimè præstat. 2. Ex quo fonte emergunt duo generalissimi curationum scopi, impuritatum superfluarum, seu morbificarum averruncatio, sive evacuatio, & virium resectio, sive balsami interni, & hu-

midii

midī primigeniī restauratio. 3. Utrumq; attingemus, & conse-
 quemur similibus, sive purgemus, sive confortemus. Purgantia
 totius substantiæ similitudine, seu formā specificā humores sibi
 familiares attrahere à Medicorū universā turbā statuuntur. 4.
 Quod Hipp. plantarū simili peculiāres succos, acidum, amarū,
 dulcem, *ἡ γὰρ πᾶσι τοῖς* ex terrā attrahentiū declarat l. de nat. hum. 5.
 Eandem vim attractricem, & magneticā Gal. catharticiis indul-
 get l. r. de const. art. 3. de simpl. fac. c. 2. Quidam similitudine sub-
 stantiæ humores augeri putant. 6. Naturæ confortatio fit per
 alimēta, & analeptica similia, vel, ut Hipp. ait, expetita. 7. Con-
 traria autē non appetuntur, nec se recipiunt, aut fovent, *τὰ δὲ ἀντι-
 ποσὰ συνέρχεται*. Corpus igitur agrū contrariis affligere qualitatibus
 est morbum irritare, & naturæ bello intestino penē oppressæ ex-
 trinsecum & internecinū movere, adeoq; morbū addere mor-
 bo, & ipsamet elementa exturbare velle. 8. Simile verò liben-
 tissimè it ad simile, & à naturā avidissimè arripitur, & obsessi spi-
 ritus, eū sentiunt puros ac defecatos sibi in subsidium occur-
 rentes, cōgaudentes iis promptissimè arctissimeq; adhærescunt,
 & eorum puritate suam infectionem emundare, seq; in tem-
 periem revocare & erigere satagunt, non secus ac semina in
 terræ gremio congenere novortim spirituum satellitio stipata
 renascuntur, & uberrimis messibus luxuriantur. 9. Sicut igitur
 in republicā obortā seditione parti debiliōri auxiliariæ co-
 piæ sunt mittendæ: ita in pugnā principiorum corporis dis-
 sidentium imbecillius suo compari est adjuvandum, & ballas-
 mus debilitatus cibo suo, nempe balsamo medicinali refocil-
 landus. 10. Natura enim animalium servatix viribus suis red-
 integrata, & comæatu instructa infesta omnia à globis vita-
 lium elementorum repellit, & tyrannos extra moenia, & ditio-
 nem proscribit, & extrudit, omniaq; sibi subdita in officio con-
 tinet, & in statu tranquillo integra ructur. *αἱ γὰρ φύσεις τῶν πλάστων ἰσ-*

τε. Natura est verus, summus, & solus morborum omnium archiatros. Natura sibi sufficiens plurimos morbos per se sola curat; hæc in morbis coctiones & pepasmos efficit, hæc morbos plurimos, maximè universales, & acutos per crisin terminat: hæc continui solutiones per mumiam suam unit, si per similia sustentetur, & intus ac foris à symptomatibus defendatur: hæc omnes in universum morbos igne digestionis succenso per boni sanguinis generationem abigit. 11. Quare præcipuus Gal. scopus est, qui à virtute sumitur, jubetq; medicum eò imprimis animum intendere, ut conservetur illud à quo agendi facultas, utq; ad naturalem statum reducat. 12. Quandoquidem Medicus naturalis est naturæ minister, qui integrè judicanti, & in lucâ cum morbo triumphanti velut otiosus spectator totum permittit, & applaudit. Quando verò præ imbecillitate finem operi imponere non potest, & opem Medici implorat, tum Medicus, quod deficit, supplet, naturam labefactatam reficit, sopitam, & adversus morbum insurgere non aggredientem, excitat, clasicum canit, impedimenta submovet, & victoriam expeditiorem, certiolemque reddit. 12. *Τὸν ὅστις ἀνίσταται ἀπὸ τοῦ νοσήσαντος, καὶ πάλιν ἀναστὰς, οὐκ ἔστιν ἰατρός, ἀλλὰ τὸν νοσήσαντα ἀνίσταται.* cum natura reluctatur, aut fatiscit, & à morbo plurimum superata certare amplius recusât, *καὶ πάλιν ἀναστὰς*, vana, & frustranea sunt omnia. Auxilia nempe per se causas neutiquam extirpant, nec efficientibus adversantur, sed effectis, & ubiq; naturæ adminiculum postulant, & fermè solum motum naturæ injiciunt, quæ per se postea totum opus præfinito tempore absolvit. 13. Consuetudo etiam, quæ est altera natura, similia poscit & indicat remedia. Quam respiciens Hipp. pueris temperamento humidis, & aliis, qui sic vitam instituerunt febre putridâ affectis, diætâ humidâ putredini concipiendæ idoneas ad robur nativum præservandum, custodiendum, & reparandum utiles esse scribit. 14. In l. de morbo sacro, morborum plerosq; ex iis curari,

ex quibus nascuntur. Jam verò demonstratum est à Chym. ægrotare nos ex trium dissidio principiorum in quatuor elementorum matricibus delitescentium. Morbus igitur sulphureus non curabitur mercurio, aqua enim oleo non miscebitur. Pestis ex elemento ignis, seu firmamento, non habebit antidotum ex elemento terræ, ita enim cœlum terræ miscebitur: morbus mineralis non pelletur remedio planè vegetabili: morbus astralis non tollitur auxilio elementalī: spiritus exhausti non satiabuntur syrupis, sed spiritualibus essentiis, non enim cūm filius flagitat panem offerendus est ipsi lapis, aut scorpius. 15. Quinimò similia dici merentur pharmaca, quoniam similibus, & iisdem signaturis, imaginibus, & formis insignita sunt, in quibus ad partes, morbosque collatis vera & vitalis eorum anatomia sita est, ostendens conjungere, quæ sunt conjungenda secundum naturam. Ita perforata, hypericum, androsæmon, radix gentianellæ ictibus & vulneribus conducunt, sanguinem enim trita profundunt, & puncturas exhibent. Lapidosa ferè omnia calculus frangunt, cardui puncturas mitigant. 16. His accedit, quòd in ipsâmet contrarietate semper concurrat aliqua similitudo. Si enim indicans, & indicatum, remedium, & id cui medemur, sunt contraria, utiq; erunt sub eodem genere. Contraria enim sunt, quæ sub uno & eodem genere posita plurimum inter se differunt, & velut è regione perpetuò adversantur, & unius contrarii una est contrarietas genere conveniens. Sin autem communi generis essentiâ participant, quis neget esse similia, cū eadem sint genere? 17. Hinc Galen. accuratè præcipit divisionem indicantium in eodem genere fieri debere, nullo unquam transitu de morbis in causas commissio, sed à generalissimis ad subalternas, ab his ad específicas indicationes descendere jubet. Et Arist. nihil inveniri posse arbitratur, nisi factâ divisione in eodem genere. 18. Oportet insuper ut remedia

morbo contrariè opposita gradu sint æqualia. 19. Sed & ipse Hipp. & Gal. medicorum antesignani similibus in morborum curatione usi sunt. Hipp. l. de loc. in hom. id fieri posse testatur, præmissâ enim contrarietate subjungit per similia morbum oriri, & per similia oblata ex morbis sanari, quod declarat exemplis stranguriæ, tussis, febris à tumefactione ortæ, fluxus alvi, vomitus. L. de flat. famem dicit esse morbum: torquet enim hominem: quare medicamentum ejus erit alimentum, quia famem sedat, quod quidem defectui, quem restituit, est contrarium, substantiæ tamen deperditæ simile, & quodammodo idem, ut & humor desideratus cum siti. 20. Juvenem *εὐστροφος* tetano detentum affusione aquæ frigidæ sanavit, aph. 5. lib. 25. Ophthalmiā balneo, fomentatione, & vini usu curavit, nec admittere voluit collyrium narcoticum, aph. 31. l. 6. 21. Cuicalculum adjicit commentator Gal. & ipse phlegmonem gutturis simili medicamento excalefaciente & siccante curari posse, historica experientiâ doctus scribit, & 11. meth. scorpionis morsum scorpione curari asserit. 22. Medicamenta quæ similitudine totius substantiæ agunt, omnibusque intemperaturis, veluti media extremis obsistunt, haud gravatè admittit. L. 8. de comp. m. s. l. cor corde, cerebrum cerebro, pulmonem pulmonibus juvari: 13. meth. c. 16. lienem, & jecur similia medicamenta & alimenta postulare ait, & 11. meth. missâ contrarietate *νωεως* sic dictâ ad opposita provocat. 23. Argenterius verò in leviori diversitate, seu rationis etiam discrepantiâ acquiescit. 24. Fernelius morbos quosdam similibus remediis, licet per accidens, depelli concedit. 25. Medicamentum cum dolore operans sæpe causam prioris tollit, vel materiam distrahit, vehementior dolor minorem obscurat, &c. 26. Ex quibus luce meridianâ clariùs apparet, morbos similibus curari, imò sæpius, & prudentem medicum quandoq; similia, quandoq; contraria

usur-

usurpare, cùm jux. Hipp. l. de loc. in hom. medicina nunc, & paulo post non idem faciat, & sibi ipsis contraria faciat, eaq; sibi ipsis contraria. Fines enim actiones variant.

DISCORS CONCORDIA.

1. **U**Triusq; sectæ sententiæ verbis potius quàm rebus ipsis dissident, & diversæ sunt, non adversæ, nec sibi contradicunt, cùm non intelligantur eadem sine ambiguitate contraria & similia secundum idem, ad idem, & eodẽ modo. 2. Contraria dicuntur remedia, quoniam defectus refarciunt, desideria amicâ saturitate explent, spiritus & impuritates consentaneas deliniunt, & earum consumptiones & ablationes procurant. Similia dicuntur, quoniam ex eadem naturâ familiâ hauriuntur, eandem anatomiam, similesq; signaturas, tincturas, radices, virtutes, & proprietates continent. Hoc pacto definitis similibus Hermetis asseclæ curas morborum perficiunt, non quod velint corpus calefactum supercaleferi, aut quod morbum procreavit, foveri debere, nunquam hoc illis in mentem venit, sed contrariis hoc pacto acceptis contraria abigunt. 4. Non autem intelligunt contraria continuò elementa, aut contrarias qualitates, nec eas sive primas, sive secundas in generatione & curatione morborum respiciunt: quippe tam parum de iis sunt solliciti, ut cum Hipp. omnem eis *subaquum* detrahant, nec eis resistent, nisi quatenus impedimento sunt verè curationis progressui, sterilesque signaturas, & accidentia solius corporis medicamẽti gratiâ innata appellitant, & nullam prorsus cum astris tum generationis, tum transplantationis morborum confluentiam habere asseverant. 5. Sed ipsis substantiis in corpore contentis qualitatum excessivarum causis, radicibus & subjectis remedia applicant, eaq; substantialibus virtutibus, & vi seminali instructa, quæ proprietate essentiali & specificâ

cificâ impuritates balsamo adhærentes separare, & dissipare, balsamumq; in flore & vigore perpetuare, & in integrum restituere valeant. 6. In curationibus enim cum primis ad causam morbi continentem, maximeq; materialem respiciendum esse commonent, quo respectu Paracels. plerumque compendium quærens morbum causæ nomine indigitat, ejus siquidem ablatio morbi est curatio, & sanitatis restitutio, cum immediato & necessario nexu cohæreant. 7. Qualitatibus tamen aliquem relinquit locum, ut videre est in l. de grad. & compos. recept. sed rarissimè in morbis evidentibus, & superficiariis. 8. Committuntur ergò contra leges oppositionis non eadem extrema, sed elementa, qualitates, temperamenta contraria opponuntur balsamo, principiis, potestatibus similibus. 9. Verùm enimverò hac similitudinis assertionem *ὁμοειδίας* Hippocratica tantum abest, ut subvertatur, ut maximè etiâ stabiliatur. Quantumvis enim Herm. similibus se curare perhibeant, contrarietatem tamen non excludunt, sed magnoperè inculcant. Nam, licet in genere sint similia, in specie tamen manifestò contrariantur. Calculus à sale coagulato genitus curatur quidem sale, sed resolvente. Ulcus à sale corrosivo curatur sale, sed consolidante, & incarnativo: arthritidis à salibus acris lenitivis, &c. Sulphur inflammatum febrem excitans, sistitur sulphure, sed acido, vitriolato, refrigerante, & ferocientes spiritus coagulante, atq; ita sulphur medicum expugnat, & expellit morbificum. 10. Utut etiam remedium simile sit ei, quod secundum naturam est, actio tamen naturæ in id, quod præter & contra ipsam est, agentis, nempe in morbum, est contraria. 11. Potest unum idemq; remedium diverso respectu simile & contrarium nuncupari. Medicamenta naturæ sunt similia, siquidem eam confortant, adversus hostem adversum adjuvant, & sanitatem reddunt. Sunt item similia membro affecto, eandem enim naturam

ram habent externam, quàm illud internam: morbo verò sunt contraria, ipsum enim tanquam adversarium profligant, & naturæ imperium restitunt. 12. Etsi aliquando contingit morbis esse similia, causis tamen sunt contraria: sic rhabarbarum, calidum febrem biliosam solvit, quia materiam educit, & obstructions expedit. 13. Postremò multiplex est contrariorum acceptio, non enim tantum sunt contraria in qualitate, verum etiam ex mente Hipp. in quantitate, quæ Arist. oppositis annumerat: quædam sunt simpliciter contraria, quædam privativè: quædam manifestis qualitatibus, quædam occultis facultatibus, & formis specificis. Sunt præterea alia actu contraria, alia potentiâ, alia per se, alia verò ex accidenti, quod tamen in propulsandis morbis parum interest. 14. Concludamus igitur ex mente Hipp. contraria contrariis curari propter antipathiam, remedii cum morbo, vel causa ejusdem: & similia similibus curari juxta mentem Hermet. & Paracelsi, propter sympathiam, remedii cum naturâ morborum curatrice, parte, & principio affecto. 10. Ut autem fateamur, quid de utrâq; præmissâ controversiâ sentiamus, salvo aliorum rectius sentientium judicio (*veritati enim rationibus inonstrata libenter manus cedemus*) Paracelsi via in investigatione morborum & remediorum mihi videtur compendiosior, certior, jucundior, & ægrotantibus utilior. Unum afferam exemplum: mucilaginem illam acrem, pungitivam, & corrosivam, vel etiam aluminosam, acidam, stypticam, quæ in corpore ex alimentis relinquitur, & à succo suo separata juxta varium naturæ motum definito tempore locis ad recipiendum idoneis à superveniente spiritu salis coagulatur, & colligitur, tartarum vocat, ductâ similitudine ab adhesionetartari in vino, quæ sensibus omnium obvia est: quo nomine auditostatim percipio, quæ causæ, qui modi generationis, quod sit remedium. Collatio tamē utriusq; opinionis miram afferet

T

jucun-

jucunditatem, majorem utilitatem, facilitatē, & certitudinem.

ΕΝΑΝΤΙΟΓΑΝΕΞ ΙΙΙΙ. ΦΑΡΜΑΚΕΤΤΙΚΟΝ.

MISOCHYMICI. *Medicina potest carere Chymiâ.*

CHYMIATRI. *Medicina non potest carere Chymiâ.*

ACCUSATIO.

I. **M**edicinam carere posse Chymiâ, pertinaciter contendunt Miso-chymici. Quandoquidem Hippocrates & Galenus duo lumina & numina Medicinæ eâ caruerunt: caruerunt eâ tot retrò seculis celeberrimi Medici, nec minùs veram, inò feliciorem medicinam habuerunt. Primus Paracelsus Eremita, homo ebriosus, magus, maledicus, linguarum, artium methodiq; ignatus & contemptor, ausu quodam temerario, & humano generi perniciosissimo eam in lucem produxit. 2. Is reiectis veterum rationibus, principiis, & causis evidentissimis nova principia, novasq; causas ex suo cerebro excogitavit, antitissimæ, & verissimæ Medicinæ & Philosophiæ ex diametro oppositas: pollicetur specierum transmutationem, formæ à materiâ separationem, quintæ essentia, quæ in sublunaribus nulla est, cum cælum sit *ἀσώμεικτον*, extractionem, elementaris crassitie in elementatis sequestrationem, cum tamen ipsius magisteria, tincturæ, sales, olea nihil plus sint, quàm portiones materiæ: spondet compactissimorum corporum, & ipsius auri solutionem: gloriatur de perfectione rerum naturalium, cum omnia ab ipso Deo perfectissimè creata, & usibus humanis convenientissimè à naturâ mixta sint, quam nulla artis industria assequi potest. 3. Inò Paracelsus, & ipsius complices vitam vegetabilium destruunt, humidum primigenium absorbent, mixtionis concentum, & crasin, à quâ purgandi vis, omnesq; actiones dependent, diruunt, & multa, quæ integra sunt salutaria, solutione pestifera reddunt. 4. Mineralibus quin etiam, & metallicis
utun-

utuntur naturæ humanæ prorsus infestis, imò venenosis, quæ sine delectu præparata ignis violentiâ calidiora, æriora, caustica, corrosiva magis effecta sine ullâ correctione minimâ etiam, dosi exhibitâ, nimîâ activitate corpus totum pervadentia subito conturbant, ac debilitant, nec electivè purgant, sed promiscuè quosvis obvios humores exturbant, caloris nativi, & spirituum influentium irreparabilem jacturam faciunt, partibus principibus malam diathesin affricant, & innumerabiles delecteriâ quâdam violentiâ præproperè è medio tollunt. 5. Quamvis etiam desperatos nonnullos naturâ irritatâ causam morbi expellente pristinae sanitati restituere videantur, malignitas tamen medicamenti in corpore restagnans facit, ut paulò post vitam cum morte commutare cogantur. 6. Adhæc medicamenta chymica breviorè in ventriculo moram trahunt, quàm morbi necessitas requirit, sed essentiæ acumine & pernicitate statim avolant, & supervacuâ digestionem vires amittunt, quandoq; etiam contrariam naturam induunt. 7. Requirit insuper Chymia labores, molestias, vigilias, sumtusq; intolerabiles, & vaporibus pestilentibus corpus inficiens, vitam abbreviat, ac remedia maximi precii procudens rempublicam exhaurit, ac depauperat. 8. Nec verò absoluta Medicinæ perfectio in vario instrumentorum apparatu, sed potius in dignotione morborum consistit. Si enim suffecerit Medicus ad cognoscendum, suffecerit etiam ad sanandum, Hipp. de arte med. 9. Adde, quòd indignum sit personâ & majestate Medici cinislonem agere, manus carbonibus, & argillâ deturpare, & in pulvere isto Vulcanico noctes diesq; circumvolitantibus favillis desudare, quos fit, ut mechanicis præpeditis liberalioribus meditationibus, lectionibus, & ægrorum visitationibus vacare, manibusq; callo obductis pulsus ritè dijudicare, & decenti habitu *cognom-
e lulu* medicam servare minimè queat. 10. Præterea Medici

operarii falcem in alienam messem immittunt, cum ipsorum proprium munus sit præscribere, pharmacopœorum autem, qui illorum veluti servi sunt, & coqui, componere, & operari, quæ duo officia, nisi distincta maneant, utriq; liberum erit, quid pro quo offerendo ægrotos impunè occidere, & errores admissos terrâ contegere. II. Nos verò (inquiunt Dogmatici) venerandæ antiquitatis vestigiis constanter insistentes rationibus, sensibus, longo usu, communi omnium rectè medicantium consensu approbatissimis, ordinariis, tutis, mitioribus, ac fixis, manifestis qualitatibus, primis, secundis, & tertiis novatis istis portioribus, totamq; temperiem retinentibus in digerendis, evacuandis, alterandis, & discutiendis humoribus annos jam plurimos felicissimo successu utimur. Sentimus enim cum Rondeletio, satius esse remedia minùs efficacia habere, & longiori tempore curare, quàm periculosa exhibere, quia sat citò, si sat tutò. 12. Usurpamus autem ut plurimum vegetabilia, cum primis intrinsecè, quæ cum in finem Deus è terrâ in hanc superficiem produxit, non perscrutamur infernales abyssos ad eruenda mineralia, & metalla naturæ nostræ nullo pacto analogæ. 13. Ea quandoq; adhibemus integra, quæ natura ipsa depuravit, ut sacharum, & mel, quorumq; omnes partes ad eundem usum conspirant: in quibus hoc accedit commodi, quod substantiâ terrestri ventriculum astringant, & corroborent, idq; eò consultius nobis videtur, cum ipsum calidum in nobis nativum corporeis pabulis restaurari gestiât. 14. Quandoq; ubi separatione purorum ab impuris opus est, multiplicibus præparationum modis, & processibus artificiosissimis innumeras ferè remediorum formulas tam humidæ quàm siccas pro variis intentionibus, & ægri palato extundimus, & concinnamus. 15. Et ut ægros demulceamus, & gratificando obedientiam conciliemus sacharo & melle plaraq; condimus, & edulcamus, syruposq; gratissimos

mos conficimus, quibus majorem inesse vim statuimus, quàm extractis, quæ nimia digestionem vim purgandi amittunt, & in morbis acutis prorsus non conveniunt. Imò sine saccharo & melle etiam syropos componere didicimus. 16. Docosta non cum vulgo aperto semper vase, sed arctè clauso, ne quicquam illis decedat, eoq̃ue vitreo, aut vitreato, ne à cacabo malignam qualitatem metallicam contrahant, paramus. Cætera verò omnia & singula tantâ dexteritate & circumsp̃ctione elaboramus, ut vel ipse Momus, vel Argus, quod meritò reprehendat, non inveniat. 17. Curationem ita moderamur, ne festinando nimium vehementioribus crebrius, & majori dosi exhibitis ægrum in vitæ discrimen adducamus, neque morando nimium tenui diatrâ, & digestivis immodicis vires exolvamus, neque farragine medicaminum obruamus, neque penuriâ destituamus: ne morositate nimia ad desperationem, nec blandimentis ad securitatem reducamus, sed ut, quantum in nobis & arte positum est, ut citò, tutò, & jucundè: aut si non jucundè, citò tamen & tutò: si non citò, & jucundè, tutò saltem ad pristinum sanitatis statum perducamus.

D E F E N S I O.

1. **M**edicinam carere posse Chymiâ pernegant Chymiatri. Sine quo enim Medicina finem suum assequi nequit, ut nempe appositè curet ad sanandum *ἰσχύως, ταχέως, ἀσθῆνως*, illud planè est necessarium, nec eo carere potest. Atqui vulgaribus medicamentis destituti Chymicis hoc consequi non possumus. Ergò Chymica ars perquam est necessaria, nec *γίνεται* Medicus eâ carere potest. 2. Assumptum probatur. Quantumvis enim Galenica pharmacopolia pyxidibus deauratis, & variis colorum fucis oculos perstringentibus depictis terrestres videantur esse paradisi, nihil tamen aliud sunt, quàm vasa immunditiei sce-

leta, cadavera, & stercora medicamentorum continentia. Si-
quidem vulgata isthæc crassa sunt, corporea, cruda, feculenta,
emortua, & inania, nec afflicto sublevant, sed mole suâ virtu-
tes opprimunt. 3. Aquæ rudi modo destillatæ vix aliam quàm
communis & elementaris habent efficaciam, levem enim ab
igne alterationem nactæ odoris & saporis portiunculam à mi-
nimâ sulphuris & salis volatilis ascendentis parte sortiuntur,
ideoq; cum paucissimi assint spiritus, vitra ab hyberni frigoris
inclementiâ, ne crepent, diligenter munienda sunt. 4. In de-
coctionibus, licet in diplomate fiant, subtilior pars evaporat,
nares enim in alterâ plateâ, vel supremâ ædium contignatione
feriunt, à cupreis valis malignitatem asciscunt. 5. Aqua com-
munis, quâ ceu menstruo, & clavi universali utuntur, spiritus
attrahere potis non est, & ipsamet putrefactioni quàm maximè
obnoxia est. Eiusdem farinæ sunt mel, saccarum, & oleum oli-
varum, unde pleraq; ipsorum medicamenta vix anni spacium
durando vincunt, & conservæ ipsæ conservatione indigent. 6.
Infusiones umbræ quædam sunt veræ præparationis extra-
ctiones spagyricas æmulatæ, eliciunt enim tincturam, odorem,
& particulam saporis, ideoq; majori in precio habendæ, quia
virtutem magis unitam custodiunt, totam tamen substantiam,
vel partialem requisitam non obtinent, & plurimis redundant
alienis impuritatibus. 7. Pilularum forma non omninò im-
probabilis est, sed pulveres, ex quibus confiunt, & crassiora à
ventriculo in succos verti, & promptè in venas didi nequeunt,
pauci saltem spiritus resolvuntur, unde sectis nonnullis in ven-
triculis massæ pilularum diu antea assumtarum concretæ re-
pertæ fuerunt. 8. Sola autem vegetabilia imbecilliora sunt,
quàm ut morbos firmis radicibus inhærentes extirpare, &
evellere valeant, cum ipsamet maximam partem sint fuga-
cioris vitæ, nec stabile balsamum obtineant. Illa verò dun-
taxat

taxat à putredine diu præservant, quæ diu conservantur, & à naturâ vitam longiorem & temperatiorem sunt adepta. Licet verò Galeniatri gemmas aliquando tritas, & auri ipsorum suffragio cordialis excellentissimi laminas analepticis suis adjiciant, nullatenus tamen medio caloris & humoris naturalis recludi, vel affici, aut afficere possunt: nec enim struthiocamelli stomachum, qui concoquat, aut aquas fortes sive regias offendunt, quæ arctissimam compagem dirimant, & spiritum intus latentem evocent. 9. Nec eccoprotica purgantia omne Augiæ stabulum in morbis expurgant, cum non omnis morbifica colluvies in primâ regione colligatur, sed plurima in secundâ venosi generis, & tertiâ, seu totius corporis habitu stabuletur. 10. Minus tutò curant, quia partes inutiles, excrementitias, noxias, & venenatas unâ ingerunt, quæ in corpore relictæ corrodunt, & exulcerant, ventriculi ἀτρωίαν, aliosq; gravissimos morbos causantur, & valetudinarios efficiunt. 11. Curam etiam citiorem, juxta & tutiorem non permittunt substantiæ facultates & qualitates in uno eodemq; simplici contrariæ, quod ipse Galenus agnovit 13. de simpl. fac. excernendi, sistendi, incrassandi, attenuandi, calefaciendi, refrigerandi, exiccandi, humectandi, facultates in omnibus propemodum, licet sensu simplicibus apparere. Quas cum ipsi divellere nesciant, quantum in uno proficiunt, tantum in altero deficiunt, & officiant. Si enim laxandum est, quid opus est styptico? 12. Injucunda, & abominabilia sunt vulgaria, longa isthæc, apozemata, lutosæ alicujus aquæ libra una, vel duæ, tot digestiva, tot syrupi magistrales prolixâ methodo exantlandi, qui vel ipsi Marti terrorem incuterent; tot pilulæ amaræ & foetidæ in honorem Romæ septicolis sacro septenario, aut Musarum novenario, aut majori, sed impari ad irritationem deglutiendæ, aliaq; amaritudinis pocula exhaurienda, à quibus multi pejora, quam ab ipso morbo pa-

bo patiuntur, nauseam, tormina, flatus, hypercatharſes, virium dissolutiones, ut mortem etiam præ illis exoptent, & nonnulli ſolâ imaginatione nauſcabundo *ἀνυ, καὶ χέτω* vomant, & dejiciant, quæ carnificina potiùs, quàm medicina dici mereatur. Unde non ineptè quidam Medicos expugnationem morborum vulgaribus instrumentis aggredientes ſimiles eſſe dicit fabrorum, qui ad ſecandum hebetem ſecurim, vel fortè in medio confractam adhibent. 13. Chymica verò auxilia Medici expectationi, & ægri ſpei citò, tutò, & jucundè ſatisfaciunt. Primò citò operationes ſuas exequentur, ſunt enim compedibus corporeis exuta, ab omnibus remoris abſoluta, in actum reducta, viribus exaltata, formalia, ſpiritualia, aſtralia, quæ à ſpiritibus mechanicis ſipientibus avidiſſimè attrahuntur, ac libentiſſimè recipiuntur, nec opus habent, ut longiore temporis tractu ab imbecillo ventriculo immutentur, ſed naturam conſeſtim immutant, & ſpiritibus homogeneis ſociati centrum morbi vi magneticâ inquirunt, & magno impetu hoſtem adoriuntur. 14. Collaudant ipſi Miſochymi exemplo ſuo hæc juvandæ naturæ epicheiremata, dum in atrophîâ cibos euchymos elixant, ſuccos exprimunt, pinguedinem ſegregant, feces abijciunt, vinum ab omni ſpumâ, fece, & tartaro depuratiſſimum offerunt. 15. Spagyruſ verò, ſive archæuſ internuſ cibos dentibus contuſos, probèquæ comminutos, & humore faciliſoris gratiâ coctionis dilutos, atq; in ventriculi phiolam, ſeu retortam infuſos recipit, vaſ ſuum occludit, uvido calore digeſtionem, putrefactionem, concoctionem, & ſequeſtrationem ſubſtantiarum heterogenearum inſtituit: tincturam, ſuccum nempe puriſſimum & dulciſſimum, (licet varia varii ſaporis ingeſta ſint, extrahunt, qui multis dupliciſ adhuc furni circulationibus rectificatus, vehiculo aquoſæ humiditatis ad extreſas corporis partes alimentandas deducitur. Serum officio deſunctum à renibus attrahitur, & veſicam ſalis

salis resoluti conceptaculum versus amandatur, sulphur foetidum cum mucilagine tartareâ per intestina, reliquaq; supervacanea per emunctoria propria excluduntur. 16. Sunt enim alimenta semina, sed impuritatibus plenissima, igitur, ut in semine minutissima portiuncula inest, quæ λόγον ἀνευρεμαλίων habeat, reliquum est διαρώδης ὑγρότης, & corpus, seu testam constituit: ita vix tricesima pars assumptorum in sanis etiam in alimentum utile vertitur, & agglutinatur. Quam ob causam Hipp. veteres αἰμοφάγους, seu crudis vescentes plurimis morbis conflictatos esse scribit, nec enim cruda coctis, quod Scaligeri paradoxon est, vitæ salubriter prolongandæ magis idonea sunt. 17. Quod si in alimentis benignis, & naturæ familiaribus tam uber est excrementorum proventus, ut necessario coquendi, despumandi, & condiendi sint, quantò majori necessitate medicamenta ad corpus ægrum alterandum apta nata defecare, balsamum à stercore, paleas à tritico, furfures à farinâ removeere conveniet, cum multæ in iis partes venenatæ sint, aliquæ deleteriæ, plures otiosæ, nullæ nisi per accidens salutiferæ. 18. Natura enim maledictione divinâ post lapsum in calamitosam sortem transplantata, & perpetuis cœli terræq; injuriis exposita non producit essentias puras, non offert mel sine aculeo, rosam sine spinis, nucleum sine cortice, sed qui vult edere nucleum, nucem frangat, oportet. Exempli gratia: In integrâ croci librâ decem reperiuntur veneni unciae: in centum & viginti granis rhabarbari octoginta sunt otiosæ: ex lib. unâ cinamomi vix elicitor olei unc. semis: ex lib. nuc. muscatæ drachma, in quo tamen oleo tota vis aromatica consistit. 19. Quæ quidem vis ἐν τῷ τῷ πρᾶγμα naturæ & artis operâ salvo corpore separari potest, quod tanquam ἰσχύον ἀχρὸν ἀγύουσι sine virtute vitali, odoris & saporis expers remanet. v. g. rhabarbaro, monente Mesue, infusionibus & macerationibus eximi potest vis purgatrix, & simili colore tingi, ut eadem

dem forma, corpus & pondus restet. In cinamomo, aliisque odoratis vis aromatica ita sæpè exhalat, ut oculi decipiantur, nisi gustu & olfactu bonitas exploretur. 20. Natura verò sola duos liquores separare novit, è simplicibus jam recens terrà avulsis, aquosum, è siccis oleaginosum: non itidem viscosum, & glutinantem, qui terrestres partes colligat, in quibus reperitur sal egregiis virtutibus dotatum, præcipuè in metallis, lapidibus & lignis. Non enim nisi sicco calore educitur, in ventriculo autem singulis momentis affluit humiditas, quas ob res excrementa nunquam in cineres redigi deprehendimus. 21. Spagyria itaque Chymica in subsidium advocetur oportet, quæ singulari resolutionum, separationum & exaltationum technur-gemate absconditas rerum naturas in aprium producit (collocavit enim Deus, ut ad philosophandum & laborandum homines incitaret, in occulto maxima, maximeq; admirabilia, in propatulo minima, vultq; occultum fieri manifestum) vires & temperamenta rerum, actionumq; causas & origines indagat, inventas determinatè explicat, & mediante corpore quodam purissimo ipsas rerum species & formas quasi ob oculos ponit. 22. Infinita exempla sunt in promptu, opium statuitur frigidum, quia stupefactivum. Atqui amarum est. Ergò ex hypoth. Gal. calidum. Solvat Gordium hunc nodum è principiis suis Galenicus Chymicomastix. Anatomes Chymicæ tyroniarancarum telæ sunt. Sulphur opii, seu substantia oleaginosa, inflammabilis, dulcis, & respectu reliquarum exigua summè algida & narcotica est. Quamvis negem algori propriè narcosin esse tribuendam, cum calidis etiam competat. Sal verò sive substantia terrestris est amara & calida, partium videlicet tenuium, ita ut etiam sudores absq; ullo refrigerio provocet. Sic cichorea rosa amaræ sunt, & tamen refrigerant ob diversitatem partium. 23. Piper Vasconum experimento refrigerat, acrimonia tamen ve-

hemem-

hementer calidum esse dicitur. Sulphur ejus sive oleum temperatum est, & utilissimè exhibetur in tertianis & quartanis, purgato corpore gutt. 2. 3. vel plur. in syr. cydon. 2. hor. ante access. horrorem sistit, calorem vivificat. Potest verò hoc elici residuâ materiâ, seu substantiâ salinâ, quæ acris est & calida, ideoq; conquassatum piper frigidis ventriculis remediū est. 24. Quis porro non videt, tutius & securius adhiberi Chymica sepolitis omnibus qualitatibus nocivis, aut saltem felicius obrutis, quippe nec ullis fecibus tartareis ventriculum & partes gravant, etiam si sæpiusculè reiterentur, nec diu partibus impacta adhærēt, aut ullam noxam inferunt. Sic e.g. spiritus vini non lædit, & multi unâ vice plus bibunt, quàm ex tribus vini lib. elicitur citra incommodum: phlegma verò apoplexian, paralyse, aliosque morbos frigidos inducit, & sal corrosivum partes pungit & lancinat, quod ut deliniatur, aqua infunditur. 25. Jucundiùs, libentiùs & faciliùs Chymica assumi, loquuntur ægri medicorum libri & testes, minimâ etenim dosi aliquot granulis vel scrupulis propinquantur, nec odorum & saporum insuavitate nauseam movent, aut bilem in nares conciunt. 26. Dosis insuper in minoribus & simplicioribus, & effectus secuturi exquisitiùs æstimari possunt, quàm in prolaxis antidotis. 27. Longè verò plus receptis istis tot ingredientibus constantibus operantur Chymica, quod enim quantitati deest, viribus compensant, & in acutis, ubi nullæ dantur induciæ, præsentaneam opem afferunt. 28. Denique ex eo Chymicorum præstantia vel maximè elucet, quod iis empiriâ logicâ adhibitis priscis medicinæ antistitibus incurabiles, apopl. epilepsia. elephantiasis, hydrops, podagra, & quartana Medicorum opprobria profligantur, & à Galenicis derelicti & desperati, jamq; animam agentes, pristino vigori restituuntur. 29. Credimus & concedimus, Hipp. plurimos in longavâ, & vegetiore illâ ætate feliciùs ac fa-

ciliùs sanâsse, sed longè plures citiùs, tutiùs & suaviùs Chymicis auxiliis servare potuisset, non enim dubium est plures obiisse medicaminum non legitimè præparatorum, ut etiânum hodie, defectu. Omnia nunc cum senescente mundo in deterius vergunt, morbi plusquàm Herculei, novisq; constellationibus suscitati insoliti & monstrosi, velut hydræ capita pullulascunt. Brassica olim panacæa fuit ad fugandos omnes morbos, idem non facit hodie. 30. Regiones etiâ & temperamenta differunt. Vulnera Germaniæ curatu sunt facilia, sed ob id Italia non potest carere chirurgia, quia vulnera ibi difficillimè coalescunt. Helleborus Anticyris salubriter bibitur, at non ubivis. 31. Multa scivit Medicinæ parens Hipp. & in scriptis posteritati reliquit, sed multa corripuit & auxit Galen. nihil enim simul natum & perfectum: multa theoremata, & remedia adinvenierunt Græci, Arabes ac Latini, & vehementioribus antiquatis mitiora priscis incognita substituerunt: plura etiânum hodie inveniuntur salutaria, compendiosiora & splendidiora, quod botanicorum horti, & anatomicorum theatra ad ostentationem superstitiosè adaucta ostendunt. Crescunt enim scientiæ cum ingeniis, nec in unius Hipp. & Gal. pectore Deus Medicinam clausit & terminavit, quin locupletior & ornatiores evadat, imò nunquam idealem perfectionem attinget. Turpe verò est inventis frugibus, glandibus velle vesci, & ex intellectu omnium rerum domino alienæ libidinis mancipium facere. Imò si reviviscerent ipsi beatiores nos prædicarent ob divinum hoc donum languescenti mundo indultum, & optatissimam artem ambobus tñis amplexarentur & exoscularentur. 32. Moriuntur multi utraq; medicinâ frustra adhibitâ, quia terminus fatalis effluxit, vel Deus baculum medicinæ, nempe benedictionem subtrahit, vel quia seriùs opem Medici implorant ægri, vel quia immorigeri & incontinentes sunt, vel errore astan-

tium,

tium, vel externorum, vel etiam ipsius Medici. Pharmaca namque ab imperitis exhibita sunt venena, à prudentibus auxiliares Dei manus. Ταῖς ἁπλοῖς σφαιραῖς tam invenientis, quam utentis arti ipsi non sunt imputanda. 33. Postremò ad sui perfectionem & integrationem necessariò requirit Chymiam Medicinam, cum sit pars ejus integralis pharmaceuticæ, seu pharmacopœticæ subjecta, sine quâ totum mutilum est, & mancum. Nec enim sola morbi cognitio, quam sæpe exactiorem habent ægri, Medicum facit, sed remediū inventio, & præparatio, nec præparatio sola, sed applicatio, ut actus sit omnibus partibus absolutus. Licet in aliquibus cognito morbo facilis sit remediū ἐννοεῖς inventio, ut quando gangrænam amputamus, vel causum haustu frigida alteramus, aut hydrophobum in aquam præcipitamus. 34. Quæ verò in contrarium afferunt Mischymici, meræ sunt calumniæ, fallaciæ, nugæ. Utimur frequentius mineralibus, & metallicis, quia mumiam obtinent fixam, & familiarem, non distractam variis officiis, labores perfectiores sustinentem, spiritusq; potentissimos, & corruptioni minimè obnoxios. Uti sunt & veteres, etiam crudis, nos ritè præparatis. 35. Agnoscunt usum eorum eximium in externis, intus venena esse clamitant. Cur non itidem vegetabilia ex eodem principio pronata? Cur conclamatos ad acidulas, & thermas, aliasq; aquas medicatas mineralium resolutionum scaturigines veluti sacram, & extremam salutis ancoram remittunt, cum natura ad usum non perfectè illas miscuerit, nec simplicis, & unius qualitatis produxerit, plura enim metalla in mineris complicantur, unde plures nihil juvantur, sed magis affliguntur, aut moriuntur, ars verò defectum naturæ supplere, & quæ sunt ἀγέφυλα separare novit. 36. Venenata sint cruda mineralia, & metalla: at non ideo in medicum usum non ducenda: ubi virus, ibi virtus, & quod uni venenum, aliis cibus est, & remedium.

Seclude partes venenatas, reperies alexipharmaca, & gravissimorum morborum alexicaca & *περὶ λύπης*. Solæ enim purificationes veræ sunt correctiones, nec correctio omnis venenum arguit. 37. Quo verò privilegio ipsimet Galen. aurum ignitum, chalybem & gemmas comminutas ad emungendos agros tantis præconiis efferunt? Cur ipsi cantharidas vesicæ infestas *τοῖς ἀσθενέσι* vehiculi loco subdunt? Cur ex ipsis nonnulli tam avidè Chymicis inhiant, & clanculum tectonominè usurpant? Cur Jul. Alexandrinus antimonium illud famosum ad pestem: Gesnerus ol. vitrioli ad omnes ferè morbos: Rondeletius pil. Barbarossæ mercurio crudo suspectas ad luem veneream: Fallopius & Hector Nonius crocum martis ad icteros, aliiq; alia ad alios morbos tantoperè commendant? Experientia sanè certissimum *κατὰ τὴν ἐξοχὴν* veritatis confessionem ipsis extorsit. 38. In purgantibus venenatis mediantribus extractionibus & digestionibus spiritus malignus evanescit in auras, & vehementia fiunt mitissima, cum multa, teste Galeno lib. de ther. ignis commercio fiant meliora, & latentem naturam edant. Multa tamen magis vel minùs evadunt acria non ignis culpâ, sed salium volatiliùm fugâ, aut fixorum perseverantiâ. At plæraq; minùs adustionis retinent, quia sulphur peregrinum diuturnâ combustionè evanuit. 39. Nec tantoperè reformidanda sunt Chymica, quod nonnulla sint caustica & corrosiva, cum longè alia sit eorum operatio in corpore vivo & ventriculo noxiis humoribus reposito, nec seorsim dentur, sed aliis liquoribus mixta. Potest etiam, auferri corrosio, aut refrænari, ut sal tartari etiam aquas fortes & regias emollit, & oleo sulphuris mixtum corrosivitatem deponit. 40. Nec ipsi sese abstinere possunt à corrosivis. Theriacam ingreditur chalcanthum, in quo sal est fixum maximè corrosivum. Sal edule corpora humano longè solidiora erodit. Sic acetum, spiritus mellis, limonum & citronum succus, & alia utiliter

liter dantur, & multa forinsecus corrodentia intrinsecus pro-
sunt, imò requiritur quandoq; corrosio. 41. Salia empyreuma
redolent, sed faciliè eluitur: veteribus etiam in usu fuerunt, con-
coctionem juvant, putredinem arcent, Venerem stimulant, nec
sola dulcia, ægris conducunt. 42. Nullo modo partes princi-
pales malignâ dispositione inquinant, cùm omnem deposue-
rint: nec excessu caloris, qui igne non intenditur, sed dissipatur,
separatis menstruis calidis, nativum calorem destruunt: nec ni-
mia activitas venenositatem evincit, cùm vini spiritus, aroma-
ta, & alia in quotidiano usu sint actuosissima, & venena quædam
admodum lenta: nec minima dosis, qualis etiam est bezoardi-
corum, quin securitatem facit, si augetur, periculum mina-
retur. Imò tutiora sunt Chymica ^{et evdē} usurpata pane & vi-
no plurimas adhuc feces continentibus. 43. Nullam cum
corpore similitudinem habeant: idem dicendum de Galenicis:
nec debent, sunt enim antipathetica. 44. Mistionis concen-
tus non semper, nec totus destruitur, nec eo fine laboratur, &
quæ distracta sunt, rursus uniuntur, crasisq; perficitur, & certi
sunt mixtionis effectus post multas mutationes superstites.
Quod si decocta, & syrupi igne violentissimo indifferenter sub-
jecto temperiem servant, quidn̄ Chymica igne blando innoxio,
pyronomicè administrato, melius servabunt. 45. Decedat ali-
quid crasi, tota non requiritur, sufficit ipsis sua, & determinata
crasis Medico desiderata, quæ peremto corpore in aliud manat.
Pereat crasis, manet vis specifica. Tollatur vita vegetabilis, me-
tallica & mineralis, quâ sibiipsis vivunt, incipiet vita animalis
& humana, quâ nobis vivunt, & in nobis actiones vitales exe-
runt, quod effectus probant: extractum enim agarici non mi-
nus phlegmagogum est quàm ipse agaricus. 46. Nec sophi-
stica & blasphema est Chymia, quod rerum perfectiones spon-
deat. Omnia quidem à Creatore perfecta sunt in materiâ pri-
mâ,

mâ, sed Chymicus naturam per naturam movens, amica conjungens, adversa disjungens, & agentia patientibus imitatione naturæ accommodans materiam secundam ad ultimam perfectionem deducit, & in se perfecta respectu artis occupatæ imperfecta operationis subiecta, quoad usum Medicum perficit. 47. Nec est nova hæc ars, sed à naturâ ipsâ, quæ igne naturæ præparationes, coctiones, separationes celebrat, ingenerata, & prisca particulam, & rudimentum ejus habuerunt, multiq; reges, principes, & sapientes omni ætate omnes nervos in eâ intenderunt. Ut ut etiam nova sit, cum liquidè constet, eam ad Dei gloriam illustrandam, naturæ arcana revelanda, & proximi salutem procurandam τὸ ὅτι πάντων μέγιστον, & momentum maximum conferre, nemo vir pius, probus, ac prudens eam aspernabitur, aut convitiabitur, sed amabit, colet, omniq; studio & honore prosequetur. 48. Nec verò Medicum dedecet manum operi admove- re, cum prisca Medicinæ monarchas minimè pude- rit. Ex hac enim praxi & αἰσθησις vera nascitur theoria, & scientia Medica, cum tantum sciamus quantum operamur, & multo- rum structura non nisi usu addiscatur, in quo magna requiritur solertia, & dexteritas. Quomodo verò facienda præscribet, qui ipse facere nescit? quomodo scire poterit, quam dosin ingredientibus definiat, & quid, quantumq; sint effectura, cum præparatione vires nunc perdantur, nunc augeantur, & pondera eadem esse possint, quorum virtus est maximè dispar. Si igitur Medicus decipi non vult, suæq; conscientiæ, & existima- tioni, & salutis ægri consultum cupit, non omnia imperitorum famulorum manibus concedat, & alienis oculis videat, sed ut perfectus sit Medicus ipse Pharmacopœum agat. 49. Difficilia sunt paratu Chymica, quoniam pulcra: Dii vendunt sua bona laboribus, & summi facere oportet quærentem lucrum centuplo impensis & molestiis uberius futurum. 50. Nec sub-

subductâ rectè ratione cariora sunt, & Reipublicæ oneri talia
 medicamenta, cum per paucis preciosissima sanitas brevi, quæ
 vix ac ne vix quidem vulgatis majoris precii compositionibus
 longo tempore recuperari potest, restituitur. Addamus, quod
 crudiora illa in singulos annos pluraq; renovare magnis sumti-
 bus oporteat, cum nostra ad plurimas annorum decadas viri-
 bus integris perdurent. Sunt enim quintæ essentia ex rebus qui-
 buscunq; vitam habentibus extractæ, & ad summum subtilita-
 tis gradum adductæ, spirituales, & incorruptibiles, in quibus
 materiæ binarius victus, & per ternarium, & quaternarium,
 hoc est, per abjectionem impuritatis, & confusionis quatuor
 elementorum ad monadis simplicitatem est reductus.

Ψ Η Ξ Ι Σ Μ Α. SENTENTIA.

Dogmata non juro in Paracelsi, aut scita Galeni,

Vera utriusq; placent, falsa utriusq; jacent.

1. **A**micus Galenus, amicus Paracelsus, sed magis est amica
 veritas. Tandiu ab illorum partibus stabo, quandiu illi
 à veritatis: tandiu mihi cum illis conveniet, quandiu ipsis cum
 veritate, & seipsis. Galenus ipse Hippocrati non credit tanquam
 dictatori, sed demonstratori. Ratio præpolleat autoritatibus,
 nec quis dicat, sed quid dicatur, attendamus: valeat τὸ αὐτὸς ἐφα.
 2. Schismata Medicorum ægrorum mors sunt, & nobilissimam
 artem risui plebis exponunt. Veritas una est: natura magistra
 nostra eadem, & immutabilis, nos ejus ministri factiones ali-
 mus, & nimium altercando veritatem amittimus. 3. Diversa
 sunt, fateor, inter Galenicos, & Paracelsicos nonnulla, pauca
 verò verè contraria aliis aliò intentis. Reducantur igitur in
 concordiam, cesset ambitio, invidia, odium, calumnia, persecu-
 tio, regnet candor, & *φιλανθρωπία* medica. Sanitas populi suprema
 lex esto. 2. Carere potuit Hipp. medicina apparatu Chymico,
 X nostro

nostro verò seculo ferreo malis nodis mali quærendi sunt cuncti. Leviores, & superficiales morbi faciliè mobiles communibus herbis, syrupis, decoctis, oleis profligantur: altiores & contumaciores exaltatis, extractis, & arcanorum tincturis exterminari desiderant. Extremis enim extrema. 5. Integra interdum sunt ex usu, cum vis toti inhæret, separata eadem privantur, & nociva evadunt: interdum soluta, cum actiones à partibus discrepantibus procedunt. Nam utrumq; semper integris, nullis solutis, vel nullis prorsus integris uti, & ex omnibus essentias extrahere velle, vanitatis & dementiæ plenum est. Mediâ itaq; viâ tutissimè incedemus. 6. Simplicia quandoq; sufficiunt, & certiora, naturæq; convenientiora sunt. Quandoq; morborum, causarum, & symptomatum *varietatibus*, & complicatio, vel ipsa medicamenti substantia, quantitas, qualitas, & agendi modus compositione suadent, nec compositio naturæ artis compositiones elidit. 7. Nonnunquam vulgaris herbulâ in nostro solo nata plus efficit, nonnunquam exotica & peregrina: aliquando vetera in usum revocamus, aliquando nova pro scoporum varietate præponimus. 8. Prudentis enim Medici est juxta indicationes, quæ pro naturâ morbi, antecedentium, concurrentium & consequentium, pro constitutione, & viribus ægri, aliisque coincidentibus, lædentibus, aut juvantibus variant, indicata persequi legitimâ medicamentorum electione, præparatione, præscriptione & exhibitione. Quandoq; igitur decocta destillatis, infusa extractis, simplicia compositis, nostratia exoticis, vetera novis, leniora vehementibus, vulgaria Chymicis, aliquando verò maturo judicio hæc illis præfert, adeoque suis quæq; usibus circumspectè accommodat. 9: Fatentur ipsi Chymiatriti, non in omni morbo utendum esse mineralibus, & eodem gradu exaltatis: quod enim potest fieri per pauciora, non debet fieri per plura: utuntur ipsi Galenicis, tanquam vehicu-

huculis, & hisce sua acuminis ergò imponunt. 10. Fatentur ipsi Dogmatici, Chymiam portionem mendicamentosam ab omni terrenâ fece, impuris, & alienis separatam, in unum cogere, & insigne decus, & felicitatem Medicæ arti conciliare: permittunt ex antidotis suis fieri extracta, vel è simplicibus, admittunt salia, olea, essentias, &c. iisq; *κατὰ λόγον* utuntur, & in officinis instructioribus non pauca Chymica publicè prostant. Multi etiam summâ cum laude præclaram Chymix operam navârunt, & etiânum navant. Sed hanc Medicinæ ceu servam, Dominæ, partem toti subjiunt, quæ scilicet non rationem, & leges cæteris præscribat, sed sua omnia secundum constitutionem illarum præparet ac dirigat. 11. Quamvis ipsa ex naturæ suæ essentiâ Dominâ sit, quatenus singulari artificio naturas, proprietates, litem, & amicitiam rerum indagat, & actionum fontes recludit, quæ quidem scientia acroamatibus omnibus certior & præstantior est: secundariò verò & ex accidenti varii generis medicamenta fabricat & expolit, eaq; Medico omnia ad humani corporis incolumitatem referenti utenda tradit. 12. Nullâ tamen ratione negari potest Chymiam solidæ Philosophiæ fontem, clavem sapientiæ, animam, medullam & obrussam Physicæ, dum omnia, quæ sunt in mundo majore ignis examine probat & rimatur, Medicum in contemplatione rerum naturalium, cognitione, dignotione, prænotione, & curatione morborum plurimum juvare, multoq; certiore reddere. 13. Quoniam autem Hermetica theoria rerum tam naturalium, quàm non naturalium, & præternaturalium nondum, satis explicata, & methodicè digesta, variisq; nominum involucriis, & opinionum perplexitatibus, ceu vepretis obvallata est, medendi methodum ab Hippocrate, Galeno, & reliquis dogmaticis traditam amplectamur, aptiorem verò medicamentorum præparationem à Paracello, & Chymicis excusso veter-

no impigrè addiscamus, & utrisque jucundissimā, & utilissimā
 οὐζυία sociatis ad Dei gloriam, & proximi salutem salubriter u-
 tamur. 14. Si quæ tamen micæ reconditæ Philosophiæ de
 mentis magnorum artificum decedentes nobis famelicis com-
 municentur, avidissimè easdem excipiamus, & in succum, san-
 guinemq; nostrum, ceu ambrosiam aliquam convertamus.
 Quod si fecerimus, nullum est dubium, quin evasuri simus
 ἵσμεν, παύμενοι, ὅλως δ' ἀνιάξιοι ἄλλων.

Πάντα δοκιμάζει, τὸ καλὸν κατέχει.

Omnia probate, quod bonum est, tenete.

ΕΠΙΘΕΜΑΤΑ.

1. **F**oeminas in viros mutari posse fabulosum,
 non est.
2. Viperam caput maris abscindere, & ge-
 nituram per os immitti, catulosq; corrosis lateribus
 erumpentes matrem interimere, falsum est.
3. Vipera morborum causa una, eademq;
 salutis
 Viva necem, vitam ritè necata parit.
4. Fouberti paradoxon est: posse αἰῶνες per
 multos annos vivere: ἐνδεδέτεον mihi videtur, posse
 id αἰῶνες: imò potum non esse necessarium, penè di-
 xerim.
5. Somnus meridianus non est insalubris.

6. Re-

6. Regum, principum, & magnatum vita salubrior est & longior, quàm plebejorum.

7. Calor primigenius non modò cælesti analogus, sed etiam origine, & essentiâ cælestis est.

8. Venena nullâ qualitate manifestâ nocent, sed totâ substantiâ calorem nativum cordis corrumpunt: singulis autem sua sunt alexipharmaca, possuntq; ita preparari, ut certo tempore, vel prorsus non interimant.

9. Nicotiana usus tantoperè Belgis, Anglis, Hispanis, & Indis frequentatus an conveniat? D.

10. Amor morbus est, & amantes iisdem curantur remediis, quibus amantes, sæpius quidem per similia, & nature amica, quandoq; verò per contraria & adversa.

11. Sanguinis missio in peste non modò supervacanea & periculosa, sed pestilens est.

12. Immeritò Gal. 10. simpl. reprehendit Xenocr. quòd frequentius remedia ex animalium excrementis usurparet: nam & hac non sunt destituta arcanis.

13. Perpetuum mobile Cornelii Drebbel Ba-

X 3 tarvi,

tavi, quod in Angliâ visitur, sempiternos siderum motus, temporumq; vicissitudines, & Oceani reciprocationes ad momenta & puncta in ævum representans: ut & organum ejusdem Musicum cælo sereno suavissimam harmoniam nullo digitulo tactum edens, nubilo silens, ab Animâ mundi, seu spiritu universi, astrali & insensibili in spheram, & instrumentum illud artificio Chymico magnetica vi attracto, infuso, & concluso moveri, rotari, & continuari vero consentaneum est.


14. Metallorum transmutatio est possibilis.


15. Duetantum sunt complexionēs, calida & sicca.


Πάντες γὰρ τῶ παλαιοῦ, γίνεσθαι, καὶ πρὸς αὐτὴν ἀγνοεῖν
Δὲ ἐν τῇ παλαιᾷ Θεωρίᾳ ἐκφάνει τὸ αἴτιον.

F I N I S.









06 7 II 2798.2800 ✓





